



BIBLIOTEKA
Zakł. Nar. im. Ossolińskich

XVI 1.145







~~3~~
NODI GORDII

à MARTINO SMIGLECIO nexi

DISSOLVTIO

*Facta per
JOHANNEM VOLKELIVM.*

RACOVIAE,
Typis Sebastiani Sternacii,
1613.

Prohibi-

18.080



XVII - 1145 - 5

1980

PRÆFATI O A D L E C T O R E M.

Cum proximo superiore anno, benignissime Lector, libellus Martini Smiglecii Iesuitæ, quem ipse Nodum Gordium inscripsit, in manus meas veniret, non nihil in principio, ut verum fatear, tum tituli splendore, tum sophismatum, quibus utitur, præstigiis, ab ejusdem libelli refutatione deterrebar. Non quod causæ nostræ, quæ verissima semper justissimaque est, illa ex parte diffiderem; Smigleciūque falsissima ubique concludere non viderem: sed quod meæ mihi tenuitatis conscius cùm essem, multos autem nostros homines quanto me ingenio doctrinaque sunt superiores, tanto felicius in hoc labore versari posse non ignorarem. Idcirco hōc scriptio nis genere planè superfedere tunc cogitabam. Verum cùm nullus illorum tantum ab aliis suis studiis temporis impetrare posset: egoque Smiglecii argumenta diligenter perpendens animadverterem, ea nequaquam nodo Herculeo nexæ esse, ad quem dissecandum Alexandri magni enī opus esset, sed vel nullo, vel parvo admodum negocio dissolvi posse, suscepit tandem partes istas, quantumq; in me fuit, nodos Smigleianos expedivi, omniaque quæ ipse ad nostros ministros, vero legitimoque ministerio spoliandos attulit, nullius momenti esse ostendi. Non diffiteor autem me

Præfatio ad lectorem.

multa à Smiglio dicta præteriisse, partim quod non in nos dicta ab ipso sunt: sed vel in eos qui Lutheranos, vel Evangelicos sese nominant: partim quod ejus generis sunt, ut ad nostram sententiam infringendam allata esse minimè videantur: quippe quæ cum re, quam Smiglicius agit, nihil commune habeant. Cumulatè igitur officium meum fecisse mihi video, qui ea omnia repulerim, in quibus Smiglicii demonstrationes, tanquam in fundamentis innituntur. Quod supereft, te benignissime lector, magnopere rogo, ut hunc laborem meum æqui bonique consulas, omniaq; quæ ad convellēda Smiglicii sophismata à nobis dicuntur, justis ponderibus examines, & sine dubio, Dei ope implorata, videbis Smiglicium frustra fudasse, quomodo pastores nostros non veros legitimosque ministros esse ostenderet. Deo autem, qui omnium rerum moderator est, cuique suam gloriam charam esse scio, totum hoc negocium committo, planeque mihi persuadeo, eum hunc laborem meum, cui clementer adfuit, ad regni sui amplificationem conversurum esse. Cui soli sit laus & gloria per I E S U M Christum.
Amen.

N O D I G O R D I I
A M A R T I N O S M I G L E C I O
nexi
D I S S O L V T I O.

UT Smiglecio cunctisq; aliis clarissimè pateat, nos illius nodum, quem, territandi causa, Gordium nominat, nequaquam extimescere, imò non nodum, sed scopas dissolutas existimare: ab eo exordiemur maximè, quod ille ultimo loco collocaverat, id est, etiam atq; etiam considerabimus, an ministri nostri missionis suè auctorem ostendere teneantur. Si enim rē aliter se habere demonstraverimus, fieri non poterit, quin omnia, quæ Smiglecius magno studio laboreq; in libellum suum comportavit, miserandum in modum dissipentur. Intelligendum quippe est, Smiglecio jam non cum illis Evangelicis rem esse, qui cum ipso facientes, missionem planè ad ministerii functionem necessariam esse asserunt: sed cum iis, qui ut ministerii officio quispiam rectè fungatur, non missionem, sed ea maximè requiri afferunt, quibus ministerii essentia naturaq; continetur. Quapropter minimè mirum, nec Smiglecio, nec aliis accidere debet, nos iis, quæ ad nos nihil pertinent, præteritus, Evangelicis illis, quibuscum Smiglecius in disputationis arenam descendit, causæ sue defensionem permittere. Scripserat quidam ex hominibus nostris anonymous, nostris ministris, ministerii contro-

6 Nodi Gordii à M. Sm. nexo
versiam jure moveri non posse. Quicunq; enim,
inquit, verbi D e i ministris, qui cum Eccle-
sia Romana aut Græca non consentiunt, e-
orum ministerii controversiam movent, ab
eisq; contendunt, ut suæ vocationis ac mu-
neris legitimum autorem ostendant, ii ni-
mirum insigniter falluntur. Aut enim mi-
nistros istos omnino pro novis quibusdam
Christi Apostolis divinisq; prophetis se ge-
rere, vel ut se gerant, opus esse credunt, aut
non credunt. Si credunt, egregiè falluntur.
Fatetur enim ultro ipsi ministri, se in iis quæ
docent, quamvis persuasissimum habeant,
ea esse verissima, errare tamen posse. Id quod
ab iis, qui se pro Christi apostolis gerunt, pe-
nitùs abest. Nec porrò ut ipsi pro talibus se
gerant quicquam est opus. Non enim inau-
ditam prius doctrinam aut religionem mū-
do se annunciare profitentur, vel ex novis
principiis priusque incognitis testimoniis
quicquam docere: Sed tantum ex iis princi-
piis iisq; testimoniis, quæ apud omnes Chri-
stiani nominis certissima sunt, ex ipsis in-
quam, Evangelistarum & Apostolorum scri-
ptis Apostolicam doctrinam, ipsumque
Iesu Christi Evangelium se docere profiten-
tur: vel potius prædicta scripta explanare
aliter atque jam diu vel in Romana vel in
Græca Ecclesia doceatur, quæ ante hosce se-
ptuaginta annos maximam partem Christi-
ani

ani orbis occupabant. Quod si nec eos omnino pro Christi Apostolis quibusdam novis divinis verbis Prophetis se gerere nec ut se gerant, opus esse credunt, quid est cur ab eis requirant, ut sui munera legitima autorem ostendant. *Hæc anonymous.* Smiglecius vero bunc syllogismum quantumvis optimè constructum non assumpsit: sed in ejus locum alium suffecit: nimur ut hoc artificio multa alia quæ ab anonymous dicuntur, isti negotii plurimum facessere poterant, declinaret. Qua quidem sua spe ut sese longè falli intelligat, omnem dabimus operam. Ac primò quidem tum ipsius syllogismum nobis afflictum videbimus: tum responsiones ad eum infringendum directas justis ponderibus examinabimus. Sic igitur pro nobis argumentatur: Qui se non gerit neque se gerere debet pro novo apostolo aut propheta, non tenetur suæ vocationis autorem ostendere, sed potest ex charitate verbū Dei & sacramenta proximis ministrare sine ullo speciali sibi legitimè demandato eius rei munere. At qui ministri Evangelici neque se gerunt, neque gerere debent pro novis Christi apostolis aut prophetis. Non igitur tenetur suæ vocationis & missionis autorem ostendere. Quod vero non se gerant pro apostolis, res est manifesta. Nam apostoli & prophetæ, errare non possunt. Ministri autem evangelici, in iis quæ docent, (etiam si persuasissimum habeant esse verissima) faten-

tur se errare posse. Quod verò non debeant pro talibus se gerere, inde constat, quòd doctrinam neq; novam, neq; ex novis principiis, sed ex scriptis Evangelistarum haustam doceant.

Hic animadvertisendum est Smigleciū terminos mutare, duoq; anonymū dicentem facere, quæ non dixerat: nimirūm tum Apostolos & Prophetas errare non posse: tum nostros ministros doctrinam non novam, sed ex scriptis Apostolorum & Evangelistarum haustam docere. Horum neutrum, inquam, anonymous dixerat. Ad Apostolos enim & Prophetas quod attinet, non dixerat eos errare non posse (quamvis hoc, si de veris Prophetis Apostolisq; sermo habeatur verissimum sit) sed penitus ab eis abesse, ut se errare in iis posse fateantur, quæ ipsi verissima esse persuasissimum habeant, ut quidem ministri nostri faciunt. Non dixerat etiam nostros ministros non novam, sed ex scriptis Apostolorum & Evangelistarum haustam doctrinam docere: sed eos se hoc facere profiteri. Quantum autem referat, utrūm hoc an illo modo dicatur, infra suo loco videbimus.

Iam ut ad Smigleciī responsiones veniamus, videmus eum syllogismi pro nobis constructi, & propositionem & assumptionem negare. Ac ut de propositione prius videamus, mirum est illud à Smiglecio negari, quod etiam luce meridiana clarius est, nimirūm eum qui nequaquam ex eorum numero esse dicit quibus missio competit, veluti sicut propheta & apostoli, nō teneri missionis suæ autorem ostendere.

dere. Hæc negatio certè & cum recte rationis iudicio pugnat, & ideo tanto lesuita indignissima est. Quid enim verbi causa, Smiglecius illis responderet, qui ex illo fortè percontarentur, quo pacto ipse & quo autore Papa factus sit? nimirum eos insanire cùm se se pro Papa minimè gerat. Sed jam videamus quibus rationibus ista tam audax stultaq; negatio ab ipso fulciatur. Non solum, inquit, novum apostolum, " sed omnino quemcumq; apostolum, hoc est, quicunq; munus apostolicum ministrando verbo Dei & sacra- mentis, sibi assumit, debet ostendere suæ vocationis & missionis autorem: alias pro vero apostolo & vero propheta haberi non debet. Hic rursus non uno mo- do turpissimè labitur Smiglecius. Primo enim id pro concessu sumit, quod nos per negamus, nimirum no- stros ministros, non quidem pro novis, sed pro qui- buscunq; apostolis se se gerere; Deinde ineptissimè novos apostolos, quibuscunq; apostolis opponit, cùm novum non cuicunq; sed veteri opponendum sit, & porrò hic ad illos duodecim Christi legatos respectus habeatur. Præterea nihil à vero alienius est, quām eum, qui divinum verbum & sacramenta, quæ vo- cant, administrat apostolicum munus sibi assumere: cùm talia exequi, nequaquam apostolorum propri- um officium sit, quippe quæ etiam ab iis qui apostoli & sic missi nequaquam fuerunt, & facilitata fuisse, scriptum legamus. Quamquam autem ordinis ratio flagitare videtur, ut id omniū primò de Divini verbi prædicatione ostendamus: tamen cùm infrà aliam ob causam uberrimè hac de re explicandum nobis sit,

idcirco ea in illum locum rejecta, hic statim de sacramentis agemus, & primò quidem de cœna Domini. Intelligendum igitur est, nullo nec scripturæ nec rationis præsidio confirmari posse, ejus administrationem apostolici munera propriam esse. Vnde colligitur nequaquam eum apostolicum munus sibi assumere, qui Christiano populo id postulante, cœnæ Dominicæ dispensationem suscipit. Nusquam enim scriptum legimus, Christum ceremoniæ istius administrationem, Apostolis, quatenus Apostoli fuere singulari quadam ad reliquosq; minimè spectante ratione demandasse. Quinimò ne hoc quidem ex Divinis literis discere possumus, omnino necesse esse, ut certus quidam homo eligatur, qui Christi quasi personam sustinens, reliquis cœnam Domini dispenset. Contrà verò compertissimum est, hujus ceremoniæ religionem universæ Christi ecclesiæ, in perpetuam illius mortis commemorationem traditam esse.

Paulus quippe sese eam à Domino acceptam, universo fidelium Corinthiorum cœtui tradidisse assert. Nec ullum tunc extitisse vel Apostolum vel Apostolorum successorem, qui reliquis in cena Dominica celebranda præiret, inde constat, quod vel universam illam ecclesiam, abusus nomine reprehendendi nullam causam habuisse, cum Apostolus, qui illis præfuisse, nec ipse errare ea in re potuisse, nec reliquos errare permisisset. Vel si quis Apostolorum loco ibi relictus, tum ipse errasset, tum reliquis errandi causam attulisset, ad illū perstringendū potius, quam ad alios, orationem direxisset. Hinc insuper colligitur,

Chri-

Christum cùm cœnam suam institueret, Apostolis suis, quatenus omnium fidelium personam gerebant, imperasse, ut ritus iste in ipsius Ecclesia retineretur, idq; ut Paulus afferit, usq; ad ultimum ejusdem Christi adventum. Quod verò Pontificii, id, quod hoc loco dicimus, ea refalsum esse ajunt, quod non omnes Christi discipuli, sed soli Apostoli ad negotium istud adhibiti fuerunt, ideoq; hanc actionem non ad alios sed ad solos Apostolos spectasse, maximoq; id argumento esse pugnant, Apostolos tunc à Christo sacerdotes creatos, eisq; corporis ipsius sacrandi potestatem factam suisse; id nimirūm ipsa futilitatefutilius est: cùm non solum longè alia causa esse potuerit, cur Christus solos Apostolos actioni isti interessevoluerit: sed etiam nihil à vero alienius sanctiūq; literis magis contrariū sit, quam Christum, qui semel seipsum offert, idq; in cælo, Apostolis aliisve qui his successerint, sui corporis, in terris subinde sacrificandi potestatem dedisse, ut à nobis alibi scriptis publicis abūdē demonstratum est, ad quæ tum Smigleciū tum alios remittimus. Interim tamen longè aliam ob causam, Dominum nonnisi Apostolos ad cœnam suam instituendam peragendamq; accersere potuisse, quam ut ad eos solos res ista spectaret, inde perspicuum est, quod non semel scriptum legimus, illum reliquis præteritis, ea cum his communicasse, quæ ad illos similiter pertinebant. Quid enim? an non omnium intererat scire Christum in urbe Hierosolimitana & afflendum, & in crucem tollendum, & tertio die à mortuis excitandum esse: nihilominus tamen solos duode-

cim Apostolos eum assumpsisse, quibus hoc & concrederet, & in sua ipsius persona ante oculos constitueret, divinis literis edocemur. Quid quod & de his duodecim, tres tātum, eum, non semel elegisse acceptimus, quibus ea patefaceret, quae reliquos fugere minimē oportebat? Velut est tum Christi illa clarificatio Deīg, testimonium quod in monte illo de ipso dixit: tum illa potentia quam in terris adhuc degens, Iairi Synagogæ principis filiam suscitando declaravit. Quo fit ut potius alia hujus rei causa indaganda sit, quam per summam temeritatem ea hinc colligenda, que & nulla consequentiē vi concludi possunt: & manifestam pariunt absurditatēm! Ea autem, ut & ipsa veritas suadet, & hominū cor datorum fert iudiciū, nulla alia est, quam quia Dominus Iesus istos duodecim, & interdum ex his aliquot singulariter elegerat, quorum opera reliquos ad divina mysteria institueret, secūdūm illud, Quod vobis dico, omnibus dico. Atq; etiam causam anonymus attulerat, cur non omnino necessarium esse statuendum sit, aliquem certum hominem, qui divinitus singulariterq; vocatus sit cœnæ Dominicæ administrandæ adhiberi: nimirūm quod nequaquam opus sit, ut aliqua, ex ministri persona, sive dignitas, sive vis cœlestis, sive sanctitas, sive mutatio ad hanc actionem redundet: & quicquid eâ vel sanctitatis vel mutationis continetur, id omne non ad ministri personam, sed ad divinam institutionem referendum sit.

Ad hæc Smiglecius hunc in modū respondet: Si eu-
charistia nihil aliud esset, nisi commemoration cœnæ

Domi-

Dominicæ, ut *anonymus* cum suo *Calvino* somniat, non esset proculdubio ulla potestas specialis in ministerio necessaria ad eucharistiam conficiendam. Hic animadvertisendum est, neq; *Calvinum* neq; *anonymum*, unquam tam ineptè locutum fuisse, ut eucharistiam sive cœnam Domini, cœnæ Domini commemorationem appellarent. Non ignorarunt enim in eucharistia non cœnam Domini, sed ipsum Dominum eiusq; mortem commemorandam, sive, (ut *Paulus* loquitur) annunciatam esse. Quo sit ut cum sua umbra pugnet *Smiglecius*, dum postmodum *anonymum* dicentem facit, quæ nunquam dixit, nimirum cœnam Dominicam commemorare, esse eam confidere. Valeat igitur cum somniis suis, & discat tandem in cœnæ Domini celebratione, nihil aliud præcipue fieri, quam Christi mortem annunciaris, seu Christum commemorari, quatenus, scilicet, truculentissimam mortem pro nobis appetiit, idq; tum ipsos Christo, tum *Paulo* Apostolo locupletissimo teste. Quorum ille luculentissime docet, hoc faciendum esse in sui commemorationem: hic verò, quotiescunq; inquit, ederitis panem hunc & poculum hoc biberitis, mortem Domini annunciatis, donec veniat: ut facile appareat panem frangendo & comedendo Christi corporis fractionem: & vinum in poculum insundendo, Christi sanguinis profusionē adumbrari. Quia de causa & illud Christi corpus nominatur, quippe quod, quid de Christi corpore mox futurum esset, declaraverit: hoc verò alterum Christi sanguis dicitur: utpote quod Christi sanguinis effusionem ante oculos



oculos constituit. Et hoc quidem est Christi mortem, que fractione seu crucifixione ipsius corporis, sanguinisq; profusione continetur, annuciare, Dominicamque cœnam ritè peragere. Quod verò dicit Smiglecius, non hoc tantum in Dominica cœna fieri: sed insuper ipsum corpus, ipsumq; sanguinem Christi sub specie panis ac vini constitui, mutatione illa admirabili totius substanciali panis & vini in corpus & sanguinem Christi: id nimirūm & somnium inanissimum est, & cœna Dominicæ institutiōni contrarium, cùm hic luculentissimis Christi verbis doceatur, ejusdem corpus sanguinemq; in sacra ista actione commemorari. Id quod cum ipsius corporis sanguinisq; presentia, que ex ista admirabil transubstantiatione necessario fluat, nihil habet conjunctum, imo eam prorsus excludit. Quorsum enim attinet illud commemorare, quod præsens adest, jamq; manibus palpatur, oreq; comeditur ac bibitur? cùm commemorationem, ad ea que absunt, spectare manifestissimum sit. Verū audiamus quo argumento somnium istud stabilire nitatur. Omnes, inquit, Catholici ita sentiunt: quasi verò nos Catholicon, per quos Romanenses intelligit, placita approbemus, & non potius eam ipsam obcausam ab illis defecerimus, quod eos funestissimis erroribus implicatos esse certum exploratumq; habemus. At, inquit Smiglecius, Catholicos à Christo id edoctos esse, qui non aliam substanciali in hoc sacramento indicavit, quam substanciali Corporis & Sanguinis sui: Hoc est corpus meum: hic est sanguis meus. Respondeo

spondeo autem Christum non dixisse: hæc est substantia corporis sanguinisq; mei: sed simpliciter: hoc est corpus meū, & hic est sanguis meus. Quod si hoc idem cum illo esse Smiglecius existimat, toto cælo errat: cum Christus longè alia de causa his verbis, & utrum potuerit, & usus sit, quam ut sui corporis sanguinisq; substantiam indicaret, quemadmodum tum paulo antè ostendimus, tum ex similibus loquendi modis perspicuum est. Ezechielem verbi causa, Jubet Deus capillos barbamq; suam tondere, pilosq; tum ponderare, tum partim comburere, partim gladio secare, partim in ventos dissipare, partim deniq; in summitate pallii ligare, ejicereq; Hæc dicit Dominus: ista est Hierosolyma, &c. Quis autem sañementis homo hic admirabilem istam, ut à Smiglecio vocatur, mutationē cogitabit, ut nimirūm pilos aut totum istud pilorum negotium in substantiam urbis Hierosolymitanæ conversum suisse existimet? cum nihil sit manifestius, quam his verbis indicari, quid mox de Hierosolymitanis futurum esset. Similiter & de aliis Christi verbis sentiendum esse ipsares ipseq; cœnæ Doninicæscopus ostendit. Ejusdem rei & illud luculentissimum exemplum est, quod Iudei agnum Paschalem celebrantes dixerunt: hoc est Phasæ Domini: Vbi similiter non nisi commemorationis illius Phasæ seu transitus declaratur: non autem ulla realis mutatio. Adde quod maximæ absurditates, que ex isto Romanensium somnio nascuntur, nequaquam hominibus intelligentibus ita cum ratione insanire permittunt, ut istam admirabilem, vel potius

potius nugatoriam mutationem in cœna Domini fieri credant. De quibus in multis nostrorū hominum scriptis satis superq; disputatum est, evidentissimeq; demonstratum, verba illa Christi que in sexto Iohannis Evangelii capite extant, ad cœnæ Dominicæ institutionem minimè pertinere. Ad illa igitur scripta, tūm Smigleciū, tūm alios rejicimus. Porro autem quod afferit Paulum in illis verbis (Calix. cui benedicimus nonné cōmunicatio sanguinis Domini est) agnoscere ministrum non commemorare tantum benedictionem calicis à Christo factam in ultima cœna: sed re ipsa calici benedicere, & benedicendo vinum in sanguinem commutari, id nimirū falsissimum est. Primo enim nullum certum hominem ibi Apostolus memorat, cui singulariter benedicendi persona imposita sit: sed universam ecclesiam innuens, seseq; ab ea minimè excludens, dicit: Calix cui benedicimus & panis quem frangimus. Monet quippe universum Corinthiorum cœtum, ut quia pane frangendo, caliceq; benedicendo, sese populum Christi, eorumq; que morte sua peperit, beneficiorum participes esse profitebantur, ne altera ex parte idolothytis cum extraneis vescēdo ostendant se simul & demoniorum mensæ participes esse, & sic eorum consortio gaudere, cum hæc simul consistere nequeant. Quod quidem ita, ut dicimus intelligendum esse, ipsa verborum complexio Israelitarumq; exemplum ibidem adductum luculētissimè demonstrat. Deinde calici benedicere, non significat vinum in sanguinem Christi commutare: propterea quod

quod hæc verbi istius significatio non solum nullo sa-
crarum literarum testimonio exemplové comproba-
ri potest: sed etiam aliis insuper isq; verissimus ejus
sensus in divinis literis continetur: nimirum calicē
benedicere nihil aliud esse, quam accepto calice Deo
gratias agere: qua de causa hæc ipsa actio eucari-
stia à veteribus appellata fuit. Negq; enim Smigle-
cius credo negare audebit, benedictionem istam non
solum ad calicem, verū etiam ad panem pertinere.
Alias enim secundūm ipsius sententiam, tantūm vi-
num in Christi sanguinem mutaretur, nequaquam
autem panis in Christi corpus. Quid quòd ipse Chri-
stus hanc ceremoniam instituens, primò benedixisse
apud Matthæum; deinde panem fregisse poculoq;, ac-
cepto gratias egisse dicitur? Ut facile appareat, be-
nedicere gratiasq; agere, eundem sensum cōtinere.
Vtramq; enim locutionem Paulus, cum quo pacto
sibi cœna Domini tradita aliisq; tradenda fuerit, o-
stenderet, his verbis complexus est: Gratiis a cōtis
fregit, &c. Quapropter nisi Paulum sibi ipsi con-
tradiceremus, fatendum est, illum benedictio-
nis nomine gratiarum actionem intelligere. Quod
etiam inde perspicitur, quod idem Paulus, sine du-
bio Christi magistri sui, à quo se se hujus ceremonie
religionem didicisse ait, vestigia, tūm ipse persequi,
tūm aliis ad idem faciendum autor eſe voluit. Cūm
igitur Christus, ut testis est Matthæus, accepto poculo
gratias egerit: quorsum attinet Paulum per verbum
benedicendi, mutationem istam monstrosum intel-
lexisse putare? Huc accedit quod duo ista verba, be-

nedicere nimirūm & gratias agere, non solum apud

Mar. 14. 22. Matthæum, ut jam vidimus, verūm etiā apud Mar-

Luc. 22. 17, cum & Lucā confunduntur. Vedit hoc Chrysostomus:

*19. vidit Theophilactus, viderūt alii quam plurimi, qui-
bus & magnum illum Erasumum anumeramus, qui
locum istum Pauli explicans sic scribit: Benedici-
mus calici, id est calicem cum gratiarum actione
sumimus.*

*Cùm igitur, ut demonstratum est ministri per
sona nullam huic ceremonie mutationem afferat,
nullam sanctitatem conciliet: sed quicquid horum
habet, id omne ad illum, qui ejus autor est, referen-
dum sit: aut firmioribus argumentis Smiglecius suam
causam constituat: aut fateatur ne quaquam opus es-
se, ut ministri singularem quandam potestatem sibi
divinitus datam habeant cœnæ Dominicæ dispen-
sandæ: & porro etiam minime necessarium esse, ali-
quem certum hominem eligi, qui hanc personam
sustineat.*

*Similiter, & quidem multò magis etiam de ba-
ptismi administratione existimandum est, præser-
tim cùm & ipse Smiglecius ejusmodi casum incide-
re posse fateatur, ut à quolibet actio ista rite perfici-
atur. In hoc tamen non leviter errat, quod hoc in ca-
su necessitatis fieri posse existimat, nimirūm absente
legitimo ministro: idq; propter summam baptismi ad
salutem necessitatem. Nam nec baptismum sum-
mè ad salutem necessarium esse uspiam apud sacros
autores scriptum legimus: nec eam ipsam ob causam
iste necessitatis casus accidere potest: nec deniq; quic-*

quam

quam prohibet, quominus etiam præsente legitimo ministro baptismus à quolibet alio administretur. Quinimò hoc factum suisse in actis apostolorum legimus: ubi Petrus qui apostolus ideoq; legitimus minister erat, jussit ut se præsente Cornelius una cum tota familia sua baptizaretur. Quod quidem à fratrib. Ioppensibus, qui unà cum Petro venerant factum esse, ipse verborum contextus luculentissime docet.

Adduxerat noster anonymous plura exempla, eorum nimirūm, qui ab illis ritè baptizati fuerunt, quibus ante a munus illud singulariter assignatum minimè erat: veluti fuerunt Samaritani, Eunuchus, & alii: Sed ea omnia Smiglecius suo illo syllogismo egregiè occultavit.

Verùm transeant ista: veniendum enim jam est ad reliqua, quæ Smiglecius non nisi per ministrum singulariter missum, divinaq; potestate donatum, præstari posse asserit: veluti est tūm manuum impositione: tūm peccatorum remissio. Nam de copulatione matrimoniali quid attinet dicere, cùm etiam ipse Smiglecius fateatur eam absq; ministro fieri posse.

Ad manuum igitur impositionem quod attinet, faciendum est, eam in primæva illa ecclesia ita viguisse ut plerumq; illi quibus cōtingebat divino spiritu perfunderentur: Verùm cùm hoc admirandum quodam opus fuerit, & ad salutarem Christi doctrinam, in illis ecclesiæ principiis confirmandam, ut omnia alia miracula tunc edita, accommodatum: & porro postquam eadem Christi veritas satis confirmata esset cessare debuerit, ut à nobis & alibi demonstra-

rum est, & infra suo loco demonstrabitur: parumne
liquet non solum minimè opus esse, ut hodie ejusmo-
di ministri ecclesiis præficiantur, qui ista potestate
sint prædicti: Verùm etiam hoc nullo pacto fieri posse.

Iam ut ad peccatorum tūm remissionem, tūm
retentionem veniamus, ad quam exequendā Chri-
stum Apostolis Spiritum sanctum dedisse afferit, ut
ostendat, non ad quosvis fideles negotium istud per-
tinere, intelligendum est eam, in duas partes accipi
posse. Aut enim significat primam illam, anteq; Apo-
stolorum etatem, universo terrarum orbi inaudi-
tam declarationem, qua quis sempiternam felici-
tatem adepturus, ab eavé excludendus esset, aperie-
batur: aut designat ejusdem declarationis perpetua-
am in Christi ecclesia repetitionem. Primam illam
ad solos Apostolos pertinuisse libenter concedimus,
atq; adeò urgemus, quippe cùm ad eam ritè perfici-
endam ejusmodi opus fuerit viris qui primi omni-
bus numeris absolutissimam rerum divinarum, ma-
ximè autem salutarium noticiam haberent, &
ideò divini spiritus afflatus compulsi, Dei de homini-
bus vel salvandis vel damnandis consilium toti ter-
rarum orbi patefacerent: id est, Christi nomine il-
lis qui ipsi considerent, & sic ex ipsis præceptis vi-
tam componerent, sempiternam vitam promitte-
rent: qui verò contra facerent eis sempiternum in-
teritum denunciarent. Hæ enim sunt claves illæ &
hæc illa potestas est solvendi atq; ligandi, quam Chri-
stus Petro aliisq; Apostolis fecerat: hancq; ipsam ob-
causam Apostoli fundamentum nominantur, ut po-

te quibus, ipsorum munera ratione habita totum spirituale Christi ædificium nititur. Vnde colligitur hoc Apostolorum munus suisse singulare, illorumq; proprium, & ideo omnem successionem excludere: cum qui sese illorum successorem jurè dicere velit, is & fundamentum quod in hoc sacro ædificio struendo omnium primo positum est, sese faciat: & sic jam tunc sese extitisse, cum Christus Apostolos suos ad Evangelium divulgandum in universum terrarū orbem mitteret, exq; eorum numero suisse afferat. Quod sanè nec fieri potest, nec sibi ipsi consentaneum est; cum nec is qui ex Apostolorum numero est, iisdem succedere possit: nec qui his succedit fundatum, & sic in illis qui primi Evangelicam disciplinam promulgarunt, haberiqueat. Et quidem hanc ipsam ob causam libenter fatemur. non solum quibusvis hominibus, sed ne ministris quidem nostris, primam illam rei istius de qua hic agitur, declarationem convenire. Quinimò Romanenses cum ratione insanire putamus, qui omni pudore absterso tantam rem, tamq; ut sic dixerim, impossibilem suo Papæ aliusq; qui ex ejus pendent autoritate tribuere non dubitent.

Iam quod ad alteram significationem attinet id est eorum quæ Apostoli tūm de absolvendis tūm ligandis peccatoribus primi pronunciarunt, repetitionem: constat, ipso recterationis judicio teste, nullo opus esse singulari divini spiritus impulsu, aut divina vocatione ad hanc rem perficiendam: sed satis superq; esse ea intelligere, menti insigere aliusq; expli-

22 Nodi Gordii à Ma. Sm. nexo
care, quæ semel ab Apostolis tradita nobis sunt. Quod
quidem à quolibet dummodo ad hanc rem appositus
sit, in eaq; studium suum ponat, implorato Dei auxi-
lio fieri posse manifestissimum est.

At verò, inquit Smiglecius, cum tot existat
falsi prædicatores, qui suos errores sub præ-
textu veræ doctrinæ venditent, nemo est qui
non videat, aliter huic periculo prospici nō
posse, nisi ut nō in cuiusvis potestate sit præ-
dicationis officium obire: sed ejus duntaxat,
qui à legitima potestate & magistratu ad id
munus approbatus existat. Respondemus au-
tem hujus ratiocinationis consecutionem duabus de
causis falsissimam esse. Primò enim nequaquam
consequens est, idèò non cuilibet liberum esse debere
prædicationis munus obire, quod multi falsi prædica-
tores existant: cùm etiam Apostolorum tempore,
multi seductores in mundum ingressi fuerint: mul-
tos tamen nulla à magistratu aliquo, accepta pote-
state, liberè, nulloq; prohibente divinum verbum id-
q; maximo cum fructu prædicasse scriptum legamus,
ut infrà suo loco planum faciemus. Deinde ineptè
ex falsorum prædicatorum multitudine colligitur,
aliter hoc periculum vitari non posse, atq; isto modo
quem Smiglecius præscribit, sive enim hac ratione
seductores extirpari, sive erroribus illorum occurri
existimet, nihil agit. Illud quippe falsissimum est,
cùm etiam Apostolis viventibus, stanteq; ministro-
rum publica ordinatione, hæreticos seductoresq; ex-
sistisse manifestum sit. Qui nímò & ipse Smiglecius

sub

sub libelli sui finem, aliiq; Romanes se p̄issimè con-
questi fuere hæreses irrepsisse, quantumvis se se epi-
scoporum missione successioneq; continua nunquam
caruisse glorientur. Hoc alterum verò minimè con-
sequi inde patet, quod longè aliter ac isto modo, er-
roribus obviam ire possumus atq; adeò ex Apost ola-
rum institutione debemus. Explorandos enim spi-
ritus esse, explorandaq; omnia, & quod bonum est
rependum: quod verò divino verbo contrarium ali-
ud vē Evangelium est, ut Paulus loquitur, id fugien-
dum edocemur. Quid quod Deus interdum hæreses
irrepere permittet, ut & quoddam fidei nostræ con-
stantiae experimentum extet: illi, qui probati sunt
manifesti fiant. Dixerat anonymus noster, inter
cetera, cuius Christiano homini licere, etiā sine spe-
ciali ullo sibi legitimè demandato munere charita-
tem erga proximos exercere: esse verò opus charita-
ris ad Apostolicam doctrinam Christiq; Evangelium
complectendum ac retinendum alios cohortari, divi-
naq; oracula, quæ omnibus proposita sunt, illis expli-
cari. Hoc verò Smiglecius ineptè dici afferit, ratio-
nesq; cur sic dicat, duas affert. Nos autē ordinis cau-
sa, eam quam posteriore loco posuerat, primò exa-
minabimus, quæquidem hæc est: Nonné, inquit, ta-
lem charitatem æquè mulier exercere pos-
set, quam tamen Paulus nullo modo prædi-
care permittit. Mulier, inquit, in silentio di-
scat cùm omni subjectione: doceri autem
mulieri non permitto. Cujus quidem rei Smi-
glecius nullā aliam causam esse dicit, quam quia ea

charitas illis incumbat, qui cæteris ex officio præsunt quibusq; id officium est legitime demandatum. Sed vehementer fallitur, ideoq; multò, quam anonymous, ineptius loquitur, & tantum non contra se ipsum locum istum affert. Cùm enim Paulus solas mulieres à prædicandi munere removeat, nullumq; planè de viris ad docendum idoneis, excludat; nonné manifestum est, eum omnibus viris, qui tales sunt, docendi libertatem permettere? Adde quod longè alia hujus rei causa ab Apostolo affertur, nimirum quia uxor viro subdita esse debet, & nequaquam in illum autoritatem usurpare: ut facile appareat, in ecclesia docere, cum ea subjectione pugnare, quam uxor debet viro. Ideo enim à Paulo hæc duo expressè opponuntur, cùm ait: non permittitur mulieribus loqui in ecclesia, sed subditas esse, ut lex dicit. Si enim mulieribus publicum docendi munus permitteretur, non solum non subjectæ viris essent: sed etiam aliquam tenerent autoritatem, tūm in alios, tūm in proprios maritos suos. Quod quam absurdum esset, res ipsa docet.

Alteraratio quam Smiglecius ad istud charitatis officium evertendum attulit, multis ipsius verbis continetur, quæ nos brevitatis atq; perspicuitatis causa in syllogismum redigemus hoc pacto: Quodcunq; divinis præceptis adversatur Deiq; & proximi charitatem offendit, id opus charitatis dici non potest. Atq; sine speciali mandato alios ad Christi Apostolicamq; doctrinam amplectendam ac retinendam cohortari, divinaq; oracula quæ omnibus propofita

sita sunt explicare divinis præceptis adversatur & proximi charitatem offendit. Ergo id facere non est opus charitatis. Hujus argumentationis propositio nem libenter concedimus. Assumptionem vero per negamus. Videndum tamen est, quibus tūm scripturæ, tūm rationis præsidiis eam Smiglecius tueri nitar. Primo igitur, quod ad scripturam attinet, partim in isto loco, partim in ipso hujus cum anonymo disputationis initio aliquot sacra testimonia adducit, in quibus mirum in modum, ante tamen victoriā triumphat, exploratissimumq; habere videtur se jam viciisse, nostramq; sententiam penitus explosisse atq; ejecisse. Efficiemus igitur, Dei ope implorata, ut Smiglecius opinione longè se falli intelligat.

Primo igitur, illud divinissimi autoris testimonium in medium profert: Nemo sumit sibi honorem: sed qui vocatur à Deo, tanquam Aaron, idq; non solum de honore aliquo noviter constituto, & antè à nemine usurpato: sed absolutè de quovis honore, administrandum in iis quæ pertinent ad Deum accipiendum affirmat: quippe cùm Paulus absolutè loquatur. Respondemus autem hæc divinissimi autoris verba, nihil quicquam adrem, quæ de agitur pertinere, cùm non contra eos qui honorem, summo pontifici debitum sibi minimè vendicant, sed in illos, qui Aaroni Christoq; sese in summi pontificatus munere successisse gloriantur, afferenda fuerint. Quod autem Smiglecius autorem istū absolutè de quolibet honore loqui asserit, id nimirum à vero alienissimum est: Cùm enim totus contextus,

de eo honore, qui summo pontificatu continetur, sermonem esse indicet: articulusq; in Græco, honoris vocabulo adjunctus, de certo honoris genere verba fieri convincat, quo pacto, quæso, que hic à Smiglio dicuntur, constabunt? Qua de causa, quidam, divinarum rerum peritissimi homines, non simpliciter honorem, sed, hunc honorem, verterunt.

Pergit autem Smig:, Paulumq; Aaronis exemplū adducere, ait, qui etiamsi non novam, neq; à Mose differentem doctrinam aut ritum afferret, debuit tamen novari legitimè à Deo, & iubente Deo, cœreratione ac ceremonia ad id munus consecrari, qui ritus, non in ipso solùm observari debuit: sed in omnibus omnino sacerdotibus, qui illi in officio successerunt: vel illum in suo ministerio juverunt.

Hæc & alia, quæ subjungit Smiglecius, ad rem propositam nihil quicquam pertinent, cùm de pontificatu sacerdotioq; agant, quorum neutrum nostri ministri sibi arrogant. Nec mirum, nemini tunc administrandum accedere licuisse, nisi qui Levita esset: cùm legalis illa publicaq; divini cultus administratio, ad certam nempe Aaronis & Eleazaris familiam astricta esset: hodie vero minimè. Neq; enim hoc seculorum ætate queritur, an qui divinarum rerum explicationem suscipit Levita nec ne sit: Sed utrum ad docendum sit aptus, vitamq; vivat piam ac inculpatam. Veterem enim illam religionem, diviniq; cultus rationem, Christo veniente, novamq; disciplinam promulgante, defecisse, huicq;, uti umbram corpori, loco cessisse, ex Apostolorum testimonis manife-

nifestissimum est. Idcirco non spectandum hac tem-
pestate est, quid, quaꝝ ratione sub lege gestum fue-
rit, sed quid nobis Christus Apostoliꝝ mandaverint.
Atꝝ hinc perspicuum est, cùm nec Christus, nec A-
postoli, ullam ab eo, qui docendi partes suscipit, suc-
cessionem missioneꝝ requirant, Pontificios fru-
strà ex Mosaica lege, rerum istarum firmamenta
petere.

Hic verò Smiglicius, alterum non quidem ex
Lege, sed novo Testamento, assert testimonium,
quod illis Pauli Apostoli verbis continetur: Quo-
modo prædicabunt, nisi mittantur? quomo-
do credent ei, quem non audierunt? quo-
modo autem audient sine prædicante. Quo
quidem testimonio, si Smiglicius suam sese causam
constituisse existimet, toto cælo errat: cùm isto in lo-
co nequaquam de eo prædicationis genere verba fi-
ant, quo vel nostri ministri, vel etiam alii divinas li-
teras explicantes utuntur: sed quo usi fuerunt olim
Apostoli, quodqꝫ illorum proprium fuit. Agit quippe
hic Paulus de illa prima Evangelii prædicatione, ad
quam non nisi Apostoli missi erant. Erat enim tunc
Evangelica doctrina, res quedam nova & inaudita,
cùm eos Dominus in universum terrarum orbem
exire illamqꝫ ubiqꝫ disseminare juberet. Et quidem
ad illud tempus, quo primùm Christi doctrina præ-
dicata est, Pauli ista verba referenda esse, ipse con-
textus indicat, quod nimurum, idem Apostolus illam
gentem nempe Israeliticam, apud quam tunc Apo-
stoli degebant, divinæ gratia contemptus accusat: ut
qui

qui letum de vita æterna nuncium , tanquam non
divinitus allatum , repudiassent , & ideo Apostolos
nequaquam ad Evangelium prædicandum missos es-
se crederent . Ut igitur hanc illorum amentiam con-
vincat , pulcherrima gradatione utitur . Quam ut
non nisi ad Apostolorum missionem spectare osten-
damus singula ejus membra justissima trutina exa-
minabimus . Primo igitur docet , Dominum Iesum
in omnes tum Iudeos tum Græcos , ipsum invoca-
tes divitem esse , quod quidem magno antea myste-
rio involutum , omniumq; primò Apostolis , maximè
autem Paulo , patefactum fuisse , ipse testificatur : ut
nimirum primi hoc universo terrarum orbi annun-
ciarent . Atq; hoc idem etiam ex sequenti hujus gra-
dationis membro intelligitur . neminem , videlicet
Dominum invocare posse , nisi in eum credat . Ut e-
nim in illum credere , & porro eum implorare quis-
piam possit , necesse est , ut ex illis testibus , qui eum à
mortuis excitatum , inq; cœlos elatum viderunt , ex-
ploratissime cognoscat , eum tantum factum esse , ut
absq; ullo errore invocari queat . Quos quidem testes
Apostolos illos fuisse compertissimum est . Petrus
quippe in ædibus Cornelii , inter cetera sic loquitur :
Hunc D e u s fuscitavit tertio die , & dedit e-
um manifestum fieri , non omni populo , sed
testibus præordinatis à Deo , nobis , qui mā-
ducavimus & bibimus cum illo , postquam
resurrexit à mortuis : & præcepit nobis præ-
dicare populo , & testificari , quia ipse est , qui
constitutus est à Deo judex vivorum & mor-
tuorum .

euorum. Rectissimè igitur subjungit Paulus: quomodo autem credent sine prædicante, & quomodo prædicabunt nisi mittantur. Res quippe tunc erat nova inauditaq; , & ab omni humana intelligentia remota, Deum, nimirum Iesum illum paulò antè crucifixum, à mortuis excitasse, Dominumq; ac Christum fecisse, & porrò illi confidendum, divinumq; honorem habendum esse, si quis sempiternam felicitatem adipisci velit. Adde quod viri illi, qui hoc ipsum oculis usurparunt, homines erant obscuri, abjecti, nulloq; aut dignitatis gradu, aut hominum opinione commendati. Opus igitur fuit, ut divinitus ad ista testificanda mitterentur, firmissimisq; missionis sue argumentis muniti, in hominum conspectum prodirent, ut quantum in ipsis esset, omnes ad Christo confidendum invocandumq; adducerent. Ex his omnibus cuilibet intelligenti viro perspicuum esse arbitror, hoc Pauli testimonium de prima illa Apostolorum prædicatione agere: quam cùm nec nostri ministri, nec alii hac etate, divinum verbum apud populum proponentes, sibi vendicent, Sed tantùm eam repeatant, reliquisq; inculcent: quorsum quæso attinet, missionis, quæ Apostolorum fuit propria, rationem ab illis exigere? cùm, ut demonstrabimus, hæc posterior Evangelii prædicandiratio, etiam ab illis usurpata fuerit, qui ad eam rem missi non suère.

Sed pergit Smiglecius: Quærela etiam, inquit, quam instituit Dominus contra Prophetas, qui currebant, cùm non mitterentur,

30 Nodi Gordii à Ma. Sm. nexi
tur, an non omnes Prophetas comprehen-
dit, sive novam doctrinam afferant, sive an-
tiquam, dummodo prædicandi officium ex-
se sibi usurpent? Respondemus autem. Smigle-
cium istud testimonium, quod de illis agit, qui se se
Prophetas à Deo missos nominabant, ineptissimè ad
eos detorquere, qui se se prophetas minimè gerunt:
nec ullam missionem sibi tribuant. Desinat igitur
jam tandem cum sua umbra pugnare, & discat, il-
los, qui hodie reliquos ad Christi Apostolorumq; do-
ctrinam instituunt, quamvis missione careant, vere
tamen charitatis officio ita fungi, ut nec ullam Dei
legem violent, nec ordinem perturbent: sed id faci-
ant, quod non solum illis nunquam prohibitum à
Deo fuit, sed insuper etiam divinorum hominum
rum exemplum suffragiis comprobatum. Quid e-
nim, an illi dispersi, qui citra missionem Evangelii
Act. 8. 4.
Act. 11. 19,
20, 21. um prædicarunt, charitatis legem violarunt, ordi-
nemq; perturbarunt? Atqui illi manum Domini ad-
fuisse, Lucas testificatur. Id quod verum nequaquam
fuisset, si tanto se se scelere obstrinxissent. Quidverò
de Apolline dicam? Is certè, ut idem Lucas testis est,
etiam tunc cùm nondum perfectam rerum divina-
rum scientiam teneret, ideoq; missus nequaquam
esset, ferventissimo spiritu de Iesu Christo homines
docuit, tantumq; abest, ut aut veram charitatem vi-
olaverit, aut ordinem perturbaverit, eoq; nomine ab
aliquo divino homine reprehensus fuerit, ut etiam
à Priscilla & Aquila eum assumptum, viamq; Do-
mini rectius edoctum, aliis deniq; ecclesiis commen-
datum

datum fuisse scriptum legamus. Quidquid illi, qui
 ex Pauli vinculis, quibus Romæ constrictus teneba-
 tur, arrepta occasione, audacius etiam quantumvis
 non missi, divinum verbum prædicarunt: idq; partim
 candidè, partim per invidiam. Quod tamen Pau-
 lum non ægrè tulisse: imò potius summo gaudio per-
 fusum fuisse legimus, Christum sive hoc sive illo mo-
 do prædicari, ut facile Christi Apostolum agnoscere
 possis. Qui namq; id unicè cupit, ut Christus ipsiusq;
 salutaris disciplina omnibus innotescat, is non cu-
 rat, quis, quavé conditione is sit, qui eam prædicat,
 dummodo quod queritur, quamprimum fiat. Ut e-
 nem architectus, quamvis ad domum extruendam
 certos adjutores habeat: nequaquam tamen chari-
 tatis legem ordinemq; perturbari existimat, ideoq;
 nec irascitur, si plures ejusdem artis periti, volunta-
 ria animi inductione socios sese illi præbent, dum-
 modo ædificium quam primum constituatur: ita &
 de illis omnibus sentiendum, quibus Dei gloria,
 Christiq; domus constructio antiquissima est. Contrà
 verò, qui sua tantum commoda spectant, hocq; unicè
 student, ut per summam superbiam titulos suos tu-
 eantur: interim verò quid de Christi gloria, homi-
 numq; salute fiat, nihil quicquam laborant, ii ferre
 non possunt, alios præter ipsos docendi partes susti-
 nere: ut facile antichristi spiritum agnoscere possis.
 Verùm non planè iniquè nobiscum agit Smiglecius,
 si Deo placet, dum nobis concedit, ut ea privatim a-
 lii alios doceamus, quæ ipsi à probatis prædictori-
 bus, hoc est legitimè missis & vocatis didicimus. Ve-
 rum

rūm cum hoc eo etiam non monente , multò quām omnes ipsius aliorumqz sacrificiorum auditores , diligentius factitemus , frustrā hanc in nobis instituēdis operam ponit . Quae enim à legitimè vocatis ac missis prædicatoribus , quos Apostolos fuisse agnoscimus , nobis relicta sunt , ad ea alii alio instituimus : hoc autem non nisi privatim , nequaquam autem publicè fieri à nobis debere constanter negamus : nisi volumus , nullas post Apostolorum memoriam Ecclesiastis fuisse , aut esse , in quibus publicè Christi doctrinam proponere liceat , cùm missio Apostolorum sit propria , qui eam ob causam soli Apostoli , id est , missi , in divinis literis nominantur . Sed conatur Smiglecius suam suorumqz ea de re opinionem hac ratione confirmare , quod nimirum , qui in Ecclesia docet , Dei nomine loquatur , ejusqz personam repræsentet . Verū nihil agit , cùm hoc ipsum non solum nullo argumento comprobet : sed etiam minimè necessarium esse videatur , ut ille , qui hoc tempore in Ecclesia docet , & Dei personam repræsentet : cùm ad æternæ felicitatis adeptionem satis sit , in Dei verbo ipsius voluntatem nobis repræsentari , dummodo secundūm eam omnem vitæ nostræ rationem instituamus . Verba Pauli , quibus Smiglecius errorem suum stabilire nititur , nihil quicquam huc pertinent , nimirum hæc : Pro Christo legatione fungimur , tanquam Deo exhortante per nos , (non autem , per ipsum , ut Smiglecius Paulum dicentem facit .) In isto enim loco de Apostolis oratio habetur , qui postquam Christus in cælum elatus es-

set,

set illius loco, novam illam inauditamq; rem, nimirum divinæ gratiæ oblationem, toti mundo primi annunciarunt, & ideo merito sese Paulus hic una cum aliis Apostolis legatione fungi asserit. Cùm autem nostri ministri nequaquam profiteantur sese nunc primum, istam Dei voluntatem, tanquam rem novam, mundo proponere, quorsum attinet, ita extra oleas vagari.

Intelligendum autem est, omnia quæ hactenus disputavimus, non nisi eo spectare, ut minimè necessarium esse pateat, certos quosdam homines in ecclesiis extare, qui legitimè huic muneri præpositi sint: Interim tamen nō negamus, & olim id factum esse, & etiamnum fieri debere: non quod sit omnino necessarium, sed quod ecclesiis in certis locis degenribus, certos ministros habere, qui illos quotidie ad pietatis studium, exuscitent, in officiog; retineant, apprimè conducant. Ad necessitatem quippe hujus rei demonstrandum, non satis est ostendere fuisse optimi ministros ecclesiis præpositos, sed etiam hac adjuncta cautione id factum esse, demonstrandum, ne ulli, præter eos, divinum verbum prædicare, similiag; munera obire liceat. Id quod contra esse, jam satis demonstravimus. Ut porrò certi ministri, certis ecclesiis præficiantur, nulla singulari, ut supra docuimus, missione opus est, satis quippe superq; est, si is, qui cum pietate vivit, & ad reliquos Christi disciplinæ erudiendos accommodatus est, ab ecclesia huic muneri proponatur: nō quidem ita ut ab ea singularem quandam muneris istius exequendi potestatem ac-

cipiat: sed ut ea approbante hanc personam sustineat. Potestatem quippe quantumvis non singularem, eam tamen quæ ad hoc officioritè fungendum satis est jam antea illū habere oportet, quam hæc illi persona imponatur. Quæ quidem potestas, vel in prædicandi divini verbi licetia posita est: vel in iis rebus quibus ministerii essentia naturaq; continetur, nimirum in recte apteq; docendi facultate, & vita cum pietate traducta. Sive igitur hanc, sive illam Smiglecius intelligat, nihil proficit, dum dicit non populi esse magistratus creare, & legatos Dei instituere, illosq; potestate spirituali ornare. Cùm nec ministri ullum gerant magistratum, quippe qui non ita gregem Domini pascere debeat, ut eidem dominantur: sed ut virtutum exemplis præluceant, nec sese pro Dei legatis gerant: nec ullam sibi talem spiritualem potestatem usurpent, qualem Smiglecius somniat: nec deniq; illorum auditores hoc sibi arrogant, ut sese eis horum aliquid dare posse existiment. Satis quippe habet, propter suprà memoratam potestatem, qua eos jam ante à præditos esse animadvertis, postulare, ut ipsis divinarum rerum explicatione præeant. Quod quidem absq; omni flagitio fieri posse nemo nō videt. Quid quod in primæva illa ecclesia ministros hoc pacto ordinatos suis ex divinis testimoniis constat. Quanquam enim sœpe contigit, ut viri primarii, quales fuerunt Apostoli, aliq; universæ ecclesiæ alicui, ad hanc rem autores essent: Sola tamen Apostoli alicuius aut primarii alicui viri, sineq; Ecclesiæ illius consensu, ministri ordinationem faciam

Etiam fuisse, nulla ratione probari potest. Contrà vero
 plebem pastores elegisse, illisq; testimonium tribuisse
 compertissimum est. Nequaquam enim existimam-
 dum est, Apostolos, aut tanta flagrasse dominandi
 cupiditate: aut ita temerarios inconsideratosq; fuisse,
 ut vel ecclesis invitis ministros obtruderent: vel
 homines sibi ignotos, nulloq; fidelium testimonio com-
 mendatos, tanto muneri præficerent: cum id Aposto-
 lus Paulus ejusmodi hominibus assignari velit, quæ
 etiam ab extraneis bonum testimonium habeant, ne
 videlicet in diaboli criminationem incident. Hujus
 autem rei, illud non obscurum argumentum est, quod,
 ut testis est Lucas, Paulus, Barnabasq;, ministros or-
 dinando unà cum ecclesis jejunantes Deum preca-
 ti fuere. Adde quod nulla causa afferri potest, cur A-
 postolos in diaconis constituendis, aliam, quam in or-
 dinandis ministris, normam secutos fuisse, statuen-
 dum sit. Atqui scriptum legimus, eos tunc discipulo-
 rum multitudine convocata, autores illis fuisse, ut
 inter se viros bono testimonio ornatos, & divino spi-
 ritu sapientiaq; completos dissiperent, quibus pau-
 perum procuratio demandaretur. Quod eos fecisse,
 & viros electos in Apostolorum conspectu statuisse
 Lucas testificatur. Quid igitur est, quod alia ratione
 ministros constitutos fuisse, existimemus? Adde quod
 etiam expressè à Luca scriptum est, Apostolos per
 suffragia ministros creasse. Usus enim est verbo χει-
 ρονόσαυτες, quod suffragio eligendi significa-
 tionem habet, ut tum Theodorus Beza, tum magnus
 ille Erasmus rectissimè annotat. Hoc enim verbum

ex illa Græcorum consuetudine natum est, qui por-
rectis manibus suffragia ferebant: ut facile appare-
at, id quod suprà diximus, verissimum esse, nempe
primarios illos viros ea in re nihil privata autorita-
te, proprioé arbitrio gessisse, nec ulla tyrannide ec-
clesiam oppressisse. Eandem ministros creandi for-
mam Paulus sine dubio, tum Tito, tum Timotheo
præscripsit. Quod si tamen ideo quispiam assensum
cohibere cogitet, quod in isti locis, Apostolos eccle-
siis seniores aut presbyteros constituisse. Item quod
Titum à Paulo in Creta relictum fuisse, ut oppida-
tim presbyteros crearet, scriptum legimus: is ea, que
paulò antè hac de re diximus, attentissimè conside-
ret, & comperiet, rei istius nullam aliam causam
esse, quam quia Apostoli, aliiq; primarii viri, veluti
fuit Titus & Timotheus, ecclesiis ad id faciendum
autores fuere: interim tamen ecclesiis dissentienti-
bus, hoc negotium minimè illos suscepisse, jam de-
monstratum est. Vnde colligitur & Titum, eodem
planè modo in Creta presbyteros creare debuisse,
cùm ita hoc ab illo Paulum fieri voluisse, ut ei ordi-
naverat, scriptum legamus. Nequaquam autem ve-
risimile est, Paulum aliter illum ad hanc rem insti-
tuuisse, quam ipse eam executus fuerat. Hanc ean-
dem ministros constituendi formam, etiam post A-
postolos, in ecclesia retentam fuisse, testis est Cypri-
anus 1. Epist: 4. Plebs, inquit, maximè habet po-
testatem, vel eligendi dignos sacerdotes, vel
indignos recusandi. Quod & ipsum vide-
mus de divina autoritate descendere, ut sa-
cerdos

cerdos plebe præsente, sub omnium oculis
deligatur, atque idoneus publico judicio ac
testimonio comprobetur. *Et paulò post:* ut
plebe præsente vel detegantur malorum cri-
mina, vel bonorum merita prædicentur, &
sic ordinatio justa ac legitima, quæ omnium
suffragio & judicio fuerit examinata. *Hæc il-*
le. Hinc perspicuum est, cùm etiam hodie idem mos
ministros eligendi apud nostros homines vigeat, ut
nimirum primariis viris suadentibus, assentienteq;
plebe, ii deligantur, qui ad munera istius functio-
nem idonei sunt, firmè statuimus nostros ministros
legitimè ordinatos esse: nec ullam præterea missio-
nem successionem vē requiri, cùm horum neutrum
ad ministerii naturam essentiamq; pertineat, & i-
deò nec à Paulo eandem describente commemore-
tur. Et hæc quidē de Syllogismi à Smiglio pro nobis
constructi, majore propositione dicere habuimus.

Veniendum igitur jam tandem est ad ejusdem
assumptionem, quæ à Smiglio hunc in modum po-
sita est: Atqui ministri evangelici neq; se ge-
runt, neq; se gerere debent, pro novis Chri-
sti Apostolis seu Prophetis. Quod verò se
non gerant pro Apostolis, res est manifesta.
Nam Apostoli & Prophetæ errare non pos-
sunt: ministri autem evangelici etiam in iis
quæ docent (etiam si persualissimum habent
ea esse verissima) fatentur se errare posse.
Quod verò non debeant se pro talibus ge-
rere, inde constat, quod doctrinam neq; no-

vam, neque ex novis principiis, sed ex scri-
ptis Apostolorum & Evangelistarum haustâ
doceant. *Ad hanc enunciationum suis prosyllogis-
mis muniam*, Smiglecius hunc in modum respon-
det: Iam cùm anonymous in assumptione ait,
ministros Evangelicos non se gerere pro A-
postolis & Prophetis, eo quòd Apostoli er-
rare non possint: ministri verò ultro fatean-
tur se errare: partim verum, partim falsum
asserit. Verum est, imò verissimum quod er-
rare possint ministri: neque possint tantum
modo, sed etiam sàpissimè reipsa errant,
quotiescunq; fidei Catholicæ contradic-
unt. Hac ille. Hic antequam ad alia, quæ à
Smiglecio dicuntur, perveniamus, animadverten-
dum est, eum ignorationis elenchi fallaciā com-
mittere. Quod enim ministri nostri in iis quæ do-
cent se errare posse fatentur, id non quatenus ec-
clesiæ Romanae hodiernæ, quam ipse Catholicam no-
minat, contradicunt, intelligendum est: Sed ex ea
parte, quatenus cum Apostolis comparantur, qui ea
quæ docuerunt, non solum oculis usurparunt, mani-
busq; ut ita dicam, contrectarunt: verum etiam qua-
mente multa scripserint, ipsi optimè neverunt. Quo
fit, ut is, qui Apostolus non est, nec Apostolorum tem-
pore vixit, persuasissimum quidem habere posset, se
vera dicere: tamen de exploratissimis rerum ab Apo-
stolis traditarum scientia, iisdem plurimum cōcedat
necessè sit. Luce quippe meridiana clarius est, eum
qui rem aliquam, tūm oculis vidit suis, tūm literis
confi-

consignavit, multò certius atqüe adeo omni seclusō
 errore, & illam quomodo gesta fuerit scire: & scri-
 pti sui sensum voluntatemq; tenere, & ideo faci-
 lē coningere posse, ut non solum nostri ministri, ve-
 rām etiam ipsi pontificii, in multis Apostolorum te-
 stimoniis explicandis errant. Quid verò id fieri posse
 dico? imò eos saepe turpissimè errasse, & patrum, qui-
 bus gloriantur, de multis rebus ad religionem spe-
 ctantibus, conciliorumq; dissensiones, & idolola-
 tria manifesta, & ut rem paucis perstringam, hor-
 renda à Christi Apostolorumq; doctrina defectio, ma-
 ximum argumentum est. Cujus quidem toties ita
 convicti sunt, ut jam nullum illis, quo se se defendant,
 præsidium super sit: præter nugas inanissimas, easq;
 ita prostratas atq; profligatas, ut mireris hominum
 istorum suminam impudentiā, qui illas subinde pro-
 ferre audeant, clarissimeq; pateat nos benignè admo-
 dum cum illis agere, qui eos labi errareq;, nō autem
 contumaciter divinæ veritati resistere dicimus. Tan-
 rum autem abest, ut illis contradicendo erremus: ut
 ad eorum nugas respectu habito, vix aut ne vix qui-
 dem errare videamur. Fatemur tamen haud invi-
 ti, fieri posse, ut unum alterumq; scripturæ locum se-
 cūs atq; ab Apostolis scriptus est intelligamus. In iis
 autem, quibus salutis nostræ summa continetur, nos
 errasse peruegamus. Nimis enim luculenter scri-
 ptum extat, eos qui in Christum credunt, ipsiq; obe-
 diunt, & ideo ab omnibus, quæ salutari ipsius do-
 ctrinæ contraria sunt, se se abstinent, vita æterna
 donandos esse. Hæc cum nostri ministri perspectissi-

ma habeant, errores nonnulli alii, qui sempiternam vitam neq; ipsis, neq; auditoribus admunt, arguunt quidem eos Apostolos minimè esse, viam tamen salutis ex Christi Apostolorumq; doctrina, & ipsos dicisse, & reliqui monstrare posse, sine ulla dubitatione profitentur: Idq; non injuria. Ea enim extitit erga genus humanum Dei benignitas, ut illa scripturæ testimonia, in quibus intelligendis felicitas sempiterna sita est, nulla obscuritate obtenebrari permiserit, omnibusq; testatum reliquerit, per se sese minimè stare, quo minus omnibus salutis æternæ consequendæ ratio pateat.

Nihilominus tamen Smiglecius in nostros homines insultare pergit. Ait enim: Si ultrò Evangelici ministri fatentur, se errare posse, quomodo verum est, quod adjungit, illos persuasissimum habere, ea quæ docent, verissima esse? Anné qui docendo errat, persuasissimum habet, se verissima docere? An veritas & error simul consistere possunt? an qui persuasum habet, se in eo, quod docet, errare posse, potest simul persuasissimum habere, verissimum esse quod docet, quasi in re verissima locus errori esse possit. Hic quantum video, Smiglecius ingenii sui acumen ostentare voluit. Atqui hoc ipso effecit, ut ipsius aut acumen, aut certè candorem desideremus. Primo enim secum pugnare aut putat, aut sese putare simulat, Persuasum habere rem quamquam verissimam esse, interim tamen hoc ipso falli posse. Quod si in ea est senten-

sententia, necesse est, ipsum unà cum suis, maxime
 inconstantiae vitio laborare, quippe qui in omnibus
 confessionis sue capitibus turpissimè erret: cùm ta-
 men sese minime errare persuasissimum habeat. Sci-
 at igitur Smiglecius nequaquam repugnare, rem a-
 liquam persuasam habere, quia nimis nullum
 adhuc nobis falsitatis vestigium apparet: & interim
 credere fieri posse ut meliora doceamur, dummodo
 interea temporis nostram sententiam firmissimè te-
 neamus. Ex epistolis namqz Pauli cognoscimus, etiam
 in illi primæva ecclesia, multos fideles, non solum
 multò aliter ac par erat, intellexisse, sed etiā quem-
 qz, ipso Apostolo monente, in suo sensu abundasse: ni-
 hilomininus tamē spem illis ostensam fuisse cernimus Phil. 3 15.
 fore, ut illi, de quibus aliter sentiebant, Deus eis re-
 tegeret, quamvis dum id fieret, in sententia manen-
 rent. Ut igitur à sententia suscepta sine ulla causa dis-
 cedere levitatis est: ita eam mordicus tenere velle.
 si vel maximè futurum sit, ut veriora docearis, ani-
 mi superbi Dei qz, benignitatem contumaciter repu-
 diantis argumentum est.

Iam quod Smiglecius dicit, ideo nullum ho-
 minem cordatum in ministrorum nostro-
 rum doctrina conquiescere posse, propter-
 ea quod erronea sit, ipsique sese errare posse
 fateantur: intelligendum est, eum hic non uno mo-
 do labi. Primo enim non sequitur, ideo ministrorum
 nostrorum doctrinam erroneam esse, quod sese in
 quibusdam errare posse non dissentunt. Aliud quip-
 pe est, quempiam fateri se errare posse: aliud re ipsa

errare. Deinde nequaquam satentur, imò pernègant sese in iis errare posse, in quibus salutis æternæ summa consistit, ut paulò antè ostendimus. Hinc perspicitur, perperam à Smiglio concludi, eos simpliciter errare, falsaque docere, nullumque cordatum hominem in erronea illorum doctrina conquicere posse. Cùm enim in divinis rebus cognoscendis hoc maximè spectandum sit, ut æternam beatitudinem consequamur, quilibet cordatus homo, in ea doctrina conquiescere potest, quæ omni errore secluso salutis æternæ rationem complectitur. Quamquidem nostros ministros teneare ac profiteri manifestissimum est. Contrà verò falsissimum est, quod Smiglicius subjungit: Nostri doctores Catholicí, inquit, quamvis si suos sensus sequantur, errare ut homines possint: tamen cùm doctrinam ecclesiæ Catholicæ prædicant, errare nullo modo possunt. Cùm enim per Ecclesiam Catholicam non nisi hodiernam Romanam ecclesiam intelligat, manifestum est, ejus doctores non solum tunc errare, cùm suos sensus in consilium adhibent, sed etiam cùm ejusdem Romanæ ecclesiæ doctrinam prædicant, quippe cuius nullam partem veram esse, jam à multis annis doctisimorum hominum tum scriptis, tum sermonibus ostensum est. Neḡ enim illa Pauliverba, Ecclesia Dei vivi columna & firmamentum veritatis, ex quibus Smiglicius cause sue præsidium petit, quicquam eum juvare possunt: cùm non solum Romanensem cohortem veram Christi Ecclesiam esse minime

nimè constet, sed etiam non de omni simpliciter, verùm de salutari tantùm veritate, in isto testimonio mentio fiat, ut à nobis alibi demonstratum est. Quam cùm Romanenses non teneant, vel ex hoc ipso convincitur, eos veram ecclesiam minimè esse, quippe quæ hanc ipsam ob causam, veritatis columna nominetur. Qua de re suo loco uberiorius explicandum nobis erit.

Pergit Smiglecius, nostrosq; ministros falsum dicere ait, quod sese pro Apostolis & Prophetis non gerant. Demonstratio, inquit, est manifesta. Quicunque munus Apostolorum sibi vendicat, is se pro Apostolo gerit. Apostoli si quidem ratione sui muneris Apostoli sunt & dicuntur. Ministri verò Evangelici munus Apostolicum prædicandi & sacramenta ministrandi sibi vendicant. Gerunt igitur sese pro Apostolis. Nam pro Prophetis, non est quod se gerant, cùm nihil unquam veri dixerit spiritus mendacii. *Hæc Smiglecius.* Quam quidem rationationem cùm suprà manifestæ falsitatis convincerimus, non est cur hic idem repetamus. Illud verò delirio simile est, quod Smiglecius, dum hoc præcipue agit, ut nostros ministros ad suæ missionis autorem ostendendum compellat, ideoq; eos sese pro Apostolis gerere convincat, in hæc tandem verba prorumpit: Quanquam id quòd dicunt suos ministros non se gerere pro Apostolis concedi quadam ratione potest. Apostoli enim non sunt, cùm à missione Apo-

stoli

stoli nomen acceperint. Cùm igitur ministri
 Evangelici suam missionem nec velint nec
 possint ostendere, hoc ipso Apostoli non
 sunt. Hic cordatus lector attentè consideret, quam
rem Smiglecius agat, & comperiet eum non solum
sibi ipsi repugnare, eaq; quæ una manu, ut sic dixe-
rim, edificaverat, altera diruere, dum nostros mi-
nistros jam se pro Apostolis gerere afferit: jam id
minimè eos facere concedit: Verùm etiam seipsum
accusare, ut qui hactenus unà cum sociis suis, per
summam temeritatem, missionem sibi assumpserit.
Quia enim concedit ministros nostros sese pro Apo-
stolis non gerere, idq; jure eos facere haud obscure
indicat, propterea quòd non sunt Apostoli, nec mis-
sionem suam ostendant: consequens omnino est, cùm
nec Smiglecius Apostolus sit (quod idem & de omni-
bis ipsius sociis dictum volumus) eum superbè ad-
modum falsoq; sese pro Apostolo & hactenus gesisse,
& etiamnum gerere, ideoq; missionem sibi tribue-
re. Qui enim, ut ipse fatetur, atq; adeò urget, Apo-
stoli à missione nomen acceperint, sequitur, eos, qui
Apostoli non sunt, missos nequaquam esse. Apostolos
quippe non nisi primos illos Evangelii præcones, apo-
stolatusq; officium planè singulare, ipsorumq; propri-
um fuisse, satis jam constare existimo. Vnde colligi-
tur, non solum hodie nullum dari posse, qui in hoc
munere illis succeſſerit: sed etiam tunc, cùm adhuc
in vivis essent, cumq; varia dona in ecclesia vige-
rent, his solis Apostolorum nomen convenisse. Addo,
quod ejusdem munieris ratione non solum ab univer-
safide-

sa fidelium multitudine: sed etiam ab illis, qui aliae
tunc pro donorum Dei varietate, publica sustine-
bant officia, aperte in divinis literis distinguuntur.
Agnoscat igitur Smiglecius, id quod in nostris mi-
nistris requirit, non solum sibi ipsi de esse, verum eti-
am ne hoc quidem se se cum suis asecutum esse, quod
nostris ministri suo jure quodam modo sibi vendicant,
nimirum se se eorum, qui Apostoli, & ideo propriè
vereqz missi fuerunt, multò quām Romanenses sa-
crificuli, esse similiores: quippe qui tanti Apostolo-
rum doctrinam faciant, ut omnibus commentis, o-
mnibus fabulis, anilibusqz nugis spretis, aliis con-
temptis, huic uni adhærent, ejusqz puritatem ab o-
mnibus additamentis integrum conservare stude-
ant. Qua quidem de re Smigleciūm aliosqz, Roma-
nenses Jure gloriari minimè posse omnes sani intel-
ligunt. Sed mittamus ista tandem, videamusqz qua
ratione Smiglecius huic miseræ afflictæqz cause suæ
subvenire conetur. Dicit igitur, se quadam rati-
one ministris nostris concedere, quòd se se
pro Apostolis non gerant, nimirum quatenus
suam missionem nec volunt nec possunt
ostendere. Quasi verò ulla alia ratio dari possit,
qua se se eos Apostolos facere demonstrari possit. Ea
enim quam hic assert Smiglecius, nempe nostros mi-
nistros, Apostolicum sibi munus assumere, prorsus
jam convulsa est, prostrataqz, jacet.

Sed pergamus ad reliqua. Dicit Smiglecius,
anonymum asserere suos ministros non af-
ferre novam doctrinam, sed acceptam ab

Apo-

46 Nodi Gordii à Ma. Sm. nexi
Apostolis, & in sacris literis consignatam.
Huc, ut supra etiam innuimus, candorem Smigleciū
desideramus, cùm anonymus non dixerit nostros mi-
nistros acceptam ab Apostolis doctrinam tradere,
sed se id facere profiteri: quod satis est ad missionis
ostensionem excludendam. Verū demus anonymum
sic locutum suisse, num protinus verum erit,
quod Smiglecius subjungit, nimirū tantū id
à vero abesse, quantum cælum à terra? Ne-
quaquam. Cùm hoc ita esse neq; Smiglecius neq;
ullus alius hactenus probaverit, nec probaturus sit
unquam. Argumentum enim, quod ad rei istius de-
monstrationem affert, futile inaneq; est, cùm inquit:
Doctrina Apostolorum non periit in mun-
do cum Apostolis, sed ad finem usque mun-
di perpetuari debuit ad consummationem
sanctorum, donec occurramus omnes in u-
nitatem fidei in virum perfectum. At isti to-
ti antiquitati contradicunt, nihilque illis est
æquè difficile, quam ut ex tota antiquitate
unum aliquem Evangelicum fidelem profe-
rant, qui eam in omnibus fidem tenuerit,
quam ipsi modo prædicant. Hæc Smiglecius.
At verò qualis hæc argumenti istius connexio est.
Apostolorum doctrina non periit cum Apostolis: At isti
toti antiquitati contradicunt, &c. Ex his sumptioni-
bus neclenda erat conclusio, sed quia vinculum,
quo id fieret, desuit, scopas istas ita dissolutas relin-
qui oportuit. Quod si dicat Smiglecius se hic non ar-
gumentari, sed nudas sumptionesponere (quamvis

id aliter se habere ipsa verborum collocatio ostendat) quantum id ad nos convincendos vim habeat, ipse judicet. Sed fortasse implicitè argumentatur hoc loco Smiglecius suamq; raticinationem in hunc syllogismum resolvi posse existimat. Quicunque roti antiquitati contradicunt, illi Apostolicam doctrinam non tradunt. At qui isti toti antiquitati contradicunt, Ergo, &c. Respondemus autem, istam argumentationem partim falsa partim ambigua continent. Propositio enim, de qua primò dicemus, duos sensus trahet, falsum nimirum & verum. Falsus est, quo innuitur, eos etiam Apostolicam doctrinam minimè tenere aliisq; tradere posse. qui quamvis primæ illi Apostolorum antiquitati non contradicant, adversantur tamen posteriori recentiori. Et hanc quidem Smigleci mentem esse, ex his ipsius verbis colligitur: Nam doctrina Apostolorum non periiit in mundo cum Apostolis: sed ad finem usque mundi perpetuari debuit. Dicimus igitur propositionem ex ea parte, quatenus in hunc sensum à Smiglecio accipitur, falsissimam esse. Manifestissimum quippe est eos Apostolicam doctrinam tradere, qui eam prædicant disciplinam, quam ipsi Apostoli divulgarunt, queq; illorum ætate viguit. Quod si iidem recentiori antiquitati contradicunt, non tam in illis quam in hac culpa hærere videtur, quia nimirum à prima illa antiquitate desecrit. Quod enim dicit, Apostolorum doctrinam non periisse cum ipsis, obiter animadvertendum est, eum asserere Apostolos periisse ipsorum doctrina manente.

Vnde

Vnde colligitur, nullius ecclesiae, & sic ne Romane quidem ministros, Apostolorum sibi titulum arrogare meritò posse. Sed ad rem. Afferit Smiglecius Apostolorum doctrinam usq; ad finem mundi perpetuari debuisse. Quod quidem ambiguè dicitur. Cùm enim hoc loco verbum perpetuandi, verbo pereundi opponatur, consentiens est, ut vel hoc dicere velit Smiglecius, Apostolorum doctrinam, quatenus sacris literis consignata est, divina providentia usq; ad finem mundi conservandam fuisse, quod quidem nos lubentissimè concedimus, deq; hoc summo Dei beneficio ipsi ingentes agimus gratias, quamvis, quo pæto hoc Smiglecius causam juvet mininimè videamus: Vel vult Smiglecius nunquam futurum fuisse, ut homines ab Apostolorum disciplina deficerent. Quod quidem falsissimum esse, proh dolor, experientia cognovimus. Inducta quippe est horrenda idolatria, unà cum aliis pestilentissimis erroribus, & ideo verus Dei cultus extinctus, salutaris Christi doctrina partim obscurata tenebris, partim lôgo intervallo prorsus occultata demersaq; jacuit. Et quidem defectio-
nis atq; impietatis istius mysterium, viventibus adhuc Apostolis peractum, & non multò post illorum obitum, in Ecclesiam irrupisse Apostolus Paulus clarissime testificatur. Et hæc quidem de falso majoris propositionis sensu dixisse satis sit. Verus porro ejusdem sensus est, si intelligitur, non solum eos, qui recentiori, sed etiam illi prime Apostolorum antiquitati contradicunt, Apostolicam doctrinam minime tradere. Quod autē in assumptione (ad quam statim
aggre-

aggredimur) nos eos esse afferit, longè fallitur. Non negamus quidem, nos antiquitati posteriori, quæ ad Apostolorum etatem respectu habito, antiquitas verè nominari non potest, propter jam dictas causas contradicere. Verùm hoc non est omni antiquitatē resistere, cùm illam primam verissimamq; antiquitatem libenter amplectamur, non tamen ob id ipsum quod antiquitas est: sed quod veram Christi doctrinam tenuit secutāq; est. Hinc apparet, non antiquitate per se ulla: sed veritate nos convincendos esse. Nam & Græcam orientalemq; Ecclesiam, Latinæ Romanæ ecclesia antiquiore esse nemo opinor negat: Nec tamen Romanensibus illis contradicere religio est: quippe, qui ut de aliis multis, ita de ecclesia quænam ubivé sit, ab illis dissentiant: nimirum quia antiquitate minimè contenti, firmiora ad se se confutandos argumenta postulant. Ex iis quæ diximus perspicuum est, etiam illud falsò in nos dici, nimirum nullum ex tota antiquitate à nobis proferrī posse, qui nobiscum per omnia sentiat, cùm id unicè agamus, ut antiquissimis illis, qui Apostolorum tempore vixerūt, Christi discipulis, tum salutaris veritatis confessione, tum religionis pietate, simillimi simus. Id quod Romanensem ecclesiam nequaquam curare manifestissima ista, ab Apostolorum tum disciplina tum vita, defectio maximum argumentum est. His ita constitutis tempus est, ut tandem ad Smigleciū decem argumenta veniamus, eaq; nullo nodo gordio connexa, sed telæ ab araneis textæ simillima esse demonstremus. Hoc tamen Smigleciū ipsiusq;

30 Nōdi Gordii à Ma. Sm. n̄xi
socios rogatos volumus, ut si nodum istum solverimus suo stent promissō, opinionesq; de missa, de imaginib; de sanctorum invocatione, de purgatorio, hisq; similibus nugis deponant.

Primum Smiglecii argumentum hoc est.
Quicunq; non est legitimè vocatus & missus, non potest esse legitimus minister.
Ministri Evangelici, non sunt legitimè vocationi & missi.
Non sunt igitur legitimi Ministri.

Hunc Smiglecii paralogismū ut evidentissimē refellamus, animadvertendum est, eum ē informam & in materiam syllogismorum peccare. Nam quod attinet formam, miror Smigleciū ex puris negativis suam assertionem concludere voluisse. Iam in materiam peccare videtur, quia & Ministros Evangelicos legitimè vocatos esse per summam injuriam negat: &, si ea ratione, quam ipse legitimam nominat, vocati non sint, protinus legitimos ministros non esse falso asserit. Quorum illud ea re à nobis dicitur, quod facta inductione per omnes Evangelicos Ministros, nullum in medium afferre potest, qui ordine in sacris literis præscripto, de quo jam multoties dictum est huic muneri præfectus non sit. Hoc verò ideo constanter affirmamus, quod, ut jam sepius à nobis demonstratum est, externa ista ministrorum vocatio, nequaquam ministerii essentiā continetur.

Ad testimonia sacra aliaq; que quidem ad nos pertinent, quibus Smiglecius suam causam constituere co-

Dissolutio facta per I. V.

5

ere cogitat, partim jam supra responsum est, partim
nunc respondebitur. Pergit enim Smiglecius, &
tanquam re optimè gesta triumphat, dicens: Iam
satis cōstare, sine vocatione & missione nul-
lum posse esse legitimū ministrum, ideoq;
neceesse s̄le ait, ut verbi ministri, aut imme-
diatē aut mediatē se se missos vocatosq; es-
se ostendant. Nos verò ut id falsum persuasissi-
mum habemus, jamq; evidentissimis rationibus o-
stendimus, ita neutrō missionis genere divini verbē
ministros obstrictos esse constanter afferimus, quan-
quam interim, mediata Evangelicos ministros, vo-
catione missione ne carere Smiglecius, nec probavit,
nec probaturus est unquam. Nec enim ut mediatē
quispiam huic muneri præficiatur, opus est, hoc per
illos fieri, qui ipsi divinitū missi sunt, ut Smiglecius
præter omnem scripturæ autoritatem afferit, cùm
hoc totum negotium, ecclesiæ confessione perfici
posse, jam suprà à nobis demonstratum est: quamvis
ut jam multoties docuimus, hoc ad ministerii essen-
tiā minimē spectet. Vnde perspicitur, præter alia
quæ hoc loco à Smiglecio dicuntur, etiam illud futi-
lissimum esse, quod ait, Evangelicos ministros,
hoc ipso suam missionem constituere velle,
quod & verè divinum verbum prædicent,
& huic contraria rejiciant. Nam nec veri Evan-
gelici hoc unquam diūt: nec si sint, qui ita loquan-
tur, satis hic à Smiglecio refutantur. Ridiculum e-
nim est, quod ad hanc sententiam repellendam, non
ex prædicatione missionem, sed ex missione

prædicationem probandam esse, ait. Idq; idē, quod prior sit missio, quam prædicatio. Quæ quidem consecutio, quam rectè constituta sit, homines intelligentes judicent. Evidem minimè absurdum esse existimaverim, prius ex posteriore agnoscere probariq; posse: cùm verbi causa, effectus, quantumvis sua causa posterior sit, eam tamen arguat atq; demonstret. Quod idem in multis aliis rebus fieri videmus: quæ cùm ita sint in promptu, ut disputatione non egeant Smiglecium ad rectæ rationis judicium revoco, illudq; addo, quod si, ut vult Smiglecius, prædicatio cum missione tam arcto vinculo conjuncta est, ut sine hac illa consistere non possit, nihil causæ est, quin ex vera diviniverbi prædicatione missio cognoscatur.

Rom. 10. Quod enim Pauli testimonio, id quod dicit, confirmare nititur, frustra facit, cùm nec Paulus ibidem neget, ex divini verbi prædicatione missiōnem colligi posse: nec, ut supra ostendimus, locus iste, similesq; alii à Smiglecio passim adducti, quicquam ad rem propositam faciant: cùm hic, non an Apostolos Prophetasq; qui novum tunc nuncium sese afferre profitebantur, sed utrum ministros nostros missos esse oporteat, queratur, qui nimirum doctrina olim ab Apostolis tradita contenti, nihil sese novi afferre ingenuè fatentur. Quid autem, ut ad rem redeam, dico, Paulum non negare ex vera divini verbi prædicatione, missionem illam, de qua loquitur, agnoscere posse: cùm eum id plusquam apertè affirmare, ipse verborum contextus doceat. Ut enim in egregia illa gradatione, qua eodem in loco utitur,

ex Christi invocatione colligit fidem eidem adjunctam, ex fide auditionem, ex auditione prædicacionem: quamvis tum fides invocatione, tum auditio fidei, tum auditione prædicatio prior sit: ita ex prædicatione missionem demonstrat. Prædicatio enim illa ejus generis fuit, ut homines prudentes, minimeque socordes, ex ea facile missionem concludere possent. Quæ tamen non perinde à nobis dicuntur, quasi denuò cum aliis Evangelicis facientes, missionem hodiernis ministris necessariam esse statuimus: sed, ut Smiglecius videat, se illorum opinionem parùm solidè confutasse.

Deinde, quod inter alia dicit, legitimam, seu ut ego interpretor, veram prædicationem ex missione dependere, id si necessario, præsertim ad hujus ætatis ministros respectu habito, fieri judicat, toto cœlo errat: cùm etiam illum verè salutarem Christi doctrinam apud alios propone posse, qui missus non est, jam ad nauseam usq; ostensum sit. Quò fit, ut licet illos Evangelicos errore minimè liberemus, qui ex vera Evangelii prædicatione, hoc tempore missionem suam probare volunt: tamen nec Smigleciū optimè sentire judicemus, qui hac ætate ex missione veram verbi divini prædicationem cognosci debere afferit: cùm prædictio ex divino verbo, quod sese ministri nostri prædicando sequi profitentur, dijudicanda sit, nullaq; alia regula stateravé hodie sit, ad quam omnes disciplinæ perpendere oporteat, præter Dei Christi q; verbum sanctis literis comprehensum, ut in aliis scri-

34 Nodi Gordii à Ma. Sm. nexo
pris nostris, tum sacre Scripturæ, tum patrum testi-
moniis demonstravimus.

Sed jam ad alia quædam à Smiglio allata ve-
niendum est, & primò quidem ad ea que de Mor-
neo dicit: nimirum eum negare miracula à Mi-
nistris exigenda esse, quia non novam do-
ctrinam inducant, sed antiquam instaurent
& reformat. Que quidem Mornei ratio satis fir-
ma est; nihilominus tamen Smiglius eam infir-
mare conatur hoc pacto: Nemo, inquit, hunc ho-
norem sibi assumere potest, nisi qui vocatus
sit tanquam Aaron: nemo potest prædicare,
nisi mittatur. Quare ne ad reformandam
quidem religionem potest sibi quisquā po-
testatem usurpare. Hic tripluiter labitur Smi-
gleius. Nam & eum locum adducit quem ad rem
propositam nihil quicquam facere satis iam ostendi-
mus: & illud afferit, quod est in controversia, nempe
neminem prædicare posse nisi mittatur, & deniq; ex
partim ad rem nihil pertinetibus: partim controver-
sis, atq; adeo falsis concludit, ad Ecclesiæ reformati-
onem, Aaronicam vocationem Apostolicamq; missi-
onem requiri. Quanquam & hoc ipsum non leve in
disputando vitium est, loco solutionis argumenti ab
adversario oppositi, suum aliud afferre. Neq; enim
Morneum istum tam stupidum fuisse existimave-
rim, quin in sua ratiocinatione addiderit docuerit
que, ad instaurandam Ecclesiam satis esse, si illa
principia in manibus habeantur, ex quibus Ecclesia
pata est: cum ex illis quam procul quibusq; in rebus
à salu-

à salutari veritate aberratum sit, liquido cognoscē posse. Qua quidem de re in libro nostro, de vera religione uberiūs explicavimus.

Verūm non satis habuit Smiglecius hoc uno argumento Mornei ratiocinationem, si Deo placet, refellere: sed insuper ad incommodum absurdumq; eum deducere conatur, inquiens: Nunquid si hæc licentia semel concedatur unicuique reformandi ad libitum religionem, non emergent subito innumeri reformatores, qui ut variis in religionibus imbuti erunt, ita varias inducere reformationes molientur. Velint Ariani reformare Calvinistas, certè Calvinistæ debebunt talibus reformatoribus obediēre, si ad reformationem non est opus speciali vocatione & missione divina. Quare necessariò fatendum est, si quis se dicat à Deo missum ad reformandum, debere proferre miracula, vel alia de celo testimonia. Hic antequam consecutionem istam falsam esse docemus, animadvertiscū est, Smigleciū in ceteros terminos ita mutare, ut jam aliquem sibi reformandi potestatem usurpare: jam alicui reformandi licentiam concedi: jam aliquem reformare velle: jam aliquem dicere se à Deo missum ad reformandum, asserat. Quæ quidem terminorum confusio, an in tantum disputatorem cadat, quantus vult haberi Smiglecius, aliorum esto judicium. Nimis enim manifestum est, confusis terminis inter se, non verbis tantummodo, sed re etiam distantibus, confundi &

plures quæstones, dubiumq; esse qua de re dispute-
tur. Ego quidem, quod aā me attinet, faciant alii
quid velint, ultimum pronunciatum non agnosco,
id est, aliquem cætus nostri ministrum esse, qui di-
cat, se ad reformandum missum esse, plane nego:
quamvis si maximè quispiam sibi missionem istam
tribueret: nequaquam tamen inde consequere-
tur, id, quod Smiglecius asserit. Quod ut verissi-
mum esse constet, jam tandem Smigleciī consecu-
tionem ponderabimus. Ea autem triplex est: Prima,
quodā subito varii emergerent reformatores qui va-
riis hæresibus imbuti, varias inducerent reformati-
ones. Hic primum dico minimè necesse esse, ut da-
ta licentia reformandi unicuiq;, mox ejusmodi re-
formatores existant, qui & ipsi hæretici sint, &
hæreses inducant: cùm fieri possit, ut potius hæreses,
quæ in ecclesiam irrepserunt, detegant, atq; convin-
cant: id quod hactenus factum esse & etiamnum fie-
ri compertissimum est. Deinde, si maximè varii hæ-
retici hæresesq; ex hac licentia existerent: tamen
eare nequaquam hominib: deneganda est: ne simul
aditus ad patefaciendos depellendosq; errores præ-
cludatur. Id quod sine maximo Reipub. Christianæ
derimento fieri non posset: ut facile appareat hujus
licentie negationem, summum diaboli stratagema
esse, quo homines in erroribus rerumq; salutarium
ignoratione, detinere hactenus studuit. Iam quod ad
hæreses attinet, erumpant sanè ex ista licentia, cùm
eas existere in ecclesia oportere, idq; sine dubio ipso
Deo permittente, Paulus Apostolus luculentissime
doceat.

doceat. Et eam quidem ob rem nusquam scriptum legimus, aliquem, quicunq; is tandem fuerit, prædicatione fuisse prohibitum. Quinimo omnia explorare, quodq; bonum est tenere, spiritus probare, hæresesq; fugere apertissimè jubemur. Quod quidem quo pacto, licentia prædicandi sublata, fieri possit, non video.

Altera consecutio quam hinc extruit Smiglecius, est, quòd si Arrianivelint reformare Calvinistas, oporteat hos illis obedire, si ad reformandum non est opus speciali vocatione. Verùm hoc ineptè hinc colligi, planeq; alogon esse, inde patet, quòd Calvinistæ ad sui reformationem nequaquam necesse haberent querere utrum vel Ariani, vel alii ad reformandi munus missi vocatiq; essent. sed an ex divinis literis errorum ab illis convincerentur. solum enim Scripturam sanctam illam stateram esse, ad quam omnes discipline examinadæ sunt, jam supra alibiq; tum à nobis, tum ab aliis doctissimi viris firmissimè demonstratum est.

Tertia Smiglecii consecutio est, quod necessariò fatendum sit, si quis se dicat esse à Deo missum ad reformandum, debere proferre miracula, vel alia de cœlo testimonia: neq; æquum esse in re tanti momenti, nudis tantum cuiusq; verbis fidem adhibere.

Hic rursus animadvertendum nostros ministros non dicere, se ad reformandum missos esse. Deinde, si maximè dicerent, tamen miraculis ad id ostendendum opus minimè esset, cum ad reformationem satis sit, ex divinis literis jam olim miraculis confirmatius,

matis, errores, si qui sint, convincere atq; repellere. Quod quidem plane ita se habere, ipse Smiglecius suo se gladio jugulans, Iosiae Regis Esdræq; exemplo demonstrat. Nam nec ullæ religionem reformando ediderunt miracula: nec reformatio illa ex ordinario pastorum munere pendebat: cùm licet Esdras Levitarū genere natus fuerit: idem tamen de Iosia dici nequeat, quippe ex Regum familia ortum habente. Regum autem ordinarium munus nequam fuisse, res ad divinum cultum institutas administrare, nemini obscurum est: ut facile appareat religionis instauracionem non ad ordinariam sacerdotum potestatem aliquam alligatam, illiusve propriam esse: sed esse rem, & sacerdotum, & eorum qui sacerdotes minime sunt, communē: quippe que ex divinis literis, quæ omnium communes sunt, fieri debeat. Quod autem Smiglecius Helciam sacerdotē librum Legis restituisse ait, nihil ad rem pertinet: cùm aliud sit, librum Legis invenire, Regique Iosiae mittere: aliud etiam ex illo religionem reformare. Quod quidem non Helciam, sed Iosiam fecisse scriptum legimus. Hic enim librum illum cunctis audi-entibus legit. Hic à sacerdotibus aliusq; omnia fieri imperavit, quibus ad divinum cultum ab omnibus errorum maculis repurgandum opus esset. Huic de- niq; totum istud negatum, tanquam auctori, adscribitur, ut ex toto verborum contextu apparet, maxi-mè autem versu 5, 7, 10, 11, 12, 13, 14, 15, &c.

Reliqua, quæ Smiglectus in libri sui quarto quintoq; capite disputat, partim jam repulsa à nobis sunt,

sunt, partim ad nos minimè pertinent: cùm nos nequaquam ii simus, qui ministrorum missionem sive immediatam sive immmediatam urgeamus. Veniendum igitur nobis est ad secundam Smigleciū demonstrationem, quam hunc in modum constituit.

Veri & legiti mi nistri ritè ordinari & consecrari debent.

Ministri Evangelici non sunt ritè ordinati & consecrati.

Non sunt igitur legitimi ministri Evangelici.

Respondeo & nego tum propositionem tum assumptionem, quippe cuius falsitas jam supra ostensa fit. Propositionem autem falsam ideo afferimus, quod ut jam docuimus, etiam missio, à ministro necessario exigenda minimè est, cùm tamen multò quam ordinatio consecratioq; externa magis ei convenire videatur. Si igitur quod magis ministro inesse videtur, eidē necessario nō inest: non inerit etiam id necessarium quod illi minus inesse videatur. Sed videamus quo pacto Smiglecius hanc suam propositionem probare nitatur. Adducit igitur exemplum tum Christi sanctificati, tum Iohannis Baptiste in utero materno Spiritu S. replete, tum Apostolorum in quos Christus insufflaverit, tum illorum presbyterorum, quos Apostoli singulis ecclesiis præfecerant, cùm jejuniis orantes, tum deniq; Timothei, quem Paulus manuum impositionis ceremonia ordinaverit. Affert præterea alia quedam ad assertionis sue confirmationem, de quibus suo loco videbimus. Ad

hæc autem quod attinet, intelligendum est, non solum eis Smiglecii propositionem non confirmari: sed etiam una cum toto syllogismo planè infringi: idque dupli ratione; Primo enim hanc suam propositionem particularēm facit, dum nimirum non generalibus præceptis, quæ sola hujus generis enunciations stabiliunt: sed particularibus exemplis, in singularibus rei istius rationibus constitutis, eam probare instituit, quasi verò non legibus potius, quam ejusmodi exemplis de his rebus judicandum sit. Quid quod exempla ista nihil aliud convincunt, quam quosdam divini verbi ministros externa ratione ordinatos fuisse, aut ordinari posse, nequaquam autem ordinandos esse, aut, ut inquit Smiglecius, ordinari debere? ut facile appareat Smigleciū & in syllogismorum formam, & aliqua ex parte in materiam peccare. In formam, dum in secunda figura propositionem ponit particularēm: In materiam, dum in hac propositione id dicit, quod exemplis istis comprobari non potest: nec dubium est, quin firmiora attulisset Scripturæ testimonia, si usquam extarent. Christum, Iohannem, Apostolos, propriè missos sanctificatosque, sive segregatos fuisse nō negamus, quippe cùm ob sede jam inculcatas causas ita facto opus fuerit. Quid verò id virium habet ad omnes verbi ministros ejusmodi consecratione obstringendos, qui nimirum, rem sese novam terrarum orbi annunciare minimè profitentur? Adde quod tum seniorum per singulas ecclesiias constitutio, tum Timothei, quæ Paulus miserit, exemplum, propriæ missionis nomi-

ne

ne insigniri jure non potest. Aliud quippe est de Ecclesiæ sententia seniores ordinare: aliud ita aliquem mittere, ut Christus, Iohannes, Apostoli que missi sunt, quippe cum hoc a nullo hominum consensu, sed ex mera Dei voluntate dependeat. Accedit quod nec ex ipsa Seniorum per singulas Ecclesiæ ordinatione, rectè colligitur necessarium omnino esse, ut omnes verbi ministri eodem modo constituantur: cum fieri possit, ut non necessitatis, sed ordinis potius decorisq; causa, hac ministros constituendi ratione, Ecclesiæ tunc usæ fuerint. Quam quidem & hodie in Ecclesiis constitutis, eadem de causa retineri æquum esse statuimus: quamvis absolutam ipsius necessitatem negemus: nisi Smiglecius generalem canonem in scriptura expressum afferat, quo sancitum sit, ut ubiq; & omni tempore, ministri hoc pacto ordinentur: quodquidem mea sententia nunquam faciet. Eodem modo de omnibus aliis rei istius exemplis, quæ Smiglecius in medium afferat, judicandum est. Quod autem dicit legitimam ordinationem & consecrationem ita episcoporum propriam esse, ut nulli praeter ipsos possit convenire, id nimirum nullo scripturæ testimonio probabit unquam. Exempla enim ab illo adducta, partim id minimè continent quod afferit, partim ejus concludendi, nullam vim habent. Ac illud quidem inde patet, quod nec Paulus cum Barnaba ab Ecclesia Antiochana ipsiusq; prophetis & doctoribus ad docendi munus ordinatus missusve fuit, cum Paulum jam antea Apostolum fuisse, Barnabamq; unà cum Paulo jam pridem docendi

cendi munus administrasse constet. Vnde colligitur opus illud, ad quo t̄ Deus eos assumpserat, fuisse non munus docendi, sed aliud quippiam, idq; sine dubio singularissimum, & porro nullam generalem regulam sive legem, qua omnes perpetuò obstringantur, constituens. Timotheum porro à Paulo missum fuisse nusquam scriptum extat, nec verbis à Smiglio adductis demonstrari potest. Non enim dicit Apostolus, Excusa munus docendi, sed, Gratiam quæ in te est per impositionem manuum mearum. Gratia autem illa non ministerium erat, quippe quod exuscitari nequeat: sed dona illa spiritualia, quæ Timotheus asecutus fuerat. Et quidem remita sese habere etiam hinc colligitur, quod longè alia ratione Timotheum ad ministerii munus ordinatum fuisse, litteris proditum est, nimirum per prophetiam hominumq; sanctissimorum, sive Christi Ecclesiæ suffragia presbyteriisq; manuum impositionem. Presbyterorum autem nomine non solos episcopos intelligendos esse hinc perspicitur, quod episcopi munus in docendo consistit: non omnes autem presbyteros docendi munus sustinere, Paulus non obscure testificatur, dum presbyteros quosdam ab illis qui laborant verbo & doctrina distinguit. Egregiè igitur Smiglio fallitur, qui ministrorum ordinationem episcoporum propriam esse, nulliq; præter ipsos convenire posse afferit. Iam quod Paulus Timotheo præcipit, ut manus nemini citò imponat, valde dubium est, an ad ministros id referendum sit, cùm nihil prohibeat, quo minus generatim ad omnes, qui peccandi consue-

consuetudine implicati sunt, verba hæc respicere statuamus, præsertim cum ii qui eandem ob rem ecclesia excludebantur, postea autem ad frugem reversi per manuum impositionem, in fidelium numerum denuò reciperentur, ut & nos alio in loco demonstravimus, & Smiglecius ignorare non potest.

Sequitur ut videamus quomodo omnia exempla ista id minimè concludant, quod Smiglecius asserit. Dicimus igitur, ut & jam diximus, non ex exemplis, sed legibus judicandū esse. Quò sit ut si maximè id quod vult Smiglecius, continerent, (quod tamen contrà esse jam ostendimus) nequaquam tamen id omnes omnium ætatum ministrioseadem ceremonia obstrin geret: cum, ut supra docuimus, ne Apostolorū quidem ætate, omnes, qui Christi Evangelium prædicarunt, ritu aliquo publico ad munera istius functionem consecrati fuerint. Mirum igitur Smigleciū afferere non fuisse veritum, canonem Apostolicum extare, ut ab uno episcopo presbyteri ordinentur: cum nec canonem cum proferat, nec proferre unquam possit. Ex his omnibus colligitur, ea quæ de universalī Ecclesiæ consuetudine dicit Smiglecius, vana falsaq; esse, nihilq; adeò ad nos convincendos virium habere, quippe qui non consuetudine, sed Scripturæ testimoniis coargui debeamus. Quia autem impositionis manuum jam aliquoties facta est mentio, nimirum ut ostenderetur, illum, qui ea carret, legitimū ministrum esse non posse, propter eas quod hoc pacto olim ministri creati fuerint, ut Timothei exemplo edocemur. Idcirco paucis de ea agendum

gendum nobis est. Intelligendum antem est manuum impositionem in primæva illa ecclesia ejusmodi fuisse, ut quibus contingebat, ii plerumq; donis spiritu-alibus ornarentur, in huncq; eundem finem ab Apostolis, aliisq; quibus ea autoritas concessa erat, usurpatam fuisse constat. Ut enim alia omnia miracula Christi nomine virtuteq; ab Apostolis horumq; sociis edita, ad veritatem salutarem in ecclesiæ primordiis, confirmandam spectabant: ita & de hac, quam diximus, manuum impositione, judicandum est. Verum ut hodie nemo est, qui edendi miracula potestatem sibi attribuere jure possit: ita & ejusmodi manuum impositionem cessasse fatendum est: nisi forte aliam ob causam, nequaquam autem necessaria in ecclesiare retineatur. Ex quo efficitur, nostros ministros ea non obligari, cum de ministerii essentia minimè sit. Quæ præterea Smiglecius cum Morneo quodam disputat, ea, quia ad nos nihil spectant, sciens volensq; prætereo, statimq; ad tertiam ipsius demonstrationem aggredior, quæ hujusmodi est:

Quicunque potestate remittendi & retinendi peccata carent, non sunt legitimi Evangelii ministri.

Ministri Evāgelici carent hujusmodi potestate.

Non sunt igitur legitimi Evangelii ministri.

Ut hujus syllogismi falsitas evidētissimè appareat, videndum est, priusquam ad ejus refutationem accedamus, quæ sit potestas ista, peccata tum remittendi

cum retinendi. Intelligendum igitur est, eam nihil
 aliud esse, quam primam perfectam, exploratissimāq;
 tum scientiam tum pronunciationem aut declara-
 tionem, quibus hominibus peccata condonanda qui-
 busq; retinenda sint: vel quibus vita eterna, quibusq;
 sempiterna pernicies destinata sit, ut à nobis alio in
 loco demonstratum est. Qui verò diversum senti-
 unt, urgent verbum remittendi & retinendi, ut non
 de pronunciatione, sed de ipso remissionis ac reten-
 tionis effectu hic verba fieri ostendant. Atqui con-
 sequentia ista malè constituta est, cùm divinis auto-
 ribus usitatissimum sit, verbis, quæ, propriè loquendo,
 rei efficientiam significant, ejusdem declarationem
 per dicendi figuram denotare. Quo pacto & vete-
 ris fœderis sacerdotes peccata expiasse, id est, eorum
 expiationem declarasse dicuntur. Necesse autem
 omnino esse, ut verba remittendi & retinendi, hanc
 quam diximus, significationem habeant, inde per-
 spicum est, quod si de ipsa rei istius efficientia, ea
 accipere vellemus, omnino statuendum foret, eos
 qui remittendi retinendiq; potestate fuerunt præ-
 dicti, ea utendo, reipsa effecisse, ut quis necessariò ea
 haberet, per quæ vel peccatorum condonationem
 homines consequuntur, vel eadem excluduntur.
 Neutrius autem potestatem hominibus illis conces-
 sam fuisse, compertissimum est: cùm illud ne Deus
 quidem sibi assumpserit, sed liberam homini volun-
 tam concesserit, vel faciendi vel relinquendi ea,
 quæ sempiternæ salutis causam afferunt: hoc verò in
 nullum hominem, qui hac potestate cohonestatus fu-
 erit,

66 Nodi Gordii à Ma. Sm. nexi

erit, cadere potuisse, nimirum efficere, ut quā ne-
cessariō ea faceret, quē ipsum in eternam pernici-
em detruiderent, inde patet, quod nec ipse Deus &
Christus, quorum personam talis sustinuerit, necesse
est, hoc nequaquam faciant. Intelligendum autem
est, remissionem peccatorum ex Dei decreto per
Christum promulgato non nisi illis dari atq; concedi,
qui in Christum credunt. Retentionem vero, id est,
eternam damnationem illis constitutam esse qui cō-
trā faciunt. Vnde colligitur declarandi pronuncian-
dive potestatem nequaquam simplicem absolutam-
vē fuisse, sed conditionalem, ut nimirum qui istam
potestatem habuerunt, terrarum orbi certo sinequē
dubio denunciarent, omnes in Christum credentes
salvatum, omnes vero non credentes datum iri.
Tenuerunt quippe homines illi, ut diximus, explo-
ratissimam eorum, quibus fides in Christum gigni-
tur continetur q; scientiam. Quod ideo hoc loco repe-
rimus, ut intelligatur, eos qui aliquam quidem ex-
rum rerum habent notitiam, non tamen primam o-
culis q; perceptam de qua loquimur: remittendi reti-
nendi potestatem, quē alibi claviū regni cōlorū no-
mine appellatur sibi arrogare non posse. Quid enim?
anno ii qui & tempore & patefactionis claritate re-
liquis anteiverunt, certius perfectiusq; novisse exi-
stimandi sunt ea, in quibus fides Christo adhibita in-
nititur, quam omnes alii: veluti sunt Christi præce-
pta, plenissimaq; eorum intelligentia, & ejusdem
perceptiones, & resurrectio, & deniq; gloria in quam
ejectus est, aliaq; multa, quē omnium exploratiſi-

mē & perceperunt & pronunciare potuerunt illi qui primi Christo adhæserunt, in omnique fortuna comites fuere. Quos quidem Apostolos fuisse nemo negabit. His enim Deus per Christum ea ornamenta voluit adjungere, quae & singularia, & illorum officii propria essent. Qua de causa & soli Apostoli fundatum Ecclesie dicuntur, nec ullos iis in rebus successore habent. Quae omnia, cùm ita ut dixi, sese habeant, consequens est, maiorem Smiglecianni syllogismi propositionem falsissimam esse, nimirum neminem nisi qui remittendi & retinendi peccata possestarem habet legitimam Evangelii ministrum esse: cùmetiam illi qui ad docendum apti sunt, vitamque, cum pietate traducūt, legitimi ministri esse possint, quamvis sibi autoritatem illam Apostolicam minime vendicent, quippe quae Apostolorum nascentiūque Ecclesiae propria fuerit, & ideo omnem successionem excludat. Satis autem est ad hodiernos ministros ordinandos eos ad docendum appositos esse, Apostolorum disciplinam firmiter tenere, apud populum eam dextrè proponere vitamque inculpatam vivere. Hac enim sola ministerii essentiam constituere jam ad nauseam usque à nobis demonstratum est. Cùm autem Smiglecius unà cum suo Papa aliisque id genus hominibus, ex illis primis Dei legatis nequaquam sit, factendum est, eum potestatem istam sibi falso usurpare: nisi persummam impudentiam turpisimamque superbiam ea sibi arrogare velit, quae minimè haberet. Instat tamen Smiglecius, &, Si ita res haberet, inquit, nullo opus esset ministro: cùm sic qui-

libet ea quę Apostoli de remissione ac reten-
tione peccatorum tradiderunt, sine ministro
vel ipse legere in scripturis posset: vel ab ali-
is qui non sunt ministri discere: vel sibiipsi
in mentem revocare. Respondemus autem non
satis esse ad ministerium tollēdum ostendere, quem-
libet Apostolorum doctrinam vel ipsum legere, sibiq;
in memoriam revocare, vel ab aliis discere posse: sed
necessē insuper est demonstrare omnes homines, tam
esse in percipiendo solertes, ut nullo indigeant docto-
re, ad rei istius, qua de agitur, rationem, planè in-
telligendam, & tam in faciendo officio diligentēs, ut
nullo opus sit monitore, & tam contra carnis mundi
diaboliq; impetus armatos, ut nullo egeant guber-
natore vel duce: & deniq; tam vigilantes atq; cir-
cumspectos, ut ad eos fuscitandos, inq; officio conti-
nendos nullus requiratur custos. Quanquam igitur,
ut suprà diximus, hoc etiam quilibet ad hanc rem
aptus, non expectata solenni quadam ceremonia ex-
equi, & potest, & flagitante necessitate charitateq;
Christianā permovente, omnino debet: tamen &
decus & ordo & interdum etiam necessitas postu-
lasse videtur, ut in Ecclesia constituta, certi homi-
nes omnium consensu elegantur, qui reliquis prae-
ant, & Christi Apostolorumq; doctrinam sedulò in-
culcent, eosq; officii assiduò admoneant. Vtrumq;ue
autem etiam Apostolorum tempore factitatum fu-
isse, suprà à nobis demonstratum est, passimq; in hoc
libello nostro repetitur. Hæc omnia que isto in loco
diximus, si Smiglecius unà cum suis, justis ponderi-
bus

bus examinabit, & manifestæ veritati contumaciæ repugnare noluerit, facile animadvertiset, omnia quæ postmodum de pueris fæminis infidelibus, dæmoni & psittacis subjungit, nihil ad rem facere. Primum enim, ut supra docuimus, plurimum interest, inter primorum illorum Christi legatorum, & reliquorum prædicationem: cum illa prima antequam inaudita, exq[ue] prima ac perfectissima rei istius scientia orta fuerit: quæ non solum in psittacos dæmones infideles & quaslibet fæminas, sed etiam in hodiernos ministros cadere nequaquam potest. Quam ob causam Smiglecio libenter assentimur non solum psittacos, verum etiam ministros: nec solum hos, sed ipsos etiam Apostolos propriè loquendo, sive ut ego interpretor, actu ipso, peccata non remittere, ut supra demonstravimus. Peccata tamen dicebantur remittere Apostoli καὶ ἐξ οχηπ certa conditione ac lege remissa esse declarando. Ministri vero nostri minimè: non quod idem eadem conditione non declarant: sed quod eorum declaratio non illa prima perfecta q[ue]d, sed ejusdem repetitio & quasi quedam imitatio est. Quo fit ut Smiglecius frustra ad Apostolos eorumque munus respectu habito, inter potestatem prædicandi & remittendi peccata distinguit. Nec illud quicquam ad hanc distinctionem instituendam momenti assert, quod Christus ante ascensum suum, discipulis afflatis, dixit: Accipite Spiritum sanctum, post ascensum vero minimè. Vtrobiq[ue], enim de exploratissima prædicandi ratione verba fiunt: nisi quod ante ascensum ceremonia quadam id adum-

70 Nodi Gordii à Ma. Sm. n. exi

bravit, quod post ascensum re ipsa daturus erat. Fā-
tendum quippe est Apostolos tunc, quamvis Christus
diceret, Accipite Spiritum S. re ipsa tamen eum
non accepisse, & porrò nec potestatem remittendi,
quam Smiglecius Spiritus sancti opus esse afferit,
propterea quod Christus nondum ad Patrem abie-
rat, & sic nec glorificatus adhuc erat, ideoq; nec Spi-
ritus effusus, ut ex Christi Apostoliq; Iohannis verbis
clarissime patet. Quid quod res ipsa indicat ita esse,
ut unā cum Iohanne Christoq; afferimus. Nam & vi-
res suas Spiritus ille sanctus ante Christi ascensum
minimè exerebat: & in festo pentecostes demum il-
lum in Apostolos effusum fuisse luculentissimè do-
cemur: ut facile appareat, ceremoniam afflatus il-
lius, verbaq; de Spiritus sancti acceptance à Christo
facta, non nisi præludium ejus rei, quæ mox even-
tura erat, fuisse, hocq; omnino Dominum dicere vo-
luisse, quod & Lucæ 24. dixerat: Sic, inquit, scri-
ptum est, & sic oportuit Christum pati, & re-
surgere à mortuis tertia die, & prædicari in
nomine ejus pœnitentiam & remissionem
peccatorum, &c. Et ego mitto promissum
Patri mei in vos. Vos autem sedete in civi-
tate quoadusque induamini virtute ex alto.
Hic nemo, arbitror, est, qui instantibus nostris ratio-
nibus fateatur, verba illa, accipite spiritum S.,
ex Luca, ita interpretanda esse, quasi dicitur, In-
duamini virtute ex alto, me promissum Patri mei
mittente. Et illa: Quorumcunq; remiseritis,
&c. his declaranda esse, Oportebat prædicari

Dissolutio facta per I. V.

77

in nomine ejus pœnitentiam & remissionem
peccatorum in omnes gentes , incipiendo à
Hierusalem, &c. vos autem testes estis horū.
Et hoc quidem plane ita esse insuper ex iisdem utri-
usq; loci circumstantiis colligitur, nimirum quod ut
utrobiq; prius quam Apostolis Spiritum sanctum pro-
mitteret, illiusq; remissionis prædicationem injunge-
ret, sese reverā à mortui resurrexisse ostendit, ut
facile appareat eandem utrobiq; rem alii atq; aliis
verbis effterri. Fazetur hoc ipse Smiglecius quodam-
modo, dum hæc eadem similiaq; tum Christi tum A-
postolorum verba adducit, in quibus nimirum de re-
missione peccatorum, ejusdemq; ut ipse loquitur me-
diis, & de verbo reconciliationis agitur. Quibus re-
bus illud idem plane continetur, quod supra de con-
ditionali remissionis peccatorum pronūciatione di-
ximus. Nisi quod in hoc vehementer fallitur, quod
tunc Christum, cùm Apostolos ad prædicandum mit-
teret, Spiritum sanctum dedisse negat: sed tunc eum
hoc secesse affirmat, cùm illis peccata remittendi po-
testatem concederet. Quod contrà esse partim ex
jā dictū constat, partim ex iis quæ mox dicemus
constabit. Quid enim an non maximè tunc Spir-
itum sanctum Christus in Apostolos effudit, cùm i-
psius afflatu & variis linguis loqui inciperent, & cù-
stis per Iesum Christum à Iudeis nefariè proditum,
ignominiosaq; morte affectum, dextra autem Dei
à mortuis excitatum, peccatorum remissionem an-
nunciarent? Iam quod ad illa Christi verba attinet:
Sicut me misit Pater, ita & ego mitto vos,

conclusionemq; de eadem peccata remittendi potestate, quam Smiglecius judicariam nominat, ex illic extructam, dicimus Smigleciū longe falli, qui Apostolos per omnia Christo, contra omne recte rationis judicium scripturæq; mentem adæquare conatur. Iam enim firmissimis rationibus ex divinis literis depromptis ostēsum est, peccatorum remissionem Apostolis concessam nequaquam propriam effectivamvē esse. Quod si vocabulum Sicut urget, intelligendum illud sāpe nec eandem quantitatem duarum aut plurium sive personarum sive rerum comparatarum, nec omnimodam qualitatem designare: satisq; esse res vel personas inter se comparatas, una aliquaræ similes esse, nisi similitudinem volumus esse identitatem. Satis autem rectè Christus Apostolos suos misisse, ut ipse à Patre missus erat, dici potest: si quemadmodum ipse ad Patris voluntatem hominib: annuciandam legatus erat, ita Apostolos ad idem faciendum legavit. Hoc enim genus peccata remittendi utrisq; commune est. Fuit autem & alia peccata remittendi ratio, eaq; Christi, post Deum, propria, quæ ante Christi mortem in temporari peccatorum pænis, morbis nimirum auferendis, elucebat. Qua de causa & illum paralyticum sanavit, ut omnibus clarissimè pateret, eum habere potestatem remittendi peccata in terris. Cujus quidem potestatis, ut pote singularis, & in neminem alium præter Deum Christumq; propriè convenientis, nulla in loco ex Iohanne adducto mentio fit, nullaq; prorsus ratio habetur. Quod enim & Apostoli morbos sanaverunt,

verunt, id nimirum non ipsis, sed Christo, cuius virtute hoc fecerint, adscribendum est, ut & ipsos Apostolos fecisse scriptum legimus, Act. 3. 12, 13, 16. & cap. 9. 34. Adde quod non perinde ut in Christo, potestas ista perpetuò in illis manebat: sed quoties ea opus erat ab illo impetrabatur. Verum quid istas rationes subducimus, cum hæc specialis peccatorum remissio, si vel maximè æquali parig, jure Apostoliscum Christo conveniret (quod quidem minimè concedimus) tamen res ipsa indicat, eam tantum in ecclesiæ primordiis viguisse, & sic ecclesiæ nascentis Apostolorumq, propriam fuisse. Miracula enim postea cessasse ipsi etiam Iesuitæ fatentur, & sic ne seipso quidem cum sociis suis hac condonandi peccata potestate præditos esse confiteantur, necesse est. Nihilominus tamen Smiglecius ab inanissimis nugis sibi temperare non potest. Dicit enim contra omnem & rationem & veritatem, Christum remissionem peccatorum in caelo & apud Deum voluisse dependere à remissione peccatorum in terra. O cætitatem, ô stulticiam, ne dicam dirissimam blasphemiam. Itâne Deus apud vos in servitute atq, in ergastulo est, ut non nisi à vobis suspensas actionum suarum rationes habeat? sed represso me & vos dominandi cupiditate inductos, ut facile Antichristi spiritum agnoscas, ex his Christi verbis, erroris vestri stabiliendi occasionem arripuisse facile patior: nihilominus tamen ut vos egregie falli evidentissimè ostendam, repetenda ea sunt, quæ suprà de immutabili Dei Christiq, decreto diximus: Cu-

ius summa in hoc cōsistit, quod nimirū, qui in Christum credunt, ii sempiternam felicitatem adepturi: qui verò non credunt, damnandi sint. Cùm igitur neq; Apostolos, neq; veram Christi ecclesiam, dum quidem existeret, ab hoc divino decreto unquam discessuram Christo exploratissimè constaret: idcirco sine ulla dubitatiene hæc verba fecit, fore nimirum ut in cælis ratum firmumq; esset, quod ipsius fideles in terris decernerent ac pronunciarent. Vnde perspicuum est, quicquid hac in re agunt fideles, id totum ex Dei præcedente decreto ac voluntate pendere. His omnibus attentissimè consideratis, facile patebit omnia, quæ hoc in loco scribit Smiglecius, partim consistere non posse, partim ad nostram sententiam infirmandum, nedum prorsus infringendam nihil ponderis habere. Venio igitur ad quarzam ipsius quam vocat domenstrationem quæ hujusmodi est:

Ministri legitimi sunt sacerdotes offerentes Deo sacrificium.

Ministri Evangelici non offerunt Deo sacrificium novi Testamenti.

Ergo non sunt ministri legitimi novi Testamenti.

Hic antequam ad syllogismi istius reprehensionem accedam, duo observanda sint: primò ipsum questionis statum indicare, hic de publico ministro verba fieri, quod nimirum illi sustinent qui auditoribus præeunt. Deinde hic non de eo sacrificii genere, ex Smigleciij opinione agi, quod spirituale omni-

omniumq; Christianorum commune est , sed de pu-
blica quadam ceremonia , qua Christus ipse à mini-
stris offeratur , ut ex toto hoc Smigleciū tractatu
constat. Iam igitur ut ad ipsum syllogismum aggre-
diar , dico maiorem falsissimam esse : cùm nec mini-
stros novi Testamenti , publici officii rationis , sacer-
dotes nominari , nec illorum partes esse Christum i-
psum sacrificare , ullo divino testimonio comprobari
possit: contrà vero solum Christum semetipsum Deo
pro nobis offerre luculentissime ab autore Epistole
ad Hebreos doceamus. Verba verò Apostolo Andreæ
à Smiglecto aliusq; afficta non agnoscimus : nec tām
hebetes sumus , ut veracem Dei Spiritum quo omnes
Apostolos prædicti fuere , sibi ipse tam turpiter con-
tradicisse credamus. Agat igitur nobiscum Smigle-
cius , ea scriptura quæ canonica ab omnibusq; in uni-
versum recepta est , eaq; suam assertionem confir-
met & vincet. Quod verò ad maiorem propositio-
nem stabiliendam dicit , sacrificium esse primum
præcipuumq; actum , Deumq; sacrificii privatione
summo honore spoliari , nullamq; gentem tam barba-
ram fuisse , quin nunen illud quod pro Deo habuit ,
sacrificio coleret , eamq; ob causam Deum in veteri
lege varios sacrificiorum genere coli voluisse: & por-
tò multò magis hoc in nova lege , idq; excellentiori
sacrificio fieri debere , &c. Hæc omnia , inquam , ni-
hil ad rem faciunt , cùm non solum hoc à ne' non
negetur , sed etiam excellentiora hodie , q; nolim
Deo sacrificia libari planè contendamus. Interim
samen nequaquam consequens esse dicimus , Chri-
stum

stum à ministro offerri vel sacrificari debere. Christus quippe hoc per semetipsum, ut modo docuimus, efficit. Deusq; præter ipsius Christi sacrificium etiam aliis, multo illis legalibus, nedum ethnicorum, præstantioribus sacrificiis colitur.

Atqui, inquit Smiglecius, Vnicum est legis novæ sacrificium, nempe sacrificium corporis & sanguinis Christi, quo & Deo summus honore exhibetur, & nobis maxima beneficia impetrantur. Quod etsi semel oblatum est, divina tamen sapientia & bonitas invenit modum, quo semper religionis causa in altari offerri posset, & nunquam consumi. Hæc Smiglecius. Respondemus autem, & primò Smigleciū in verbis, unicum Christi sacrificium, ignoratiōnis elenchi fallaciam committere dicimus, cùm unica Christi oblatio apud divinum autorem non nisi pluribus legalibus anniversariis oblationibus opponatur: nequaquam autem spirituales Christianorum oblationes excludat. Deinde & compositiōnis divisionisq; fallaciam facit, dum determinatiōnem Christi sacrificii, nimirum vocabulum unicum, ad differentiam anniversariorum legis sacrificiorum, adhibitum, perperam ad verba novi Testamenti adjungit, ut concludat non plures esse novi Testamenti oblationes. Ut enim facile concesserimus istam unicam Christi oblationem esse oblationem novi Testamenti: ita unicam & non plures novi Testamenti oblationes esse pernegamus. Nam & spirituales hostias à Christianis Deo offerri, offerendasq;

dasq; esse, nemo nisi rerum divinarum prorsus ignarus, diffitebitur. Quo sit ut & manifestissimam consequentis fallaciam admittat. Non enim consequens est, quia unicum Christi sacrificium, novi Testamenti oblatio est, ideo omnem novi Testamenti oblationem, unicum Christi sacrificium esse, vel nullam oblationem, quae Christi sacrificium non est, novi Testamenti oblationem esse. Falsissimum autem est illam unicam Christi oblationem, esse aliquod corporis sanguinisq; sacrificium, ut Smiglecius citra ullam scripturæ autoritatem afferit. Falsissimum item est sacrificium istud in cruce oblatum esse, cum demum in cœlesti tabernaculo, ut testis est divinus ille autor, peragatur, morsq; crucis quam Christus oppetierat, non ipsum sacrificium, sed mactatio, id est vix quoddam initium ejusdem fuerit, ut à nobis alibi docetur. Falsissimum deniq; est, divinam sapientiam ejusmodi invenire modum, ut corpus sanguinisq; Christi in altari offerri posset: cum ut jam demonstravimus, non solum hoc divinis literis comprobari minime possit: sed iisdem etiam aduersetur.

Sed videamus quibus divinis testimoniosis Smiglecius sententiam suam tueri conetur. Primo igitur illam Malachie vaticinationem producens, dicit, Deum ministros suos ea potestate ordinasse, ut ab ortu solis, usq; ad occasum, in omni loco sacrificent, & offerant nomini ejus oblationem mundam. Hic animadvertisendum est, eum de suo addere, Deum his verbis ministros ad sacrificandum ordinasse: cum

Prophet a non ministros commemoret , sed simpliciter afferat , Deo in omni loco sacrificari & offerri nomini ejus oblationem mundam . Deinde intelligendum est , hic non de Christo offerendo sermonem esse . Hunc enim in cælo tantum offerri , idq; à seipso , testis est autor ille divinus , qui luculentissimè docet , Christum si in terra sit , ne sacerdotem quidem esse posse , tantum abest , ut in terra offerri possit . Quomodo igitur quæso Christi sacrificium in omni loco fieri potest ? Quidquid manifestissimum est , Christum nunc in cælis existentem carnem & sanguinem non habere : sed indutum esse corpore gloriose , cœlesti , ac immortali . Caro quippe & sanguis , ut testis est Paulus , regnum Dei hereditare non possunt . Quodcum ita sit , quomodo Christi caro in omni loco offerri potest , cum ne in uno quidem loco hoc fieri queat . Non enim entium nullæ sunt passiones aut aliae qualitates .

Nihilominus tamen Smiglecius , ut causam suam stabilitat , dicit , nullam aliam in Malachie verbis cogitandam esse oblationem , præter oblationem corporis & sanguinis Christi : quasi vero jam probasset corpus & sanguinem Christi offerri posse , nedum debere : quod contra esse jam demonstravimus . Sed addit : Tum quia nulla alia est oblatio novi Testamenti : tum quia nulla alia oblatio munda est : quorum illud falsum esse satis jam constare arbitror , cum caro & sanguis Christi ne oblatio quidem esse possit , nedum novi Testimenti . Posterius quoq; à vero alienissimum esse

inde constat, quod & spirituales novi fæderis hostiæ, Dei beneficio mundæ sunt: veluti est studium precum, gratiarum actiones, beneficentia in pauperes, vita moresq; ex Christi lege compositi, universus deniq; Dei cultus novo fædere comprehensus. Hæc sacrificia autor Epistole ad Hebreos, nec non Paulus mirum in modum commendat, Deoq; grata & sic etiam munda esse testificatur. Nihil igitur est, quod in voce munda cavilletur, cùm licet spiritualia hæc Christianorum sacrificia per se non usq; quaq; munda sint: singularissimata men Dei gratia pro mundis reputentur. Nihil quippe divinæ justitiae magis consentaneum est, quam actiones nostras pro virili nostra parte, ad Christi normam directas, in mundis perfectiisque habere. Hæc enim est illa justificatio, quam Deus nobis pro sua misericordia imputare constituit, si in illum credentes, quantum in nobis est, cum pietate vixerimus. Instat autem Smiglicius & dicit, Prophetam non agere de sacrificio interno & spirituali, cùm spirituale sacrificium æquè Iudæi tum offerrent Deo, sicut & gentes erant oblaturæ. Tale autem sacrificium prædictum futurum in omni loco, quale tunc non erat apud Iudeos. Expressæ enim loquitur de sacrificiis externis quæ tunc Iudæi offerebant, in eumque locum ait substitutum iri sacrificium gentium. Hæc Smiglicius. Errat autem hoc in loco dupliciter. Primo enim cùm dicit, Iudeos quoq; hostiæ spirituales obtulisse, partim id minus verum est, partim inde male coligitur,

ligitur, Malachiam de spiritualibus gentium hostiis, quas Deo oblatur et erant, nunc autem offerunt, minimè loqui. Ac illud quidem ideo, quod nec publica precum adorationis, gratiarumq; actionum religio in omni loco tunc colebatur, etiam ad solam terram Iudaicam respectu habito: sed tantum Hierosolimis, ut & res ipsa & illud Christi cum muliere Samaritana colloquium testificatur. Multò minus in toto terrarum orbe apudq; omnes gentes, tam publicas quam privatias Iudeorum preces, adorationes & gratiarum actiones factas fuisse statuendum est. Id quod & ipse Smiglicius haud obscurè fatetur, cùm inquit, Tale sacrificium quod in omni loco fieret, tunc apud Iudeos non fuisse. Quid quod totus Iudeorum cultus, sive publicus sive privatus, ad spirituales Christianorum hostias non nisi umbræ instar obtinet? Quod quidem omnes qui Christianæ religionis præstantiam cognitam habent, fassuros credo. Quo sit, ut id quod altero loco notavimus, nimirum Smigleciū ex Iudeorum interno privatōe cultu perperam concludere Malachiam non de spiritualibus Christianorum sacrificiis verba facere, ubiiore demonstratione non indigeat, cùm hæc ipsa inter utrumq; cultum distantia, satis ostendat alterum ex altero colligi minimè posse.

Alter Smigleciī lapsus est, quod videtur ex sacrificiis Iudeorum externis concludere, etiam sacrificium novi Testamenti externum esse, & sic de spiritualibus Christianorum oblationibus nullam hic fieri mentionem. Quæ quidem consecutio ideo minimè consi-

Dissolutio facta per I. V.

81

mē consistere potest, quod nihil vetat quod minus in
externarum oblationum, ut pote umbrarum, locum
internæ successerint. Umbras enim corpori loco con-
cedere debere atq; adeo Christo adveniente suamq;
religionem promulgante, jam cessasse ex divinis li-
teris planissimum est. Quod quidem quod rectius in-
telligatur, animadvertisendum est, nos non perinde
affirmare spirituales Christianorum oblationes, in
legalium sacrificiorum locum successisse, quasi Christi
sacrificium ab eadem successione excludamus.
Quinimò Smiglio plane assentimur, autorem E-
pistole ad Hebreos, ut ostenderet legalia sacrificia
jam cessasse, in illorumq; locum Christi sacrificium
successisse, eundem Christum loquentem induxit esse
Sacrificium & oblationem noluisti, corpus
autem adaptasti mihi. Intelligendum enim est,
Sacerdotum legalium duplum ordinem fuisse. Alii
enim erant summi sacerdotes sive Pontifices, alii
vero erant sacerdotes inferiores. Summi pontifices
suis anniversariis sacrificiis Christum Dominum ad-
umbrabant. Ut enim illi semel quotannis tabernacu-
lum ingrediebantur, anniversariumq; illud sacrifici-
cium exequabantur, ita Christus semel in cœlestē
tabernaculum ingressus, perpetuam salutis nostræ
procurationem habet. Minores vero sacerdotes quo-
tidie sacrificantes, eorumq; victimæ omnium Chri-
stianorum, horumq; oblationum, que ubiq; locorum
Deo libant, imaginem gerebant, quantumvis illæ
externæ essent. Atq; huc spectare omnia scripturæ
testimonia, que Smiglicius ex autore Epistole ad

Pergit autem Smigl: & dicit: At qui in cruce sacrificavit quidem Christus seipsum, non tamē ritu & forma Melchizedechiana. Nunquam enim cruente sacrificavit Melchizedech, sed tantum panem & vinum obtulit, cum esset sacerdos altissimi. Hic tria à Smiglio dicuntur, quae aut prorsus falsa, aut certe controversa sunt. Christum enim in cruce sese sacrificasse falso ab ipso aliud, asseri, tum ex iis quae super diximus, tum ex multis hominum nostrorum scriptis constat. Alterum, nimis Melchizedecum nunquam cruentè sacrificasse, nullo sacro testimonio comprobari potest. Tertium, nempe Melchizedecum, tantum panem & vinum obtulisse, adeo à vero alienum est, ut ne panem quidem vinumque eum sacrificasse, ulla ratione demonstrari possit. Quinim vini panique oblationem ad ipsius sacerdotium ministre spectasse, inde constat, quod autor ad Hebreos cuius consilium erat ordinem Melchizedeci quam diligentissime explicare, nullam panis vinique per eum oblati mentionem facit. Nequaquam enim credibile est tantum tamque fidelem cœlestium mysteriorum interpretem, tantam rem, ut pote qua rota oblationis Melchizedechiane contineretur essentia silentio involuturum suisse. Quod autem Smiglio hanc suam assertionem Mosis testimonio probare nititur, id certè parum candidè ab illo fieri inde perspicitur, quod nec integrè illud adducit (vidit nimis non obtulisse, sed protulisse Melchizedecum panem & vinum ibidem scriptum legi) nec ci-

tra insignem compositionis divisionis fallaciam verba, que citat, cum esset sacerdos Dei altissimi, à propria sua sede avellit, & ad panis viniq; prolationem applicat: cum potius ad benedictionem, quam Melchizedecus Abrahamo tribuit, spectare, tum ipse contextus indicat, tum Hebraica lingue peritisim homines testimonianter. Mosis quippe testimonium, sententiam parenthesis inclusam, ideoq; à reliquis verbis distinguendam continet. Sic enim legitur: At vero Melchizedech rex Salem profens panem & vinum, (erat enim sacerdos Dei altissimi) benedixit ei, & ait, &c. Quorum verborum, retenta nimirum parenthesis, hæc sententia est: Melchizedecus, qui panem & vinum protulerat, Abrahamo benè precatus est, propterea quod esset sacerdos Dei altissimi. Qui quidem sensus in magnis Bibliis Roberti Stephani his verbis expressus est: Porro Melchizedech rex Salem protulit panem & vinum, & ipse cum esset sacerdos Dei altissimi, benedixit ei. Quid quod autor Epistolæ ad Hebræos Melchizedeci sacerdotium explicans, non nisi benedictionis illius mentionem facit, & porrò hoc ipso sententiam nostram verissimam esse haud obscurè convicit.

His ita constitutis totam Smigleci ratiocinationem corruere necesse est, & quæ postmodum sub jungit, nihil ad rem facere quilibet intelligit. Ait autem: Necesse igitur est, ut concedatur sacrificium Melchizedechianum, quod sit proprium novæ legis sacrificium. Alias duo ab-

surda sequuntur: alterum quod Christus secundum ordinem Melchizedech, nunquam sacrificaverit ritu & ordine Melchizedechiano: alterum quod lex nova est sine sacrificio. Hæc inquam Smiglecius verba nihil ad rem propositam pertinent. Primo enim, si Melchizedechianum sacrificium illud intelligit de quo autor ad Hebreos loquitur, quodq[ue] Christo nunc in cælis existenti tribuit, non solum concedimus, sed etiam urgeamus, illud nunc à Christo in cælis administrari, & perpetuo administrandum esse. Hinc tamen nostrum istorum absurdorum consequi omnes sani intelligunt. Primum ideo, quia satis Christus secundum Melchizedeci ordinem sacrificii munere fugitur, si ut testis est divinissim⁹ ille autor, perinde ut Melchizedech, nullum in eo nec antecessorem, nec successorem habet. Hoc enim præcipue eundem autorem spectasse ex toto illo loco manifestum est. Alterum ea de causa, quod cum Christus eo, quo diximus modo, in cælis se pro nobis offerat, nequaquam lex nova sacrificio caret, immo omnium præstantissima sacrificandi ratione ornata est.

At inquit Smiglecius: Non satis est quod Christus sacrificavit: sed necesse est, ut etiam homines sacrificent, ne Deus perpetuo honore, qui illi per sacrificium exhibetur, & homines perpetua religione priventur. Huius primi animadvertendum est, Smiglecius ideo Christum sacrificasse dicere, quod putat Christum sacrificium suum jam in cruce peregisse, quod falsum esse

supra

Suprà ostendimus. Deinde quod necesse esse afferit, ut etiam homines sacrificent, aut ita accipiendum est. ut intelligamus, non satis esse Christum seipsum suum corpus Deo pro nobis offerre: sed insuper requiri, ut & homines eundem Christum, ipsiusve corpus offerant: Aut vult Smiglecius, ut ab hominibus Christianis, præter Christi sacrificium quad ipsam perficit, etiam Spirituales hostiae offerantur. Si hoc posterius Smiglecius afferit, plane ei assentimur. Si vero prius illud, jam satis constat, nihil à veritate alienius esse: cum non solum nullo nitatur divino testimonio, sed etiam sacris literis, ut ostendimus, adversa fronte repugnet. Rationes autem quas hoc loco afferit Smiglecius, nullius sunt momenti, cum Christo in celis sacrificium suum ritè peragente, Christianusq; in spiritualium hostiarum studio perpetuò versantibus, nec Deo debitus honor derrahatur, immo maximè amplificetur: nec homines perpetua religione priventur: sed maximè eam collant. Frustrà autem Deus colitur mandatis hominum, cuius generis & istud confictum sacrificium, quod Smiglecius unà cum suis nobis obtrudere conatur, esse, jam satis constare arbitramur.

Atqui inquit, Translato sacrificio necesse est ut & legis translatio fiat. Non enim translatum, sed penitus abolitum eslet sacrificium in legis translatione. Hæc frustrà ne dicam ineptè à Smiglecio dicuntur, quasi vero quia sacrificium transferendum erat: idcirco sacrificium missæ excogitandum fuerit, & non satis legis sa-

sacrificium translatum sit, per hoc, quod nunc Christus in cœlo administrat, qui secundum Melchizedeci similitudinem, non ex sacerdotali familia ortum habens, perpetuò sacerdos manet: ut quidem divinus ille autor rei istius rationem explicat. Valeant igitur tandem somnia ista, & prodeat tandem vincatq; veritas.

Addit præterea Smiglicius, Christum primum hujus sacrificii autorē fuisse, ipsumq; primum in cœna ultima obtulisse, tunc nimis, cùm disertis verbis asleveravit se corpus & sanguinem suum dare, non solum nobis ad manducandum & bibendum: sed etiam pro nobis Deo in remissionem peccatorum. Dedit enim nobis carnem & sanguinem ut sacramentum: dedit pro nobis ut sacrificium. Verba Christi expressa sunt apud Lucam: Hoc est corpus meum quod pro vobis datur. Expressiora apud Paulum: quod pro vobis frangitur. Hec ille. Respondemus autem, Smiglicium & ea hic dicere, quæ à vero absunt, & ea concludere, quæ nullo consequentiæ nexus sunt colligata. Primo enim dicit Christum ipsum in ultima cœna & instituisse sacrificium missæ, & ipsum primum obtulisse. Deinde asserit, eum tunc hoc fecisse, cùm diceret, se corpus & sanguinem suū dare, quod similiter falsum est. Tertio affirmat, Christum corpus sanguinemq; suum in eadem cœna non solum nobis ad comedendum & bibendum, sed etiam pro nobis in remissionem peccatorum dedisse, quod

quod etiam falsissimum est. Quarto denique ait, Christum tunc dedisse nobis carnem sanguinemque, ut sacramentum: dedisse autem pro nobis ut sacrificium, quod similiter nihil plane cum vero coniunctum habet. Hec omnia ideo tam audacter vera esse pernengo, quod & à Christi verbis, & ab eorundem sensu, & denique à scopo quem sibi Christus in hoc negotio propositum habebat, planè abhorrent. Primo enim liquidissime constat, Christum nequaquam dicere se corpus sanguinemque suum in cœna illa sacrificare, aut nobis dare ut sacramentum, proque nobis dare ut sacrificium: nec dare hoc loco idem esse, quod offerre, ulla ratione probari potest. Iam quod ad Christi mentem propositumque attinet, satis constat, eum nihil minus cogitasse, quam corporis sanguinisque sui hostiam in cœna illa constituere. Cum enim hic videamus, unum tantum cœnæ Dominicæ finem scopumque, antè oculos nostros positum esse, nimirum Christi commemorationem, sive ut Paulus rem istam explicat, mortis illius annunciationem, quorsum, quæso attinet, contra omnem veritatem, Christique mentem illud statuere, quod & perse monstrorum est, & nihil cum negotio, quod hic agitur, coniunctum habet? Contrà vero compertissimum est, Christum per ceremoniæ istius religionem, commemorare, vel ejusdem mortem annunciare, nihil aliud esse, quam, quid quaque ratione pro nobis passus mortuusque sit quodammodo representare: quemadmodum & Christus, jam instantes passiones suas, mortemque, jam serè præsentem, panem accipiendo, frangendo,

discipuliq; ad comedendum vinumq; ad bibendum
dādo adumbravit. Id quod à nostris hominibus, scri-
ptis in lucem editis non uno in loco demonstratum est.
Quod autem Smiglecius verba datur, traditur, ef-
funditur in præsenti tempore posita urget, nihil id
ipsius causam juvat: cùm nequaquam novum sit rem
pus præsens pro futuro à divinis autoribus usurpari:
idq; tum propter rei, qua de agitur certitudinem,
tum propter max futuram executionem. Quo pacto
Christus de suis omnibus loquens dicit: Ego vitam
æternam do eis, licet tunc nondum daret. Item:
Ego pro eis sanctifico meipsum id est, illorum
causa morior: licet tunc nondum moreretur: sed pa-
cato post moriturus est. Cujusmodi & illud est: Nunc
ad te venio, quamvis iter illud quod crucis morte,
resurrectioneq; ipsius continebatur, nondum esset in-
gressus. Eodem modo & illi qui in Iesum Christum
credunt vitam æternam habere dicuntur: quia licet
nondum eam habeant: certò eam habituri sunt.
Reliqua quæ hic dici possent in libro nostro de vera
religione, uberrimè disputata sunt. Dicit porro Sm:
Apostolos mādatum ab ipso Christo accepisse hoc sa-
crificium offerendi. Dicente enim Christo, in-
quit, Hoc facite in meam commemoratio-
nem, intellexerunt se divino præcepto ob-
strictos ad faciendum quod viderant Chri-
stum fecisse. Hæc ille. Quæ quidem quantum à ve-
ro aberrent, ex iam dictis constare cuilibet potest:
Cùm Christum nec corpus & sanguinem suum in ul-
lima cœna obtulisse: Nec porrò hoc idem Apostolos
facere

facere jussisse, iam demonstraverimus. Illud autem quod eos facere jubet, nihil aliud esse, quam panem acceptum fractumq; comedere, & vinum ex poculo bibere, ex Christi verbis perspicuum est: qui insuper hoc non ad sui immolationem: sed commemorationem, seu quod planè idem est, mortis ipsius annunciationem fieri voluit. Annunciationem autem istam non in offerendo: sed panem comedendo calicemq; bibendo sicutam esse, Paulus luculentissime docet.

Pergit Susiglecius & dicit: Quare & D. Paulus disertè meminit mensæ Domini & mensæ dæmoniorum, nomine mensæ intelligens altare, in quo immolabatur hic dæmoni, illic Deo: est enim altare mensa sacrificii. *Quis verò Smigletium docuit, Paulum nomine mensæ Domini, altare intelligere, cum manifestum sit, Christum unâ cum Apostolis suis, quando cœnam instituit, non altari, sed mensæ accubuisse.* Neq; enim quia gentiles in altari idolis offerunt, indeo consequens est, etiam mensam Domini altare esse: cum non oblationis, sed participationis ratione, mensa Domini, cum mensa dæmoniorum compareatur, ut tota verborum complexio indicat. Docet nimurum Paulus eos, qui mensæ Domini accumbunt, hoc ipso facto declarare, se omnium eorum participes esse, quorum gratia Christus mortuus est, quem admodum & illi, qui victimis quæ idolis libatae erant, vescabantur, hoc faciendo dæmoniorum consoreium profitebantur. Vnde colligiur nequaquam opus esse utrobiq; altare aliquod cogitare: cum ad Pauli men-

zem a sequendam satis sit, tam hic quam illic rerum illarum, de quibus agitur, participationem animo comprehendere. Neq; enim necesse est, ut alterum cum altero recte comparetur, ea per omnia inter se convenire. Satis quippe est, ea in re alterum alteri simile esse, de qua agitur.

Smiglecius tamen ut sacrificium missæ constitutat, cœnamq; Domini in altari celebrandam esse doceat, illa divinissimi autoris verba adducit: Habetus altare de quo edere non habent potestatem, qui tabernaculo deserviunt. Hæc esca, inquit Smiglecius, non est Christus in altari crucis oblatus. Hanc enim escam habent potestatem edere omnes homines tam fideles quam infideles: sed est Christus in sacramento, qui quidem est esca de altari, quia prius sacrificatur Deo, tum à fidelibus editur. Hæc Smiglecius. Facile autem quilibet intelligens homo animadvertere potest, Smiglecius ipsum quid dicat, & sic etiam egregiam istam divini autoris sententiam minimè intelligere. Nam & ea dicit quæ secum ipsa pugnant, & autori divinissimo id affingit, quod ipsius menti apertissimè repugnat. Ac illud quidem ita facit, ut iam escis cor stabilendum minimè esse, cum autore isto fateatur. Iam vero, idq; mox in eadem verborum complexione, escam aliquam nos habere in altari, eundem autorem asserentem faciat, & ita non solum sibi ipsi non constet, sed etiam veracem semperq; sibi similem Spiritum Dei, turpisimè contradictionis insimulet. Ex quo &

Quo & hoc alterum perspicitur, nimirum Smigle-
cium id autori huic assignare, quod ipsius menti pla-
nè adversatur: quippe qui ideo nos altare habere di-
cat, de quo non liceat edere illis, qui ei deserviunt,
ut quod de escis dixerat, confirmaret planumq; face-
ret escas jam nullum apud Christianos locum habe-
re. Quod ut quale sit intelligamus, sciendum est, ista
autoris verba hanc continere sententiam, Christia-
nos nimirum, nequaquam in cibis divini cultus ra-
tionem collocare debere, idq; maxima ex parte inde
constare, quod altari dant operam, id est, Spiritua-
les hostias, quarum paulò post ibidem fit mentio, per
Christum Deo offerunt, ideoq; sacerdotii spiritualis
officio funguntur. Altare enim illorum est Christus,
qui per cruentam mortem in cœlesti sacrarium in-
gressus est. Per hunc enim spirituales hostias sacri-
fificant, hoc est, Christianorum ara est Christiana re-
ligio, Christi morte inq; cœlesti tabernaculum in-
gressu confirmata, ex cuius præscriptione Deum co-
lunt. Ut igitur olim eorum sacrificiorum, quorum
sanguis in tabernaculum inferebatur, corpora ex-
tra castra cremabantur, & ideo sacerdotum cibus
esse non poterant: Ita & religio Christiana, post-
quam Christus, qui ejus autor est, extra portam pa-
tiendo eam confirmavit, omnem ciborum religio-
nem respicit, cultoresq; suos, qui altari hoc in loco
deservire dicuntur, ad eum extra portam exire ju-
bet, ut vana ciborum religione abjecta, veramq; vitæ
sanctimoniam colentes, & spirituales hostias offe-
rentes, una cum illo omnia adversa pati sustinereq;
discant.

94 Nodi Gordii à Ma. Sm. nexo
discant. Hanc esse divini istius autoris mentem qui
libet anima adverteret, si omnia cum antecedentia cum
sequentia istius orationis verba justis ponderibus
examinaverit, quamvis argutè admodum, hæc ab
illo disputari fatendum sit.

Divo Andree affectum commentum nihil
moramur ob causam supra dictam. Illud quoque
Lucæ testimonium, consicti istius sacrificii confir-
mandi nullam vim habet, quod quidem hoc est:
Ministrantibus autem illis Domino & je-
junantibus dixit spiritus S., &c. Quod enim
Smiglecius aliq; inde colligunt de sacrificio isto ver-
ba fieri, quod hic publicum ministerium commemo-
retur, respondemus consecutionem istam minimè
valere: De publico ministerio hic agitur. Ergo a-
gitar de sacrificio missæ: quasi verò ipsa cœnæ Domi-
nicæ celebratio jejuniūm q; non sit ministerium pu-
blicum. Quod enim Smiglecius dicit, non additum
esse eos jejunasse Domino: sed tantum Domino mi-
nistrasse, nihil planè esse, cùm non solum nihil pro-
hibeat, quo minus vocabulū Domino prius expre-
sse possum, poste a subaudiatur: sed ipsa etiam orati-
onis euphoniam postulare videatur, ut eadem vox mi-
nimè repetatur. Quid quod ipse Smiglecius fatetur
etiam jejuniūm ad Dei honorem propterq; Deū fi-
eri. Adde, quod si maximè vox Domini ad solum
ministerium referendū esset: tamen non mox seque-
retur, ministerium istud missæ sacrificium fuisse: idq;
non solum propterea quod prius Smiglecio proban-
dum est, istud sacrificium à Christo institutum esse:
Sed

sed etiam nullum aliud esse publicum ministerium quo Deus colatur; præter istud, quod quidem nunquam facier. Nihil enim vetat quo minus ecclesiam Antiochensem jejunando cœnam Domini celebrasse intelligamus. Hoc enim sacrum negotium rite peragendo, maximè Domino ministratur. Nam & illi tunc dicto audientes sumus, & laudes illius concinimus, & præstantissimum illius facinus, quod pro nobis sese in mortem offerendo, fecit, & singularē ejus postq; homines natos inauditam charitatem predicamus, ipsiq; solennes gratias agimus. Quam ob causam & sacram hanc actionem tum eucharistiam tum liturgiam à veteribus appellari facile patimur.

Ad extreūm dicit Smiglecius, quosdam asserere per confictum istud sacrificium irrogari magnam injuriam sacrificio peracto in cruce. Respondeamus autem nos eos non esse, quippe qui expiatorium Christi sacrificium in cruce peractum fuisse negemus. Ceterūm insignem injuriam Christi sacrificio, quod in cœlo peragit, fieri constanter affirmamus: cùm illud in terris nec fieri posse nec fieri debere, suprà partim divinis testimoniis, partim evidentissimis rationibus demonstraverimus. Quod autem Smiglecius ait, per missę sacrificium illud quod in cruce peractum fuit, illustrari ac repræsentari: id quanquam ad propositum nihil facit, ut jam ostensum est; tamen visum fuit, hic insigne Smigleciī sophisma detegere: quod prius principii petitione continetur, cùm sacri-

sacrificium istud suum, Christi institutum esse, nondum probaverit: tum per summam fraudem commentum istud cœna Dominicæ palliat, cumq; ea ita confundit, ut idem utrumq; esse putetur, audacterq; affirmat hoc sacrificium tollere, nihil aliud esse, quam vivam memoriam passionis ac mortis Domini tollere. Intelligat igitur Smiglecius, nequaquam nos ita omni sensu orbatos esse, quin inter ipsam cœnam à Domino institutam: & segmentum quod sacræ huic actioni ipse assuit, magnam differentiam esse videamus, probeq; intelligamus, nequaquam consequens esse, ut eo rejecto, Christi mortis repræsentatio tollatur: cùm ipsa per se cœna Domini satis sit ad Christi mortem commemorandam atq; annunciandam seu mavis repræsentandam. Reliqua quæ postmodum à Smiglecio dicuntur, partim jam per se ipsa jacent, partim nugatoria prorsus, & respon- sione indigna sunt. Veniendum igitur nobis est ad quintam ipsius demonstrationem.

Christus, inquit Smiglecius, suis ministris dedit potestatem conficiendi Sacramētum corporis & sanguinis Christi.

Hanc potestatem nec habent nec agnoscunt ministri Evangelici.

Non sunt igitur veri Christi ministri.

Respondemus majorem falsissimam esse, cùm quod in ea asseritur, nec usquam scriptum legamus, nec cum hac actione à Domino instituta, quicquam commune habeat. Vbi enim quæso legitur cœnam Dominicam esse sacramentum, Christum vñ hujus sacra-

sacramenti conficiendi suis ministris potestatem de-
 disse. Afferat quidem Smiglecius illa Christi verba:
 hoc facite, nullaq; alia præterea, ut facile appare-
 at, hoc commentum sacris testimonis sustineri non
 posse. Verum ne hoc quidem quod adducit, quicquam
 ad propositum facit: cùm facere, non sacramentum
 confidere, sed panem fractum vinumq; infusum ad
 Christi commemorationem comedere bibereq; si-
 gnificet: nec id facere ad solos ministros spectare
 Paulus Apostolus luculentissime testificetur: qui hoc
 totum negotium & ideo facere istud à Domino ac-
 ceptum, universæ ecclesiæ Corinthianæ & porrò eti-
 am reliquis ecclesiis, se se tradisse affirmat. Facere
 enim hoc ipse explicans dicit, quotiescumq; pa-
 nem hunc comederitis & poculum biberitis
 mortem Domini annuntiatis. Afferat igitur
 Smiglecius plura scripturæ testimonia, eaq; eviden-
 tius ipsius assertionem confirmantia & vincet. Sed
 quia nullum invenire potuit, ideo ad Patrum auto-
 ritatem confugit, quam quidem apud nos absq; rati-
 one ex scripturæ fontibus hausta, nihil quicquam va-
 lere, Smigleciū minimè latet. Quæ postmodū de
 poculi benedictione, de Christi illis verbis, Qui
 manducat me & ipse vivet propter me. Item:
 Panis quem ego dabo, Smiglecius differit, ea
 iam suprà à nobis refutata sunt. Reliqua quæ ad hāc
 suam demonstrationem fulciendā assert, quia nullo
 nec rationis nec scripturæ fulcro nituntur, à nostrisq;
 hominibus publicis scriptis refutata sunt, sciens vo-
 lensq; prætereo.

Sexta Smiglecii demonstratio hujusmodi est.
 Legitimi ministri sunt dispensatores sacramentorum.

Ministri Evangelici non sunt dispensatores sacramentorum.

Non sunt igitur legitimi ministri.

Hic primum respondeo paralogismi istius propositionem aliquot modis vitiosissimā esse, nam nec ullo sacro testimonio sive expresso sive implicito nititur: nec ad legitimi ministerii essetiam pertinet, sacramenta dispensare: nec earum rerum administratio, quas Smiglecius Augustini reliquorumq; autoritatē, quam nos minimè moramur, secutus, sacramenta vocat, isto nomine usquam apud divinos autores appellatur. Quid quod suprà suo loco ostensum est, cœnæ Domini distributionem, baptisimiq; administrationem ad certos quosdam homines, qui soli necessarioq; hanc personam sustineant, nequaquam adstrictam esse, quamvis reliqui omnibus à Smiglecio enumeratis longè prætent: ut facile appareat, multò minus hæc ut pote illis inferiora, certis personis alligata esse. Quòd fit ut Smiglecius turpissimam consequentia fallaciam admittat, quippe cùm propositionis consequens seu prædicatum, cum ejusdem antecedente reciprocari minimè possit. Ut enim dmus legitimos ministros esse sacramentorum, ut à Smiglecio nominantur, dispensatores: non omnes, etiamen quia eajurè dispensant, legitimos, caratione quavult Smiglecius, ministros esse concedimus. Dicit igitur Smiglecius, neminem sacramenta quod nomi-

nominat, dispensare posse, nisi sit legitimus minister, cum hoc ipsum sit in controversia; & sic argumentationis sue consequentiam constituet. Adde, quod, ut supra demonstravimus, non omnia que hoc loco percenset, in hodierna Christi Ecclesia locum habent, tantumq; primævæ illius Ecclesiæ, ut potestunc nascentis propria fuere: veluti est impositio manuum, quam plerumq; Spiritus sancti donatio consequbatur, quod hodie minimè fieri manifestū est: & unctio que miraculosam afferebat morborum sanationem, quam similiter in hæc tempora nostræ non cadere, partim ex supra dictis liquidissimè patet, partim res ipsa docet. Potestatem quoq; remittendiretinendiq; peccata, cum illam primam declarationem significat, qua quis salvandus dammandus sit, pronunciatur, Apostolorum eorumq; etatis propriam esse, jam suo loco ostendimus. Cum verò ejus repetitionem denotat, ideoq; nihil aliud quam Evangelii prædicatio est, eam ad certas personas, quarum sit propria, minimè alligatam esse, jam usq; ad naufragium docuimus.

De matrimonii copulatione nihil hic attinet dicere, cum supra de ea satū dictum sit. Inanissima igitur est Smigleci gloriatio, quæ se in eo insolensissimè jactat, quod Catholici, quos vocat, sacerdotes, omnia septem sacramenta integræ conservarint ac conservent: cum nec usquam illis hoc iniunctum fuisse legamus, nec, ut docuimus, ejusmodi omnia fuerint, ut conservari possent, aut omnino deberent. Ostendat enim Smiglecius, verbè

causa, se suosq; ejusmodi conservasse manuum impositionem, quam mox consequatur donatio Spiritus sancti. Ostendat ejus generis unctionem suos sacerdotes retinere, quam comitetur admiranda morborum depulsio. Ostendat se suosq; eum baptismum usurpare, qui in primæva illa ecclesia vigebat, ubi non infantes, rationis usu, verbi divini auditione, & sic fide carentes, sed adulti, illiq; vel ab Ethnica, vel à Iudaica religione deficientes, aqua baptizabantur, idq; in nomine Christi, id est, publicè Christi nomen profitentes. Ostendat se Dominicæ cœnæ religionem eodem modo colere, quo ab ipso Christo instituta, à Pauloq; Corinthiis aliusq; tradita est, id est, sese una cum suis nihil illi addidisse vel ab ea detraxisse: & sic non solum illas murmurationes, gesticulationes, aliasq; nugas incantationibus simillimas non adhibere, quippe quibus nec Christus ceremoniam istam instituens, nec Apostoli eam retinetes usi fuerunt. Ostendat etiā se suosq; Catholicos sacerdotes populo poculum non suberaxisse. Quæ enim ad hanc fraudem tuendam affert, meræ nugæ censendæ sunt: nimirum sese hoc faciendo, prout ecclesia ab ipsis Apostolis & Spiritu sancto edoc̄ta fuit, sacramenta, dispensare secundūm Christi mandatum, institutionem & exemplum. Quod quidem falsissimum esse ipsa institutionis verba, ipsaq; hujus sacræ actionis descriptio luculentissimè docet. Dicit etiam nunquam ecclesiam censuisse utramq; speciem ad salutem necessariam esse, quasi verò hoc queratur, & non potius an sacerdotes isti integrum hanc actionem conservarint.

Ait totum Christum esse in una specie : quasi verò aut usquam hoc scriptum extet, aut ad rem proposi-
tam quicquam faciat: cùm non queratur, an Chri-
stus in aliqua specie sit, sed, an quamcunq; speciem
subtrahere sit negotium istud integrum conservare?
Verba Christi apud Ioannem ad neutram cœnæ Do-
minicæ speciem, & sic nec ad ipsam cœnam Domi-
nicam spectare, & suprà demonstravimus, & alibi
uberius à nostris demonstratur.

Verū audiamus quid hoc loco dicat Smigle-
cius: Instituit, inquit, Christus utramq; speci-
em: Sed ea institutio potissimum spectat ad
sacrificium: ad sacramenti rationem vel una
species sufficit: cùm & totum Christum una
contineat, & totum effectum sacramenti
conferat, nempe vitam æternam. Hic ante o-
mnia animadvertisendum est, Smigl: confiteri Chri-
stum utramq; speciem instituisse. Neq; enim tam cla-
ram veritatis lucē effugere poruit. Verū animad-
vertisendum est, ipsum sese suo gladio jugulare. Si
enim Christus utramq; speciem constituit: eur u-
tramq; speciem minime retinent, sibiq; plus re-
rum divinarum intelligentiæ, miselli homines tri-
buunt, quàm Christo, qui qua de causa non unam,
sed duas species constituerit, optimè novit? At, in-
quit Smiglicius, alia est sacrificii, alia sacramē-
ti ratio. Sacrificium enim utramq; speciem
requirit, cùm representare debeat Christi
passionem & mortem: nimirum non solum
corpus crucifixum, sed etiam sanguinem ef-

fusum. Hic primum dico, cœnæ Dominicæ hanc distinctionem ut nimis jam sacrificium, jam sacramentum sit, nullo nec scripturæ, nec rationis præsidio confirmari posse: cùm jam sc̄pius docuerimus, huic actioni nec sacrificii nec sacramenti appellationem ulla ex parte convenire. Illud autem vel summæ cœtitatis, vel perfrictæ frontis argumentum est, quod Smiglecius, nullum præceptum proferri posse, assertit, quo ad utramq; speciem sumendam adstringamus. Quid enim an non satis is ad utramq; speciem adstringit, qui utramq; instituit, dum non modo panem fractū comedere: verum etiam ex poculo omnes libere jubet, & utrumq; ad sui commemorationem fieri postulat? Quæ quidem Christi commemoration, cùm totius hujus negotii fundamentum sit, satis mirari non possumus, Smigleciū unā cum suis antecessoribus hodiernisq; sociis, quod ad utramq; cœnæ Dominicæ partem à Christo refertur, id uni tantum speciei assignare, nimis Christi mortis anunciationem, quæ ut jam sc̄pissimè dictum est, ipsaq; adeo verba Pauli sonant, non solum in edendo panem, sed poculum etiam bibendo constituta est.

At, inquit Smiglecius, verba, hoc facite in meam commemorationē, desola panis specie absolutè leguntur: de altera verò nō absolutè: sed hoc facite quoties bibitis in meam commemorationem. Hic respondeo Smigleciū valde errare, cùm utraq; species, absolutissimè, quod ad ipsum usum attinet, à Christo mandata sit, ut ex duobus scripturae testimoniosis, quæ ipse

contra

contra se se adducit perspicuum est: quorum alterum
est: Bibite ex hoc omnes, alterum, accipite &
dividite inter vos. Quæ tametsi Smigl: nullam
præceptorum vim continere afferit, sed tantum of-
ferentis, minimè vero obligantibusse: id nimirū sum-
mae impudentiæ argumentum est, cùm non solum
verba ista expresse in imperativo modo proferan-
tur: sed etiam ipsa Christi mens consiliumq; nequa-
quam fuerit civilem quandam vulgaremq; & in
hominum arbitrio positam, tam poculi propinatio-
nem, quam panis appositionem instituere: sed totam
actionem, ad mortis suæ commemorationem, tandem
in ecclesia, dummodo ea semper extaret, duratu-
ram, dum ipse veniret, suis celebrandam tradere.
Quod quidem neminem negaturum certo scio, nisi
velit disertissimis Pauli verbis contradicere, qui se se
rem istam à Domino, eodem prorsus modo acceptam
aliis tradidisse affirmat. Nihili igitur facienda sunt
istæ Smigleciæ elusiones, ut pote nullo nixæ funda-
mento: contrà verò & verbis & menti Christi ad-
versa fronte repugnantes. Quod enim verbo, quoti-
escunq; ostendere conatur, non absolute nos jube-
ri ex poculo bibere, meminerit idem vocabulum
paulo post, ab eodem Apostolo non minus ad panem
quam ad poculum referri, cùm ait, quotiescunq;
Panem comeditis, poculumq; bibitis. Quo
fit, ut si vera Smiglecius hoc loco dicit, non magis ad
panem comedendum, quam ad poculum obligemur,
& sic non solum unam, sed utramq; speciem, totam-
q; adeo Christi cœnam à Smiglecio tolli necesse sit.

Discat igitur tandem Smiglecius, vocabulum quotiescunq; non ad ipsum cœnæ Dominice usum necessitate, quæ ex Christi mandato dependet, excludendum, adhibitum esse: sed quemadmodum temporis Significationem habet, ita ad tempus referri debere, ut nimirum ostendatur, cœnæ Dominicæ usum nobis quidem planè à Domino mandatum fuisse, ad certum tamen tempus minimè alligatum, sed in ecclesiæ arbitrio positum esse, quibus temporibus istud Christi mandatum exequi velit. Quod sine dubio ipse Smiglecius animadvertisit, ideoq; hanc adhibuit correctionem. Quod, inquit, si præceptum esse censeatur, illud ad duodecim illas personas, vel eorum successores tantum pertinet, qui nō sūt omnes fideles, sed sacerdotes. At verò quis Smigleciūm hæc docuit? cum præter quam quod Paulus utramq; speciem à Domino acceptam toti fidelium ecclesiæ tradere affirmat, nobisq; iam satis demonstratum sit, non solum Apostolos in suo munere nullos habuisse successores: sed etiam ejusmodi rem hic Domini jussu fieri, quæ omnium Christianorum communis est. Unde colligitur & ea, quæ statim subiungit Smiglicius, falsissima esse, tunc deinceps omnes fideles ex poculo bibere debere, quando eis à sacerdotibus fuerit exhibitum: quasi verò iam ostenderit, ne cesset omnino esse, ut certi homines constituantur, qui reliquis hominibus cœnam dispensent, inquæ eorum arbitrio futurum esse, vel calicem fidelibus bibendum dare,

dare, vel non dare, ut facile appareat, Smigleciū principium petere.

Pergit autem Smiglecius & dicit: Iam quod sanguinem in calice dixit Christus esse novi Testamenti, inde non sequitur, nos non futuros novi Testamenti participes. Nam sanguis Christi eatenus ad novum Testamentū spectat, quatenus pro nobis effunditur, non quatenus à nobis biberetur. Hic respondeant reliqui Evangelici quicquid velint. Egopro mea parte dico, hic Smigleciū id præsupponere quod falsissimum est, nimirum nos calicem bibendo fieri novi fæderis & sic remissionis peccatorum, qua vita æterna continetur, participes. Satis enim suprà, cùm de poculo benedictionis & fractione panis ageremus, demonstravimus, nos poculum bibendo, Deo Christo q̄ gratias agere, & simul ostendere nos sanguinū Christi, id est, novi fæderis iam esse participes. Quā quidem ad rem opus esse ut ex calice bibatur, Paulus non obscurè docet. Nec existimandum est, in calice verum Christi sanguinem fuisse, cùm ut res ipsa docet, nosq; suprà planum secimus, vinum calici infusum, quedam Christi sanguis iam iam fundendi adumbratio fuerit, quo quia novum fædus obsignandum erat, ideo calix iste novum Testamentum appellatur. His ita constitutis, reliqua, quæ Smiglecius de pacto quod Christus in cœna confirmaverit, de sacrificio in quo solo vinum bibendum, de una specie, qua caro viva non exanguis sumatur, disputat, ut inania prorsus, iamq; à nobis repulsa, sua sponte cor-

106 Nodi Gordii à Ma. Sm. nexi
ruunt. Verissimum igitur manet, istos egregios sa-
cerdotes, contrà Christi mandatum, laicos quos vo-
cant, alteram cœnæ Dominicæ speciem subtraxisse.

Septima Smigleciæ demonstratio.

Ministri veri, sunt Ecclesiæ Catholicae
ministri.

Ministri Evangelici non sunt ecclesiæ Ca-
tholicae ministri.

Ergo non sunt veri ministri.

Vt hujus paralogismi vanitatem ante omnium
oculos constituamus. intelligendum est, Smigleciūm
Catholicae Ecclesiæ nomine potissimum ejusdem am-
plitudinem intelligere. Hoc enim ex illis omnibus
clarissimè patet, quæ ad argumentationem istam
corroborandam attulit. Ait enim inter alia multi
in eandem sententiam ab ipso dicta, Ecclesiæ si-
gnum esse quòd sit Catholica, id est, per to-
tum mundum diffusa. Item: Ecclesiam Chri-
sti non in aliquo terræ angulo, sed in toto
orbe esse debere, &c. Quo in loco animadverten-
dum, ipsum Smigleciūm fateri, Catholicam esse si-
ve in toto orbe extare, nequaquam ad Ecclesiæ es-
sentiam spectare, & sic nec ad essentiam ministerii
pertinere, esse ejus Ecclesiæ servum, quæ hac, qui
vult Smiglecius ratione, Catholica sit, posseq; fieri,
ut Ecclesia Christi exter, quamvis non semper pe-
terrarum orbem diffusa sit, ut ipse Smiglecius ha-
diffitetur, cùm Morneo respondens ait, Non est
mirum, Ecclesiam initio fuisse exigua.
Itē: Non semper superavit numero reliquo
homī

homines. Item: In fine mundi, Antichristo
veniente, futurum est, ut Ecclesia cogatur &
restringatur. Hæc aliaq; similia Smiglecius. Ex
quibus perspicuum est, Smiglecius sibi ipsi contra-
dicere, & porrò nihil proficere, cum non solum his,
quæ dixit stantibus, Catholicum esse de ecclesiæ es-
sentia non sit, ideoq; ad Ecclesiæ ministrum cōstitu-
ēdum nihil quicquam pertineat: sed nec verum Ec-
clesiæ signum nominari possit. Fatendum quippe
Smiglecio est, nisi à sociis suis vult dissentire, ejus-
modi hic signa requiri (si modo illis opus est, vel ul-
la ratione dari possunt) quæ propria, inseparabilia,
necessaria indubitataq; sint, semperq; in resignata
reperiāntur, id quod de hac Ecclesiæ per totum or-
bem diffusionē, dici non posse, partim ex ipsis Smi-
gleciū verbis patet, partim res ipsa docet. Fuit enim
tempus, cum Christi Ecclesia, vix in una provincia,
nimirum Iudaica consisteret, nimirum post Christi
in cœlos ascensum. Tantum quippe abest, ut tunc sta-
tim apud gentes vigeret, ut nec in omnibus Iudaicæ
regionis partibus locum haberet. Quid igitur? an i-
deo ecclesia illa non habuit veros ministros? quia ni-
mirum memorata ratione ac via Catholica non fu-
it? Quod idem & de Ecclesia illa, quam sub finem
mundi cogendam restringendamq; esse, nescio qui-
bus nixus argumentis, ipse Smiglecius afferit, senti-
endum est, nimirum eam veris ministris destitutum
non iri. Quod quidem satis est ad Smigleiani syllagi-
smi propositionem negandam. Nam quod dicit,
reliquo tempore ante adventum Antichri-

stī Ecclesiam non cogi, sed per totum mun-
dum dilatari debere, id aliquot modis vitiosum
est. Primo enim presupponit antichristum nondum
venisse: quod falsum esse iam pridem res ipsa testa-
tur, omniumq; cordatorum hominum oculis patet.
Deinde nulla ratione, Ecclesiam medio tempore, ni-
mirum inter Apostolorum etatem, finemq; mundi,
necessariò per orbem terrarum dilatandam fuisse,
demonstrari potest. Quinimò cùm in hominum ar-
bitrio positum esse constet, vel salutarem Christi do-
ctrinam amplecti retinereq; vel eam contemnere,
aut acceptam denuò repudiare, fieri q; possit, ut pau-
cissimi eam accipiant, acceptamq; retineant: quid
quæso cogit, ut ecclesiam etiam eo ipso tempore, quod
inter Apostolos finemq; mundi intercessit, necessario
ubivis terrarum existere statuamus? Adde quod si
maxime ita esset, non tamen id efficeret Smiglecius
quod vult, nimirum eos tantum veros ministros esse,
qui sunt Ecclesiæ Catholicæ ministri, cùm ut iam
ex supra dictis intelligi potest, non solum illos, qui
sub finem mundi Ecclesiæ quantumvis coactæ secun-
dum ipsius opinionem, ministri futuri sunt: sed eti-
am qui tempore Apostolorum, eo officio functi fue-
runt, & sic ipsos Apostolos, ut falsos ministros cum
damnare oportet. Quod quidem quam rectè face-
ret, ipse videat.

At, inquit Smiglecius, ipse Christus ita
futurum prædictum: Et prædicabitur hoc E-
vangelium regni in universo orbe, in testi-
monium omnibus gentibus & tunc veniet

con-

cōsummatio. Quid verò hoc ad rem, cùm hic non queratur, an Christi Evangelium in universo orbe sit prædicandum: sed an necessario futurum sit, ut omnes illud amplectantur. Quod quidem præter iam dictam causam, etiam inde falsum esse colligitur, quod Dominus hoc in testimonium omnibus gentibus futurum esse ait. Hoc autem nullam aliam vim habere omnes sani intelligunt, quām ideo ubique, Evangelium prædicatum iri, ut gentes, si illud amplectae minime fuerint, nullam sceleris sui excusationem habeant, ut ex similibus locis liquidissimo constat. Ex quo intelligitur tantum abesse, ut isto Christi testimonio ubique ecclesiam necessario fore confirmetur, ut potius facile contraria fieri posse demonstretur. ut nihil dicam Smigleciū sibi parum constare, qui suprà sub finem mundi, ecclesiam cogendam restringendamque dixit: hic verò contrarium ex his Christi verbis colligere videtur. Iam quod ad promissum Abraham factum attinet: Benedicentur in nomine tuo omnes gentes terræ: id quoque nullam rei isti, qua de agitur, necessitatē imponere ex eo constat, quod Paulus hunc locum explicans, fidei conditionem expressit, dicens: Cognoscitur ergo, quod qui ex fide sunt, ii sunt filii Abrahæ: providens autem scriptura, quia ex fide justificat gentes Deus, prænunciavit Abraham, quia benedicentur in te omnes gentes. Ad fidem autem & sic Abrahæ filiationem, seu quod planè idem est, ad Deo Christoque obediendum neminem vi cogi plusquam manifestū est.

Mat. 8. 4.
Luc. 9. 5.
Mar. 6. 18.

116 Nodi Gordii à Ma. Sm. nexo
est. Quo sit ut hi aliq; similes loci aā Dei consilium
non autem ad necessarium effectum referendi sint
ut pote per quem nihil stet, quo minus omnes homi-
nes Christi doctrinam amplectantur, in eumq; cre-
dendo filii Abrahæ evadant: quippe qui ut ex Paulis
verbis apparet, eiusmodi justificationis viam, per
Christum terrarum orbi monstraverit: qua non so-
lum Iudæi, sed etiam gentiles, si modo Dei clemen-
tiam minime respuant, sempiternam benedictio-
nem felicitatemq; adipisci possint. Verba etiam illa:
Multiplicabo semen tuum sicut stellas cae-
li, & velut arenam, quæ est in litore maris, i-
stam ecclesiæ per totum terrarum orbem diffusio-
nem necessario non arguere, præter iam dicta eti-
am hinc constat, quod Deum, hoc promissum, Abr.
s. Reg. 4. 40 hamo multò ante præstisset, scriptum legimus
quām Christus nasceretur, Evangeliumq; in tota
terrarum orbe prædicaretur. Verba etiam
illa Psalmi secundi: Postula a me & dabo tibi
gentes hereditatem tuam, & possessionē tu-
am terminos terræ. Item: Convertentur ad
Dominum universi fines terræ, & adorabū
ante ipsum universæ familiæ gen. um. Ha-
inquam verba in diversis Psalmis extantia, ob iat-
allatas rationes, nequaquam restificantur, omniq;
necessarioq; Christi ecclesiam intoto orbe consistere
debere: sed potius significant, Deum per Christum
ipsiusq; doctrinam non solum toti terrarum orbi am-
plissimam occasionem præbiturum, ad ipsum se-
conferendi, tantamq; in illos summæ inauditæq; chro-
nica

ritatis benevolentiam declaraturum, ut sceleratissimum omnisq; probitatis expertem hominem esse oporteret, qui ea minimè devinciretur, & ad ipsum redamandum, ultroq; sese ejus imperio subijcendum non commoveretur. Quod quidem omnem coactionem excludit. Hec omnia tamen non perinde à nobis disputantur, quasi primis illis ecclesiæ temporib; maximum undiq; numerum ad Christum confluxisse negemus. Quia enim Christi doctrina & miraculis innumeris anteaq; inauditis, & aspectabili Spiritus S: donatione, & donorum varietate, aliisq; multis argumentis confirmabatur, idcirco tantus ipsius erat splendor, ut homines quamplurimi, qui probitate delectabantur, maximam ei fidem autoritatemq; tribuerent. Sed eam ob causam, ad eum modum hactenus locutis sumus, ut Smiglecius una cum suis intelligat, hanc rem nequaquam tanta astrictione fuisse necessitate, quin aliter se habere potuerit: & si contraria fiat, minimè consequens esse, ecclesiæ, quantacunq; & quocunq; in loco sit, veros ministros habere non posse. Falsum igitur est, quod Smiglecius Augustini autoritatem fecutus dixit, ecclesiam in toto terrarum orbe extare debere: si modo verbū debere pro teneri, & quasi lege quādam obstrictum esse, usurpavit. Cū igitur nec principium nec finis ecclesiæ catholicus fuerit, nec medium necessarium ad istam per terrarū orbem diffusionem adstrictum fuerit, definit tandem Smiglecius miserans rationes subducere, sibi ipsi contradicere, negareq; ministros nostros veros ecclesiæ ministros.

ministros esse, quia nimirum non sint ejus ecclesiæ ministri, quæ semper existat, fuerit, futuraq; sit catholica, id est, ubiq; terrarum vigeat.

Verùm hæc omnia, quæ Smiglicius hoc loco dicit, non nisi huc spectant, ut Romanensem cohortem veram Christi ecclesiæm esse doceat, ut ex his ipsius verbis perspicuum est, Quod in Romanam Ecclesiæm, (nimirum catholicam esse) verè convenit. At qui docendum prius erat, eam veram ecclesiæm esse. Hoc ipsum enim in controversia est, & à nobis ideò negatur, quod non solum salutarem Christi veritatem non habet, sed etiam ea tradit sequiturq; dogmata, quæ salutari veritati repugnant. Cùm enim hæc maxima ex parte in vero Dei Christi q; cultu consistat, huncq; ecclesiæ Romanæ dogmata evertant, quis non videt eam veram ecclesiæm minimè esse? Dogmata autem illa sunt, verbi causa, quæ de cultu imaginum, sanctorum mortuorum, de sacrificio missæ, de panis eucharistici Papæq; adoratione, deniq; de verbo non scripto, tradita à Romanensibus sunt. Probandum etiam Smiglicio erat, per terrarum orbem diffusum esse, veram ecclesiæm cōstituere, quod contrà esse, jam à nobis demonstratum est.

At, inquit, si adversarii eo signo non contenti, alia signa querant, signum non dabitur eis, nisi Christi Domini, qui providens has istorum tenebras, dígito quasi demonstravit ubi esset, & ubi eam à nobis quæri vellet, nempe ubi eam ipse ædificavit: in illa nimis

rum

rum petra, cui dictum est, Tu es Petrus, &
super hanc petram edificabo ecclesiam me-
am, & portæ inferni non prævalebunt ad-
versus eam. *Hic non possum satis mirari, Smigle-*
cium tantum Iesuitam tam turpiter extra oleas
vagari, cum ei propositum hoc loco fuerit docere, ve-
ros ministros ecclesiæ Catholicæ ministros esse: hoc
quippe esse Ecclesiæ signum, quod Catholica sit, fu-
erit, semperq; futura sit: & non ubi Ecclesia vel in
quo ædificata sit ostendere. Hoc enim insuper est a-
liud argumentum afferre, quod & materia & for-
ma à priore diversissimum cum sit; undecimæ de-
demonstrationis loco ab illo afferri potuisse, ut osten-
deretur, ejusdem demum ecclesiæ ministros; que super
Petrum ædificata est, veros ministros esse. Verum
transeant ista, respondendum nihilominus, & do-
cendum, Smigleciū nihil proficere. Dicimus igit-
tur, quicquid alii hac de re sentiant, nos nulla eccle-
siæ signa querere, nec illis ad ecclesiam cognoscen-
dam opus esse, nec ea dari ullo modo posse, ut in aliis
nostris scriptis ostendimus: nec porrò ædificatam esse
super Petrum, ecclesiæ notam esse, ullo pacto conce-
dimus. Tametsi enim minimè negamus, verba Chri-
sti ad Petrum pertinere: tamen si res ritè perpenda-
tur, facile intelligetur, super Petrum ædificari, ni-
hil aliud esse, quam salutarem Christi veritatem per
Petrum aliosque Apostolos traditam tenere: quod
quidem non signum est, sed ipsam Ecclesiæ essentiam
constituit. Negq; enim ita cum ratione insanendum
est, ut ecclesiam super ipsam Petri aliorumq; Apo-

fiolorum personam edificatam esse statuamus, cum
hoc est absurdum & ex eorum numero sit, quae fieri
non possunt. Præterquam enim quod homo, qui su
natura imbecillis fragilisque est, tanti edificii molem
sustinere non potest, etiam tota edificationis meta
phora à Christo hic, & ab Apostolis alibi usurpata
omnisque adeo spiritualis istius edificii ratio suadet
hic ad Christi doctrinam per Petrum aliasque Apo
stolos primo predicatam, respectum haberi, & por
rò super Petrum aliasque Apostolos edificari, nonni
us in eorum doctrina quæ Christi est inniti seu eam te
nere. Quodverò Petro in hoc munere etiam aliis
Apostolos adjungo, id Smigleciū nequaquam ma
le habere debet, cum hoc divinis nixus testimonii
faciam, quæ non minus illis quam Petro, fundamen
ti titulum tribuunt. Nec quicquam cum vero con
junctum habet, quod Smiglecius Petrum totius Ec
clesie, ut ordinarium pastorem fundamentum dici
in aliis verò particulares Ecclesias fundatas esse af
serit, cum hoc nullo scripturæ rationis vé presidio de
fendi possit. Adde quod illi scripturæ loci, in quibus
Apostoli, nec non Prophetæ Ecclesiæ fundamentum
nominantur, huic Smigleciiane assertioni planè
pugnant. In Apocalypsi enim Ioannis, non Ecclesiæ
particularis, sed totius urbis sanctæ, nimirum Hier
osolymæ duodecim Apostoli, fundamentum dicun
tur. In Epistola quoque ad Ephesios Apostoli Proph
etæque ejusmodi fundamentum disertissimiis verbis no
minantur, cuius Christus sit angularis lapis, in quo
totum edificium crescit in templum sanctum in De
mino

mino, ut facile appareat, hic generalissimum quod-
dam fundamentum edificiumq; nobis ob oculos ponit.
Nam & generatim omnes Apostoli Prophetæq; me-
morantur, cùm uni particulari Ecclesiæ fundande
unus sufficeret, & Christus ejus fundamenti angu-
laris lapis appellatur, quod totum edificium susti-
net: & deniq; Ephesiani, qui particularem per se ec-
clesiam constituebant, ab universo isto & funda-
mento & edificio quasi distinguuntur, cùm eos A-
postolus his verbis admonet: In quo & vos coædi-
ficamini in habitaculum Dei in Spiritu san-
cto. Urget tamen Smiglecius Christi illa verba, E-
go tibi dico, tu es Petrus, & super hanc pe-
tram ædificabo Ecclesiam meam *Quæ quidē*
ut ad solum Petrum pertinere ostendat, quatuor af-
fert rationes. Prima est, Dominum his verbis
singularem Petri excellentiam explicare vo-
luisse. Altera est, quòd non temerè illi soli Pe-
tri nomen indiderit. Tertia, quòd eidem di-
xerit: & tibi dabo claves regni cælorum:
cùm autem idem sit super Petrum fundare
Ecclesiam, & tradere ei claves regni cælo-
rum, consequens esse, ait, super Petrum ædi-
ficatam esse Ecclesiam. Quarta, quòd soli Pe-
tro tunc revelaverit Pater cælestis, quem
confiteri deberet Christum: & idcirco illi
soli in præmium confessionis hæc præroga-
tiva concessa sit, & Dominus non tanquam
omnium communem approbaverit, cùm
non dixerit, Beati estis, quia caro & sanguis

116 Nodi Gordii à Ma. Sm. nxi
revelavit vobis: sed Beatus es Simon Bario-
na. Hæc Smiglecius: ad quæ omnia sigillatim re-
spondebimus. Primo igitur nequaquam consequens
esse dicimus, quia Christus solum Petrum alloquen-
do, singularem ipsius excellentiam explicare voluit:
idcirco solum Petrum Ecclesiæ fundamentum esse,
cum longè alia hujus rei causa dari posse, nimis
quod in fundanda Ecclesia, reliquis tum Apostolis
tum Prophetis præturus esset, quod quidem sat is-
erat ad Petri præ aliis excellentiam explicandam.
Secundò, fatemur Christum soli Petro hoc nomen
non temere imposuisse: inde tamen consequi, super
ipsum solum Ecclesiam ædificatam esse pernegamus:
cum jam scripturæ testimoniis planum fecerimus i-
stam Petri prærogativam nequaquam in eo consiste-
re, quod ipse solus, reliquis exclusis, Ecclesiæ funda-
mentum sit resq; ipsa doceat, nullam maiorem Petri
prærogativam dari posse, quam quod in fundamenti-
ratione, sibi cum aliis communi, illis quodammodo
præiverit, ordineq; primus fuerit, ut ex actis Aposto-
lorum aliisq; non paucis scripturæ locis manifestū est.
Tertia Smigleci ratio nihil continet, quod nostra
sententia sit contrarium: cum sponte nostra fatea-
mur, Ecclesiam Christi super Petrum fundatā esse.
Quod vero quarto loco Smiglecius asserit soli Petro
tunc revelatum fuisse, quem confiteri deberet Chri-
stum esse, nulla ratione probari potest: immo falsissi-
mum id esse inde constat, quod & reliqui Apostoli,
multò ante hanc Petri confessionem, idem probè no-
verunt, ut testis est Matthæus cap. 14. v. 33. Adde quod

Andree

Andreae fratri ejusdem Petri, alteriq^z cuidam discipulo, prius Iesum esse Messiam sive Christum quam Petro revelatum fuisse. scriptum legimus. Is enim Andreas, ut testis est Iohannes, primum invenit fratrem suum Simonem & dixit ei, Invenimus Messiam, quod est interpretatum Christus. Quid quod statim in ipso initio, tum Philippotum Nathanaeli, tum reliquis, qui sese tunc ad illum conferebant, innotuit, eum esse Christum, ideoq^z in illum crediderunt, ut ex primo secundoq^z Iohannis Evangelii capite perspicuum est. Ut igitur Smiglecius ex falso suo pronunciato, falsum concludere, nescio qua fronte ausus est: ita multo magis nos ex vero verum concludere possumus: nimirum quia non soli Petro divinitus revelatum fuit Iesum esse Christum: ideo non solum Petrum eo in loco, sed sub ipsius persona & reliquos fundamentum ecclesie appellari. Cum enim nihil aliud tunc Domino Iesu hujus orationis causam attulerit, quam Petri de ipso confessio: idemq^z ut docuimus, & reliqui tunc de illo senserint, manifestissimum certè est, ejusdem cause, eundem esse effectum. Quod quo sit confirmatius intelligendum est, Christum cum suis discipulis colloquētem, omnes interrogasse, quid de ipso sentirent, & porro Petrum respondentem omnium personam sustinuisse. Quod etiam hinc magis apparet, quod Dominus Petri responsione cōtentus, nequaquam ab unoquoq^z seorsim eadem de re querit. Atqui Smiglecius hoc ideo verum esse negat, quod non ex commissione aliorum responderit. Quam frivolum autem hoc

fit, inde patet, quod nec hoc probat, nec scriptura
hac de re silentio, hoc probare potest: cum à non scri-
pto ad non esse consequentia minimè valeat. Adde
quòd de re prorsus eadem Petrum reliquorum no-
mine respondisse, quamvis similiter nullius ibi com-
missionis fiat mentio, ipsum Smigleciūm fateri o-
portet. Interroganti enim Christo omnes universi-
num & ipsi, ut Capernaitæ, discedere vellent: re-
spondit Petrus pro omnibus. Domine, ad quem
ibimus, verba vitæ æternæ habes, & nos cre-
dimus, & cognovimus, quòd tu es Christus
filius Dei vivi. Ex his omnibus colligitur, Petrum
non solum ipsius rei, sed nominis etiam ratione ha-
bita, reliquorum personam sustinuisse, ita ut eo no-
minato, omnes simul nominari statueretur. Quod
quidem haud absurdè à nobis dici, præter ea, qua-
jam diximus, inde perspicitur, quòd Paulus ase-
rens Petro creditum fuisse Evangelium circumcisio-
nis, non solum Petrum, sed reliquos etiam Aposto-
los, apud Iudeos Evangelium prædicantes, sine du-
bio intellexit, quippe quibus non minus quam Petro
ea persona imposta esset. Quod verò Dominus Pe-
trum potius, quam reliquos alloquitur, in promptu
causa est, quam & jam diximus, nempe quia tum
Petrus pro illis respondit: tum quia ipsius nomen ad
rem quam Christus parabat, accommodatissimum
fuit, ideo sine dubio ipsi impositum, quod reliquis in
eiusdem munera officio præturus erat.

His ita constitutis, non abs re fuerit explica-
re, quam ob causam Apostoli Prophetæg, Ecclesiæ
fnnda-

fundamentum dicantur. Intelligendum igitur est, id ideo fieri, quod quemadmodum qui domum aliquam edificare instituit, is omnium primo fundamentum ponit: ita Christus spirituale Dei domicilium fabricaturus ab Apostolis vobisq; initium fecit, eos omnium primò Dei suiq; ipsius noticia & salutari disciplina instituens, ut per eosdem omnes alios homines cœlesti veritate illuminaret, sibi adiungeret, & porro supra illos, id est eorum doctrinam, quasi suprà fundamentum aliquod construeret. Qua de re fusius in aliis scriptis nostris explicavimus, ad quæ lectorum remittimus.

Hū quæ diximus, attente consideratis, facile intelligetur, ea quæ Smiglecius subiungit, vanissima esse, nimirum fudamenti officium, quod Petrus sustinuit, etiam in ipsius successoribus perseverare: cum hæc sententia turpissimam contineat contradictionem, ideoq; nihil illa stolidus nihil ineptius esse posset. Aperte enim repugnat, fudamentum, & ejusdem fudamenti ratione successorem esse. Cùm namq; fudamentum Ecclesiæ esse, sit in illis primis Ecclesiæ fundatoribus numerari, primoq; à Christo ponni, & salutari ipsius veritate collustrari, ut demonstravimus: successorem vero agere, nequaquam ex illis primis esse, sed eos sequi significet, qui non videt hæc inter se contraria esse?

In statu tamen Smiglecius, asseritq; Christum voluisse ecclesiæ edificium perpetuum esse, permanens in seculum seculi: ideoq; & fudamentum ejus simili ratione perpetuum es-

se voluisse, cùm sine fundamento ædificium consistere non possit. Petrum igitur non tam ratione suæ personæ, quàm ratione sui officii, quod etiam in successoribus perseveret, perpetuum ecclesiæ fundamentum esse. aliqui defecisset ecclesia Christi, & portæ inferi prævaluissent eam. Hæc Smigl. dicere videatur. Respondemus autem primò Christum nequam absoluta voluntate voluisse, ut ecclesia perpetuò usq; ad finem mundi permaneret: cùm & nos suprà demonstraverimus, & alii idem copiosissimè fecerint, in hominum ex quibus ecclesia constat arbitrio positum esse, vel in agnita veritate perseverare, vel ab eadem desicere. Voluisse igitur Christum ecclesiam usq; ad finem mundi durare, concedi potest, si non quidem absolutam, quæ humanæ voluntatis libertatem impedit: sed illam voluntatem spectes, quæ alio nomine desiderium appellari potest. Quo pacto & Deum velle omnes homines salvos fieri, non cogendo, sed desiderando, à Paulo Apostolo dici intelligendum est. Quo sit ut fundamentum ecclesiæ perpetuum futurum esse, ex hoc Smiglecius pronunciato concludi nequaquam possit, quamvis eam rem, in qua Ecclesia fundata sit, & si esse desi-
nat, iterum fundari potest, semper mansuram esse minimè diffitear. Quæ quidem res nec Petri persona fuit, ut suprà demonstravimus, ipseq; Smiglecius hoc loco fatetur: nec ipsius successores, quos in fundamenti officio nullos habere potuit, ut ostendimus, ipseq; Smiglecius haud obscurè fateur, suoq; se gla-
dio

dio jugulat, dum dicit, legationis officium non esse ordinarium, nec transire ad successores, sed una cum morte expirare. Similiter enim & de fundamento judicandum est, cum Apostolum fundamentumque esse, idem re ipsa sit: & non nisi ea ratione illi, tum fundamenti, tum Apostolorum nomine appellati fuerunt, quam quod ut fundamentum domicilii istius primo positi, id est primo veritate salutari imbuti, ad homines Christo per Evangelii prædicationem adjungendos missi fuerint.

Animadvertendum præterea est, Smigleciū his verbis: legationis officium non est ordinarium, nec transit ad successores, sed una cum morte expirat: totum librum suum jugalasse, quippe in quo præcipue id agit, ut neminem nisi legatum aut missum ecclesiæ ministrum esse posse, demonstraret. Tanta nimirum est vis veritatis, ut nūquam hominum astutia ita opprimi demergi posset, quint tandem emergat, sepeque suis inimicis, quantumvis invitis excidat, in apertumque prodeat. Sed ut ad propositum revertamur, intelligendum est rem in qua Ecclesia fundatur, esse Christi Apostolorumque doctrinam, & sic minimè consequi id, quod Smiglecius hoc loco videtur colligere, nimirum si officium Petri, quod est Ecclesiæ fundamentum esse, in ipsius successoribus non perseveraret: mortuo Petro Ecclesiam defecturam, & portas inferni eam prævalitas suisisse. Satis enim est Christi doctrinam perpetuò manere, quippe quæ ad Ecclesiam & fundandam & conservandam sufficiat, dummodo accipiatur, &

retineatur, ut facile appareat, etiam Petro tum ipso, tum confictis ea in re, ipsius successoribus mortuis, ecclesiam tamen consistere, contraq; inferni portas sese tueri posse. Intelligendum quippe est, ab inferni portis minimè superari, non illud esse, quod Smiglecio videtur, nimirum externa carnaliq; claritate, hominum errantium multitudine, Paparum, Episcoporum, Iesuitarumq; titulis ac pompa, aliisq; his similibus rebus per longum tempus florere, & fundos, quos spirituales vocant, tenere: cùm potius hæc ipsa maximo arguento sint, Ecclesiam, quæ in istis rebus gloriatur, jam ab inferni portis superatam esse. Hæc enim illa lata & spaciosa via est, quæ ad infernum, seu, ut Christus loquitur, ad perditionem dicit, perq; quam multi ambulant. Intelligendum autem est, veram Christi Ecclesiam, ab orci portis non superari, nihil aliud esse, quam eos, qui Christo confidunt, eiq; obediunt, in mortuorum statu, qui infernus est, nequaquam mansuros, sed rāndem ex mortis faucibus ereptos, eternum victulos. Reliqua quæ in eodem capite à Smiglecio dicuntur, partim nihil ad propositum faciunt, partim iam à nobis convulsa sunt. Veniendum igitur est ad octavam ipsius demonstrationem, quæ hujusmodi est

Ministri legitimi sunt veri verbi Dei ministri.

Ministri Evangelici non sunt veri verbi Dei ministri.

Non sunt igitur legitimi ministri.

Assumptionem hujus argumentationis negamus,

mus, cùm satis i*s* veri Dei verbi minister sit, qui ea ex divinis oraculis apud populum Christianum proponit, in quibus summa sempiternæ salutis consi*s*tit, hūq; contraria fugit: veluti sunt doctrinæ, quibus idololatria impietasq; invehitur. Smiglecius tamen hanc sui argumenti assumptionem inde demonstrari ait, quod Evāgelici verbum Dei partim rejiciant, dum nimirum verbum non scriptum admittere nolunt: partim pravis interpretationibus corrumpant Quorum utrumq; quam verè & ad rem accommodate à Smiglecio dicatur, vindendum est. Dicimus igitur primò nequaquam consequens esse, protinus eum veri verbi Dei ministrum non esse, qui verbum non scriptum rejicit: cùm verbum istud non scriptum, verbum Dei minimè esse, iampridem à multis doctissimis viris, à nobisq; in libro de vera religione abundè demonstratum sit. Quod quidem quo rectius intelligatur, videamus, quid hoc loco dicat Smiglecius. Rejiciunt, inquit, totum Dei verbum non scriptum, nullamq; ejus rationem habendam volunt, quasi verbum Dei, nisi scribatur, non sit verbum Dei, aut à scriptura & membranis, non à Deo, suam autoritatem habeat. Hic respondemus Smigleciūm insignem Sophistam agere, dum nobis ineptissimam istam concludendī rationem affingit, quasi nimirū, quia aliquid scriptum nō est, ideo illud pro Dei verbo habēdū minimè esse: aut verbū Dei nō à Deo, sed à scriptura & membranis suā autoritatem habere statuamus. Errat Smiglecius cùm ita loquitur.

loquitur. Tam enim scimus, quām Smiglecius, fuisse tempus cūm Ecclesia Dei verbo, partim ore prolatō, partim scripto & fundaretur & viveret. Hodie vero autem tempore asserimus, idq; non paucis etiam patribus adstipulantibus, nonnisi scripto verbo nitendum esse, cūm que olim à Christo Apostoliq; iam ore, iam scripto, apud homines proposita fuere, ea omnia, quatenus ad sempiternam salutem attiner, postea literis consignata fuerint: nec ulla ratione demonstrari possit, fuisse aliquod Dei verbum non scriptum ab Apostolis de manu in manus Ecclesie traditum, quo omnis posteritas in perpetuum obligaretur. Nec quinquam Smigleciū juvat quod dicit: Hoc ipsum scriptum verbum, quod habemus, ex traditione profectum esse, &c. Item paulò post: Quod si scriptum Dei verbum traditione accepimus, cur eadem traditione non accipiamus non scriptum. Respondemus & hanc consecutionem duabus de causis pessime constitutam esse dicimus. Primo enim manifestam continent equivocationis fallaciā, cūm in eadem disputatione eademq; de re traditionis vocabulum iam scripturæ opponatur, iam communiter à Smiglecio usurpetur. Deinde falsum est, ab una eademq; Ecclesia, idq; pari ratione, tam scriptum quām non scriptum verbum traditum esse. Illud enim ab Apostolis traditum, id est literis consignatum, inter homines, singulari Dei providentia mansisse agnoscimus: Hoc verò non à vera illi Christi Ecclesia, sed ab illis, qui eam temporis ratione consecuti fuere, in quibus &

Romanenses numeramus, Christiano orbi obtrusum
esse inde patet, quod quemadmodum diximus, & a-
niles nugas, & ea continet, quæ scripto verbo repu-
gnant, ut alibi iam usq; ad nauseam à nobis demon-
stratum est. Quidquid verbū Dei ad salutem suffi-
cere, tum Iohannes Evangelista, tum res ipsa docet,
cum ea plenissimè contineat, quæ ad salutem adipisci-
endam sunt necessaria, nimurum fidem obedienti-
amq; Deo debitam. Nec quicquam valet, quod Smi-
glecius Iohannis verba eludens dicit: Hæc scripta
sunt, ut credatis, & credentes vitam habeatis: non quod solum suum Evangelium pu-
taverit, omnia necessaria ad salutem conti-
nere: sed quod ea quæ ipse scripsit de Chri-
sto, magnam vim habeant ad salutem nobis
conferendam si credatur, non exclusis ta-
men aliis. Hæc Smiglecius ex suo capite dicit: cum
non solum Iohannes ad istum modum non loquatur:
sed etiam ipse verborum contextus indicet, eum
hæc sua verba, Hæc scripta sunt, &c. illis oppone-
re, quæ scripta non sunt. hæcq; quæ scripta sunt,
& ad credendum & vitam æternam adipisciendam
satis esse docere. At, inquit Smiglecius, de ultima
cœna nihil scripsit Iohannes: neque tamen
dicunt Evangelici articulum de cœna Do-
mini, non esse necessarium ad salutem. Hic
verò audacter admodum dicit Smiglecius, Iohan-
nem nihil scripsisse de ultima cœna, cum tamen ali-
quid illum de ea scripsisse manifestissimum sit. Nam
& cœnam fuisse, & de cœna cum surrexisse, disci-
pulis

pulis pedes lavisse, & hoc peracto iterum consedisse,
 & discipulos cum eo discubuisse, & postquam Iudas
 abiisset, eum suos prolixis verbis commonuisse: &
 tandem eos surgere secumq; abire iussisse. apud e-
 undem Iohannem scriptum legimus. Hæc omnia se-
 rè in ultima illa cœna facta fuisse, ex aliis Evange-
 listis liquido patet. Hic insuper placet paucis verbis
 summam Smiglecii inconstantiam omnium oculis
 exponere, qui cùm suprà capite nono decimoq; di-
 sputationis sue, ea quæ Christus Iohan:6. de corpo-
 ris sui comeditione dixerat, ad cœnam Domini, quæ in-
 tumvis falsò retulisset: nunc suipius oblitus, Iohan-
 nem de Dominica cœna nihil quicquam scripsisse
 ait. Verùm ista transeant, unà cum non paucis hic à
 Smiglecio in medium prolati, quæ cùm ad nos mi-
 nimè spectent, reliqui Evangelicū refellenda per-
 mittimus.

Verùm Smiglecius illis Petri verbis suam sen-
 tentiam constituere conatur: Omnis scriptura
 propria interpretatione non sit: sed Spiritu
 Sancto locuti sunt sancti Dei homines. Hæc
 enim verba non nisi de Prophetarum vaticinis in-
 telligenda esse, ipse verborum contextus docet: quæ
 vaticinia propriæ interpretationis non esse idèo di-
 cuntur, quod plerumq; non ita ut sonant, accipienda
 sunt, ideoq; semetipsa nequaquam interpretantur,
 cùm Deus sub verborum involucris res futuras præ-
 nunciare voluerit. Nec tamen opus est, ut à Roma-
 nensibus doctoribus vaticiniorum istorum interpre-
 tationem petamus, cùm quomodo intelligenda sint,

¶ ee-

& eorum completio, & Christus & Apostoli satie
iam docuerint. Cujusmodi & illud fuit, quod Phi-
lippus Eunicho explicuit. Alia verò divinarum li-
terarum testimonia, dummodo ad ea legenda con-
siderandaq; animi probitas diligentiaq; adhibeatur,
facile absq; ullo insigni interprete intelligi possunt.
Quod quidem tametsi de omnibus, maxime tamen
de illis dictum existimari volumus, quibus res ad sa-
lutem necessariæ describuntur. Quas tantum abest,
ut Deus ab hominum intelligentia remotas esse vo-
luerit, ut singulari ipsius consilio, propter rudiores
potissimum in lucem editæ fuerint, ut quidem ex
Pauli aliorumq; Epistolis manifestissimum est. Atq;
in hanc sententiam multa etiam à Patribus de scri-
pturæ perspicuitate dicta esse, Smiglecius, ut pote
tantus Theologus ignorare non potest. Nihilominus
tamen illius contradicere non dubitat, & collationem
scripturæ, qua verus illius sensus elicetur, eare da-
mnat, quod quælibet secta eam sibi tribuat.
Sic enim loquitur: Qui fit ut cum Arriani æ-
què ac Calvinistæ scripturas cum scripturis
conferant, contrarias doctrinas ex scriptu-
ris eliciant. Sed & ipsi Evangelici, uno tem-
pore facta scripturarum collatione hoc af-
firmant, quod alio tempore, facta alia scri-
pturarum collatione negant. Omnes deniq;
hæretici scripturas cum scripturis conferunt,
& tamen singuli suas hæreses ex scripturis
deducunt: ita ut verè scriptum reliquisse Lu-
therus videatur, scripturam esse hæretico-

xum librum. Ex eo enim omnes suas hæreses hauserunt, cùm nūllus ferè sit, qui suum er-
torem aliquo scripturæ loco nō confirmet.

Si dicant Evangelici Arrianos nō rectè scri-
pturas conferre: dicent idem Arriani de E-
vangelicis pariq; studio veritatis se ac illos
in scripturis investigare veritatem. Cùm
porro Lutherani deficiunt ad Calvinistas,
vel hi ad illos, nonne utrique collationem
scripturæ faciunt, & priorem collationem,
quam antea probabant, postea improbant,
& quem Spiritus sancti sensum opinabam-
tur, postea rejiciunt atque contemnunt?
Summa rei est, si quæcunque collatio scri-
pturæ à quocunque facta, sufficit ad veram
interpretationem scripturæ, cum omnes hæ-
retici loca cum locis conferant, sequitur o-
mnes hæreticos verè interpretari scriptu-
ras, aut illa regulâ interpretandi scripturas,
nō erit usque quaque certa & indubitata, Hæ-
reticus Smiglicius. In universa autem ista ratiocinati-
one dupliciter lapsus est. Primo quodrei abusu, ve-
rum ipsius usum tollere nititur. Deinde quod perso-
narum vitia, ipsi rei per se bonæ tribuit. Quid enim?
an ideo scripturæ collatio mala est, quod quispiam
ea non rectè utatur? an ideo rejicienda, quod in
tanta hominum dissensione, non solum quilibet sibi
eam tribuit, sed etiā alios in ea errare afferit? Cer-
te si hoc verum est, etiam ipsa sancta scriptura, e-
andem ob causam rejicienda fuerit. Quod quidem

Romanenses maximè querere videntur, ut suum verbum non scriptum tanto impuniū Christiano orbi obtrudant. Qua quidem de re, quid existimandum sit, cordatorum judicium esto.

Pergit autem Smiglicius & tanquam causa iam obtenta dicit: Falsum igitur est, illud commune Evangelicorum pronunciatum, scripturam esse judicem omnium controversiarum, esseq; ex se clarissimam, & omnes dubitationes tollere. Si enim hoc ita est, cur apud Arrianos pro Arrianis judicat, apud Calvinistas pro Calvinistis, apud Lutheranos pro Lutheranis. Omnes enim hi se scripturæ judicio subjiciunt, & scripturæ judicium pro se afferunt. Si scriptura facillima & clarissima est, unde igitur in tanta luce, tenebræ tantæ? unde innumeræ circa scripturarum intelligentiam contentiones? unde tam variæ interpretationes? unde tot errores? Hæc ille. Hic respondemus Smiglicium in idem vitium incurrere, quod paulò ante reprehendimus, dum nimirum personarum crima cum re ipsa confundit. Non enim consequens est, ideo scripturam non esse lumen, controversiarumq; verum judicem, quia multi vel præjudicatis opinionibus exceccati, vel improbitate negligentiaq; impediti, se ad eam legendam conferunt, & porro aliter atq; aliter illam intelligunt. Num, quæso, ideo quispiam legitimus judex minimè fuerit, quia illi quorum causas judicandas suscipit, mentu quodam vel stu-

pore, vel quocunq; alio errore implicati ipsius sententiam, quantumvis per se clarissimam, aliter atq; alter accipiunt? Minime gentium, cùm culpa non in judice sed in ipsis hæreat.

Quod porrò scripturam mutum judicem nominat, qui partibus tribuat potestatem ad libitum loquendi, interpretandi, decernendi. id nimis falsissimò ab illo dicitur: cùm scriptura nec muta sit, sed omnibus istis rabilis eloquentior, satisq; enucleatè omnia, quibus salutis nostre ratio continetur explicit: nec potestatem faciat dicens, interpretandi, decernendiq; ad libitum. Sed certam regulam monstrat, ad quam omnes controversiae examinari possunt ac debent, ut etiam Augustinus aliiq; patres testificantur. Quòd si quis ad libitum loquitur interpretaturq; id nimis non in scripturam, sed in depravatam ejus, qui hoc facit, voluntatem conferendum est.

Illud quoque falsissimum, vel certè Smigleci sententiæ contrarium est, quod dicit, eorum dunt taxat, supra quos ædificata ecclesia est, quiq; claves regni cælorū tenent, esse de vero scripturæ sensu decernere ultimamq; sententiā ferre: cùm solos Apostolos prophetasq; illos ecclesie fundamentum fuisse, clavesq; illas habuisse, iam suprà nobis demonstratum sit. Vnde cōsequitur, Smigleciū suum Papam suosq; episcopos, ab hoc de vero scripturæ sensu judicandi munere, prorsus excludere, quippe qui nec Apostoli, nec prophetæ, nec eorum successores sint, ut suprà docuimus. Quo fit, ut si volu-

mus, hodie de scripturæ sensu judicium fieri posse, illud ad nullum certum hominum genus alligatum esse: sed cui libet scripturam non oscitanter legenti, fidei quod analogiam, ex diligentí ejusdem scripturæ collatione rectè tenenti, convenire statuendum sit: præsertim cum nusquam scriptum legamus, certis quibusdam hominibus præ aliis hanc potestatem datam esse, ut ultimam necessariam quod, de scripturæ sensu ferant sententiam: contrà vero omnes omnia, spiritus quod an ex Deo sint probare disertissimis verbis jubeamur. Et quia hæc probatio, sive hoc judicium, non nisi per scripturam fieri potest, quis non videt, eam controversiarum judicem merito appellari?

Nona Smiglecii demonstratio.

Ministri Evangelii fructum afferunt E-vangelio dignum.

Hunc fructum non afferunt ministri E-vangelici.

Ergo non sunt veri Evangelii ministri.

Assumptionem hunc in modum probare nititur Smiglecius: quia, inquit, nullus ex eorum secta prodiit, aliqua sanctitate illustris: nullus vadit & vendit omnia: nullus castitatem perpetuam servat, ad eam vere voto se adstrinxit: nullus Iohannis Baptistæ exemplo ad desertum se contulit, ut ibi cilicio ex pilis camelorum indutus aqua & oleribus victaret: nullus divinarum rerum contemplatione in cælum usque raptus: nullus divinæ dulcedinis ineptius animi deliquium passus est, &c.

Hic dupliciter respondemus: Primo ut ista omnia ad veri ministerii essentiam nihil spectant: cùm sint planè singularia, & ideo ordinariam ministerii functionem non constituant: ita qui iis caret, ob id ipsum à veri ministerii munere excludendus nequaquam est: nisi Smiglecius demonstret, ministris planè injunctum esse, ut si se severos ministros præbere velint, ista omnino habeant. Quod non solum nunquam faciet. sed etiamsi ficeret, seipsum unam e jussdem farinæ hominibus, vero ministerio privaret. Sed fortassis non ut quilibet minister talis sit requirit Smiglecius, sed ut Evangelici ostendant in ipsorum secta saltem unum vel alterum extitisse, qui si non omnia ista claritatis insignia, aliqua tamen habuerit. Respondemus, ne hoc quidem ministerii essentiam constituere, nec unquam scriptum extare, omnino opus esse, ut qui veri ministri esse volunt, tales viros ex sua secta prodiisse ostendant. Quid quod adhuc sub judice lis est, an ecclesia Romanensis, an verò potius ii, qui Evangelicam veritatem tenent, ipsis virorum sanctissimorum qui hic memorantur, exempli gloriari jure possint. Iohannem enim Baptistam, qui in desertum sese contulerat, Papistam minime suisse apertissimum est: cùm & baptismus & doctrina illius à Papistarum tum baptismo, tum doctrina plurimum differat. Veri contra Evangelici eandem baptizandi formam, idem de Christo testimonium, eandem pœnitentie disciplinam retineant, ut alibi fusius à nostris hominibus disputatur.

Paulum quoq; qui in tertium usq; cælum raptus erat, verorum Evangelicorū cœtui, multò quām Romanæ ecclesiæ propiorem fuisse inde patet, quod is cœtus Pauli doctrinam, ut in omnibus ita in hoc sequitur: quod & idololatriam ab illo prohibitam, & doctrinas dæmoniorum, cibos matrimoniaq; veteres fugit, ministros habet honestos, unius uxoris maritos, &c. Quibus de rebus an Romanenses jure gloriarī possint, alii judicent. Illud certè eum à Romanensibus minimè fuisse evidentissimè demonstrat, quod de Antichristo, quem Romanum pontificem esse omnes sani intelligunt, de q; defectione per ipsum facta varicinatus est. Iam quid de Iohanne theologo quem rerum divinarum contemplatione maximis & admirabilibus visis extra seipsum raptum, animoq; defecisse legimus, is certè tantum abest, ut Papista fuerit, ut Romanensem bestiam, potestate suam à dracone accepisse apertissime dixerit, eandemq; non uno in loco variè depingat, hominesq;, ut ab ipsius charactere adorationeq; caveant, sedulè hortetur. Quod igitur quispiam cœtus longius à bestia ista discessit, ideoq; Iohannis monitioni obediensior est, eo propiorem sibi eundem Iohannem fuisse, gloriari potest. Hæc quidem exempla ideo etiam majori ornamento verorum Evangelicorum Ecclesiæ sunt, quod viri memorati, non ultrò, nec cerebri sui figmenta sequentes, eum statum amplexi, sed ab ipso Deo in eo collocati fuere. Habeant igitur Romanenses suos monachos, aliosq; qui citra ullum divinum mandatum, somnia tantum sua sequentes,

matrimonium divinitus ordinatum fugiunt, casti-
tatis voto se obstringunt (quām feliciter autem &
quām sanctè id faciant, experientia oculiq; adeo ipse
testantur) in monasteria se concludunt, aliaq; susci-
piunt, ex quibus non castitas, non sanctitas, non pu-
ritas, sed horum contraria emergunt, ut summo-
cum dolore videmus. Nos erimus contenti isti viris,
qui nostris cōtibus singulari vitæ sanctimonia præ-
verunt, eaq; pietate, quam tum ministri, tum alii
homines nostri, ex prescripto Christi, pro virili par-
te sequi debent, Quæ postea Smiglecius in Lu-
theranos dicit, quod nimirum, solam fidem
justificare asserant, quod sacramenta tollat,
quod deteriores facti fuerint, quām cūm es-
sent in papatu, &c. ea cūm ad nos nihil pertine-
ant, ipsis defendenda relinquimus. Similiter & de
illis, quæ postmodum de fide Evangelicorum dispu-
tat, judicandum est. veniam igitur statim ad de-
cimam Smigleci demonstrationem, quæ hujusmo-
di est.

Ministris veris Deus cooperatur, & ser-
monem confirmat sequentibus signis.

Ministris Evangelicis nunquam est coo-
peratus Deus, neq; sermonem eorum
confirmavit sequentibus signis.

Non sunt igitur veri Ministri.

Hic animadvertendum est Smigleciū non
solum syllogismorum formam, sed etiam materiam
violare. Formam, quia in secunda figura majorem
particularem ponit: cūm nec omni vero ministro,

nec semper Deum signis cooperatum fuisse constet.
 Nam & locus ex quo suum argumentum deprompsit, præcipue tantum de Apostolis loquitur: & Paulus expressè afferit, non omnium esse virtutes edere,^{2 Cor. 12}
 morbosq; sanare. Non semper autem hoc Deum fuisse res ipsa indicat, cùm post primævam illam Ecclesiam, nulla miracula edita fuisse, nec nunc ede-
 constet, quibus salutaris Christi doctrina confirme-
 tur, ut pote cùm iam satis confirmata fuerit. In ma-
 veriam autem syllogismorum Smiglecius peccat,
 cùm in minore propositione dicit, Deum Ministris
 Evangelicis nunquam fuisse cooperatum sequenti-
 bus signis: quandoquidem illi de quibus major loqui-
 tur, maximè Evangelici ministri fuerunt, ut potè
 Evangelium ubivis locorum prædicantes. Quo fit, ut
 satis sese ridiculum præbeat, dum à nobis qui idem
 & non aliud Evangelium nos habere profitemur,
 postulat, ut per mille sexcentos annos, vel unum mira-
 culum à nostræ confessionis hominibus factum profe-
 ramus. Nec quicquam cause nostræ officit, quod &
 Arriani, & reliqui Evangelici, &c. Apostolorum
 miracula sibi vendicant: cùm licet in quibusdam re-
 bus, quibus salutis nostræ summa minimè contine-
 tur, dissentiamus: in veritate tamen salutari, quæ
 pauca admodum continet, ita consentiamus, ut o-
 mnes unus certus esse possemus. Quia autem eadem
 salutaris veritas sola præcipue Apostolorum mira-
 culis confirmata est, ideo omnes merito, id est tam
 illi quam nos, ea nobis vendicare possimus. Conatus
 fuerit Lutherus, Calvinus, aliiq; quorum Smigleci-

us meminit, quicquid voluerint, (si modo vera sunt, quæ hic de illis dicuntur) nihil hoc nostrare refert, qui Apostolorum miraculis veritatemq; semel confirmata contenti, nihil ultrà requirimus, planeq; cum illis facimus, qui ut Smiglecius dicit, scripturis hodie & non miraculis agendum censem. Respondet Smiglecius: Ita quidem: At cùm scripturas variè torqueant, & ad suos sensus accommodent, divino testimonio est opus: utri scripturas verè & ad animarum salutem accommodatè exponant: hæreticiné, an Catholicí: Arrianí, an Calvinistæ vel Lutherani? Respondemus haec frustrà à Smiglecio dici: cùm non solum iam satis constet, Deum miraculis ordinariè nobiscum non agere, sed etiam ad hanc rem, quam Smiglecius hic commemorat, miraculis opus non esse. Ipsa enim scripturæ cum scriptura collatio, fidei q; analogia, quæ ab unoquoq; non socorde homine, ex scripturis haberi potest, citra ulla miracula, satis indicat, cui parti in rebus ad salutem pertinentibus sit adhærendum, præsertim cùm ea quibus salutis nostræ ratio continetur clara apertaq; sint. Qua de re cùm partim in hac responsione nostra, partim alibi à nostris hominibus disputatum sit, haud necessarium arbitror, eadem repetere.

Ex his, quæ paucis hoc loco complexi sumus, perspicuum est, Smiglecius istam argumentationem, non demonstrationem, sed inanissimum sophisma esse, quemadmodum & omnes aliae, ut hactenus ostendimus, eaq; quæ de miraculis à Donatistis, dæmoni-

monibusq; factis, & in ecclesia Romana omnibus seculis editis disputat, partim ad nos nihil pertinere, qui ut Dæmones, non nisi Dei permisso portenta sacere posse facile concedimus, ita factane à Donatistis fuerint nec ne minimè curamus: partim vero non ad nos vero ministerio excludendos: sed ad adversarios Antichristianismi convincendos maximam vim habent. Si enim post illa tempora quibus Evangelica doctrina satis confirmata fuit, miracula vigerunt, certè non ad salutarem Christi veritatem comprobandam facta fuerunt. Duabus quippe evidenterissimis rationibus demonstrari potest, divinis miraculis, à memoratis usq; temporibus ordinariè nullum locum fuisse: quarum prior est quod Deus nihil facit frustra. Frustrà autem fuissent facta miracula, postquam salutari veritas satis fuit confirmata, cum non nisi hujus confirmationis causa adhibita fuerint. Altera, quod Deus nulla ratione homines ad Christi religionem vi cogere, sed eam lydium lapidem esse voluit, quo hominum animi explorarentur, ut nimirum probiantum illam amplecterentur, improbi vero sua culpa ea offenderentur. Probris quippe hominibus ea argumenta, quibus olim Christi doctrina confirmata fuit, ad eam amplectendam satis sunt. Improbi vero illis minimè contenti, sortassis miraculis, si hodie etiam ederentur, quasi vi quadam impulsi, non autem propriavirute adducti, ad Christum se conferrent, & sic liberum arbitrium tolleretur, Christianaq; religio an-

136 Nodi Gordii à Ma. Sm. nexo
morum exploratrix esse cessaret, suamque naturam
perderet.

Cum igitur miracula, quae post primævam il-
lam Ecclesiam viguisse Smiglecius gloriatur, non
ad veritatem confirmandam facta fuerint, ut iam
demonstravimus, sequitur ea ad mendacia stabili-
enda edita fuisse, & sic illa esse, quibus Diabolus anti-
christum ipsiusq; ministros, ad Christi veritatem e-
vertendam armavit. Quod enim Smiglecius Deum
diabolo ita miracula faciendi potestatem permitte-
re negat, quin simul ea falsa esse appareat, id ipsius
causam nihil plane juvat. Ut enim hoc concedamus,
nequaquam tamen hinc sequitur, Romanensium
miracula, non esse diabolica, cum id ita esse fideli-
bus semper notissimum fuerit, quippe qui ea ex i-
psorum doctrina ponderaverint, ut divinitus edociti
fuere. Quid quod non ita facile omnibus, ut fortassis
putat Smiglecius, appareat, diabolica miracula falsa
esse, ut quidem tum ex verbis Pauli, tum ipsius Chri-
stii perspicuum est, quibus & Deum efficaciam dece-
ptionis veritatis mimicis, per Antichristum missu-
rum fuisse prædictur, cuius adventus fuit ex effica-
cia Sathanæ cum omni potentia, signisq; ac prodi-
giis mendacibus, & cum omni fraude injusticie: &
surrecturos fuisse pseudochristos, datusq; signa
magna & prodigia, ita ut in errorem inducerentur
(si fieri posset) etiam electi.

Providentia Dei fieri, quemadmodum dicit
Smiglecius, ut homines miraculis minimè decipi-
antur, libenter concedimus, sed non simpliciter, ita
nimi-

Deut. xxi.

2. Thes. 2.

10, 11, 12.

Matth. 24

24.

nimirum ut homines interim ea in re nihil agant: sed eo pacto, dum in assiduo veritatis studio versantur, ideoq; ipsi ne fallantur sedulo carent, eadem Dei cura atq; providentia juventur. Verum quo pacto hoc Smiglecius causam stabilitat nostram autem revertat, non videmus. Cum enim nos miracula nulla facere, ultrò fateamur, isti verò de miraculorum multitudine glorientur: nonne potius nobis hac in parte divina cura prudentiaq; opus est quam illis, cum à nobis per miracula falli non possint: nos verò, nisi Dei ope implorata diligentissimam adhiberemus cautionem, facile illorum miraculis circumveniri possemus. Quam quidem Dei providentiam ut aliis multis in rebus, ita & in hac experti sumus, quod nobis omnia Antichristi stratagemata, omnesque Pontificiorum errores patefecit, & sic quid de illorum, si qua sunt, miraculis sentiendum sit, planissimè ostendit: ut ex nostris libris quilibet cognoscere potest. Pro quo quidem summo Dei beneficio ipsi ingentes agimus gratias, eumq; suppliciter oramus, ut eandem gratiam omnibus nationibus impertiat, id est, Antichristi technas illis aperiat, quo fiet, ut illis valere iussis, solamq; veritatem sequentes, summum illud bonum per Iesum Christum consequantur, quod omnibus Dei studiosis destinatum est. Amen.





Erratorum graviorum correctiones.

pag.	vers.	errata.	correctiones.
28.	4.	Theophilactus	Theophylactus
23.	12.	permittet	permittit
32.	6.	alio	alios
33.	18.	conducant	conducat
34.	29.	viri sineq ₃	viri auctoritate, sineq ₃
38.	3.	enunciationum	enunciationem
43.	22.	convincerimus	convicerimus
44.	20.	<u>Qui enim</u>	Cum enim
36.	1.	questones	quæstiones
65.	2.	alud	aliud
66.	4.	quod nec ipse	quod ipse
67.	12.	legitimam	legitimum
68.	23.	postulasse	postulare
69.	17.	καὶ ἐξοχὴν	κατ' ἐξοχὴν
71.	7.	-miteret,	-mitteret,
ibid.	20.	fecisse	fecisse
72.	22.	temporari	temporariis
73.	23.	suspensas	suspensas
75.	6.	rationis	ratione
ibid.	14.	Apostolos	Apostoli
	ibid.	sibi ipse	sibi ipsi
77.	18.	invenire	invenisse
91.	10.	Susiglecius	Smiglecius
93.	26.	respicit	respuit
94.	20.	esse	est (dero)
204.	18.	eclesiæ tradere	eclesiæ se tr-

Cætera leviora Lector benevolus per se
ipse corriget.

9546





22.037

954.6
2

